



1. Lutheri auslegung  
des propheten Habacuc.  
Erfurth, 1526.


2. ————— Zachariae  
Erfurth, 1528  
andere Ang. vgl. Bd. 6585






Handwritten text, possibly a signature or a note, located at the bottom left of the page.







**Der** **Pro**  
**phet Habacuc**  
außgelegt durch  
**Adarti. Luther.**

1526

1526

# Der Prophet Habacuc.

## Das erst Capittel.

**D**ies ist die last zwilche  
der Prophet Habacuc gesehē hat  
HERR wie läge sol ich schre-  
yen/ vnd du wilt nicht hören? Wie läge sol  
ich zu dir ruffen vber freuel / vnd du wilt  
nicht helffen? Warumb ledestu mich sehen  
mühe vnd erbeyt? Warumb zeygstu mir raub  
vnd freuel vmb mich? Es geht gewalt vber  
recht / Darumb muß das gesetz wanckenn /  
vnd kan kein recht zum ende komen. Denn  
der gotlose vberforteylet den gerechtē / dar-  
vmb gehen verkerte vrteyl.

Schawet vnter den heyden / Sehet vnd  
verwundert euch / Denn ich wil etwas thun  
zu ewern zeiten / wilchs ihr nit glenbē wer-  
det / weñ man davon sagen wirt. Den sihe /  
ich wil dy Chaldeer erwecken / ein bitter vñ  
schnel volck / wilchs ziehen wirdt / so weyt  
das land ist / wonügen einzunemē / die nicht  
sein sind / vñ wird grausam vnd schrecklich  
sein / Es wird richten vñ druckē nach seiner  
art. Seine rosse sind schneller den die Pardē

2 2, 3572

vnd behender denn wolffe am abend / vnd  
seine reuter komen von ferne / vñ werde da  
her fliehen wie ein adler eylet zum ass / Sie  
werden komen nur zu freueln / wie eyn Ost  
wind werden sie daher faren / vnd wird ges  
fangene zusamē raffen / wir sand / Es wirt  
der Könige spottē / vñ der fürsten wird es la  
chen / alle festüge werde ihm ein schertz sein.  
Den es wird schut machen / vnd sie doch ge  
winnen. Als denn wird er einen newen mut  
nemen / wirt fort faren vnd sich versundigē.  
Denn mus sein sieg seines gottes sein. Aber  
du **HERR** / mein Got / mein heiliger / der  
du von ewigkeit her bist / las vns nicht sterbē  
Sondern las vns **O HERR** / nur eine strafs  
se sein / vnd las ihn **O vnser hort** / vns nür  
züchtigen. Deine augen sind reynn / das du  
vbels nicht sehen magst / vñ dem iamer käft  
du nicht zu sehen / Warumb sihestu denn zu  
den verechtern vñ schweygest / das der got  
lose verschlingee den / der frümer den er ist.  
Vnd lessest die menschen gehen wy fische ym  
Meer / wie gewürm das keynen herrn hat.  
Er zeuchts alles mit dem hamen / vñ fehets  
mit seym netze / vnd samlets mit seym garn  
A ij des frewet

Des frewet er sich vnd ist frölich / Darümb  
opffert er seinem netze / vnd reichert seinem  
garn / weyl durch die selbigē sein teyl so fett  
vnd seyne speise so völlig worden ist. Derhal  
ben wirfft er sein netze noch ymer aus / vnd  
wil nicht auffhören leute zu erwürgen.

### Das ander Capitel.

**H**Je stehe ich auff meiner hut / vnd trete  
auff meine feste / vnd schawe vnd sehe  
zu / was mir gesagt werde / vñ was ich ant  
worten solle dem der mich schilt. Der Herr  
aber antwortet mir vñnd spricht / Schreyb  
das gesicht vnd streychs aus auff eine tafel  
das es lesen kunde wer für vber leufft / Vñ  
lich also / Das gesicht stehet noch bis zu sei  
ner zeit / vnd wird endlich frey an tag komē  
vñnd nicht aussen bleyben. Obs aber verzög  
ge / so harre seyn / Es wird gewißlich komē  
vñnd nicht verziehen / Wer aber da widder  
strebt / des seele wird nichts gelingen / Den  
der gerechte lebt seyns glaubens.

### Das dritte Capitel.

**A**ber der weyn betreugt eynen stolzen  
Aman / das er nicht bleibē kan / wilcher  
seine



seyne seele auff sperret wie die helle / vñ  
ist gerade wie der tod / der nicht zu settigē  
ist / Sondern rafft zu sich alle heyden vñnd  
samlet zu sich alle völc̄er. Was gilts aber?  
die selbigen alle werden einen spruch von  
yhm machen / vñnd eyne sage vñnd sprich  
wort vñd werden sagen.

Weh dē der seyn gut mehret mit fremb  
dem gut / Wie lang wirts weren? vñd ladet  
nur viel schlams auff sich. O wie ploglich  
werdē auffwachen die dich beyssen / vñ er  
wachē die dich weg stossen / vñ du must yhm  
zu teyl werden. Den du hast viel heydē ge  
raubt / so werdē dich wid raubē alle vbrige  
von dē völc̄ern / vmb d̄ menschē blut willē  
vñ vmb des freuels willē ym lande vñ yñ d̄  
stad / vñ an allen die d̄ ynnē wonē begangē.

Weh dem der do geyret zum vnglück  
seines hauſes / auff das er seyn nest yñ die  
höhe lege / das er dem vnſal entrynne. Aber  
dein radſchlag wird zur schāde deines hau  
ſes geratē / Den du hast zu viel völc̄er zu  
schlagē / vñ hast mit allē mutwillē gesun  
dige / Dē auch die steine yñ d̄ maurē werdē  
schreiē / vñ die balckē am gesperr werdē yhm  
anworten.

A v Weh dem

We dem der die stad mit blut barwet / vñ  
zuricht die stad mit vnrecht. Ist nicht also  
das vom H<sup>E</sup>rrn Zebaoth geschehen wird?  
Was dir die völk<sup>e</sup>r geerbeitet haben / mus  
mit f<sup>e</sup>wor verbrennē / vñ daran die leute mit  
de wordē sind / mus verlor<sup>n</sup> sein / Den dy er  
de wird voll werdē vō erkētnis der ehre des  
H<sup>E</sup>rrn / wie wasser das das meer bedeckt

Weh dir / der du deinem nehiste einschē  
ckest / vñ misschst deinen grym dru<sup>n</sup>der vñ  
truncfē machst / das du seine schame sehest.  
Man wird dich auch settigen mit schande  
für ehre / So sauße du nu auch / das du dau  
melst. Den dich wird vmbgebē der kilch ym  
der rechtē des H<sup>E</sup>rrn / vñd must schētlich  
speyen für deine herlik<sup>e</sup>yt / Denn der freuel  
am Libanon begangen wird dich vberfallen  
vñd die verstōreten thiere werdē dich schrec  
ken / vmb der menschen blut willē vñd vmb  
des freuels willen ym lande vñd yn der stad  
vñd an allen die drinnen wonen / begangen.

Was wird den helffen das bilde das sein  
meister gebildet hat / vñ das falsche gegoss  
sen bilde / darauß sich verlest seyn meyster /  
Dz er stüme göze machte? We dem der zum  
holz

holz spricht / wach auff / vñ zum stüme stey  
ne / stehe auf / Wie solt es lerē: Sihe / es ist  
mit golt vñ sylber vberzogen / vnd ist keyn  
odem ynn ihm. Aber der HERR ist inn sein  
heiligē tēpel / Es sey für ihm stille alle welt

### Das vierde capitel.

**D**ies ist das gebet des Propheten Haba  
cuc für die vnschuldigen.

HERR ich hab dein gerücht gehört / dz  
ich mich entsetze / Deñ du machst dein werck  
lebendig mitten ynn den iaren / vnd lest es  
kund werdē mitten yñ den iaren / weñ trüb  
sal da ist / so denckstu der barmherzigkeit.

Gott kam vom mittage / vnd der heylige  
vom gebirge Paran. Sela.

Seines lobs war der himel vol / vnd seyn  
er ehre war die erde vol.

Seyn glantz war wie liecht / glenzen gien  
gen von seinen henden / Da selbst war heim  
lich seyne macht.

Für ihm her gieng pestilentz / Vnd plage  
gieng auß zu seynen füßen.

Er stund vñ mas das lād / Er schawet vñ  
zutrenet die heyden / das der welt berge zu  
schmettert wordē / vñ sich bucken mustē die  
A iij. hügel

hügel yn der welt / da er gieng yn der welt.

Ich sahe der Mozen hütten ynn der mü-  
he / vnd der Madianiter geselte betrübt.

Warest du nicht zornig **HERR** ynn der  
flut / vnd deyn grym ynn den wassern / vñ  
deyn zorn ym Meer?

Da du auff deynen rossen rittest / vnd dei-  
ne wagen das heyl waren.

Du erwecktest den bogen / wie du geschw-  
woren hattest den stemmen. Sela. vnd teyl-  
test die strome yns land.

Die berge sahen dich vnd ihn ward bäge /  
Der wasserstrom fuhr dahin / die tieffe lies  
sich hören / die höhe hub die hende auff.

Sonn vnd mond stunden ynn yhrer wo-  
nung / deyne pfeyle furen mit glenzen da-  
hin / vñ deyne spehre mit blicken des blitzes.

Du zustrattest das land ym zorn / vnd zu-  
drosschest die heyden ym grym.

Du zogest auß deym volck zu helfen / zu  
helffen deynen gesalbten / Du zuschmiffest  
das heubt ym hause der gotlosen / vnd ent-  
blößtest die grundfest bis an den hals. Sela.

Du wöltest fluchē dem zepter des heubts  
samt seynen flecken / Die wie ein wetter  
komet

Komen / mich zurstrewen / vnd frewen sich /  
als fressen sie den elenden verborgen.

Deyne pferde gehen ym Meer / yn schlam  
grosser wasser.

Weyl ich solchs höre / ist mein bauch be-  
trübt / meyne lippen zittern von dem gesch-  
rey / eytter gehet yn meyn gebeyne / Ich bin  
bey mir betrübt / O das ich rügen möchte  
zur zeyt des trübsals / da wir hinauff ziehē  
zum volck / das vns bestreytet.

Denn der feygenbaum wird nicht grünen  
vnd wird keyn gewechs sein an den weinstö-  
cken / Die erbeit am olebaum feilet / vñ die  
eck er bringen keyne narung / Vnnd schaffe  
werden auß den hürten gerissen / vnd wer-  
den keyne rinder ynn den stellen seyn.

Aber ich wil mich frewen des HERRN.  
vnd frölich seyn ynn Got meynem heyl.

Denn der HERR HERR ist meine krafft  
vnd wird meine füsse machen wie hirsfüsse /  
vñ wirdt mich ynn der höhe führen / hoch  
singend auff meym seyten spiel.

Ende des Propheten  
Habacuc.

Dieser

**D**iesen Propheten Habacuc hab ich fur mich genomen außzulegen/auff das er auch einmal an tag komme/vn̄ sich sehen lasse/was er yn̄ sich hat/vn̄ was vns der heylige geyst durch yhn sagt vn̄ leret/ Denn ichs da fur halte/das er sint d̄ apostel zeyt noch nie das liecht gesehen habe/ Das macht zum teyl/das die Ebreysche sprache vn̄bekand gewesen ist/on wilche es nicht möglich ist die schrift/sonderlich die propheten an etlichen orten/ Eherlich zuuerstehē. Dazu die alten vn̄ vorigē lerer/ so die sprach gehabt/durch ander zuual verhindert wenig vleys dran gewand haben/ so doch wol billich vnd recht/auch nütze vnd not gewest were/ weyl das letzte Capitel seyn gebet/so teglich ym brauch gewesen/beyde gesungen vn̄ gelesen ist ynn allen kirchen/ doch fast nach dem spruch wort/Wie die nōnen den psalter lesen. So ehret yhn. S. Paulus hoch vnd füret mehr denn eynmal diesen spruch (Der gerechte lebt seyns glaubens) vn̄ den selben gleich zum grund legt seiner aller schönsten Epistel zum Rōmern. Dazu Luca yn̄ der Aposteln geschicht auch woll zwey mal yhn furbringt/ Das es wol scheynet/ wie er nit eyn geringe ansehen bey den Aposteln gehabt hat. Wie wol aber wyr vns nicht nügen vber die alten veteren thūnen/ Denn Gott wil solch vrtail der personen alleynne haben. 1. Cor. iii. So müssen wyr doch das bekennen/ Konnen auch nicht leucken/ das wyr mehr liechts vnd Klarheyt an vielen orten der schrift haben vonn Gottes gnaden/denn sie gehabt haben/ Gott gebe das wyr auch danckbar seyn vnd deste mehr fruchtbar seyen Amen.

Aber ehe wir den text ansahen/mus ich vor den weg bawen vnd eynen gemeynen eyngangē machen/der nicht alleynne diesen/sondern fast alle Propheten deste bas zuuerstehē/nötig vn̄ nützlich ist. dē das hat bissher vtel irremacht ynn den propheten/das/ weñ sie von Jüdische reych redē/furtz abrechen/ vnd von Christo mit vnterreden/vnd dunckt yederman/ der yhre weyse nicht weys/ sie

*o  
Habacuc  
yn̄ yhn  
aposteln  
geschicht*

*der*

sie haben eine seltsame weyse zu reden / als die keine ordnung  
halten / sondern das hundert yns tausent werffen /  
das man sie nicht fassen / noch sich dreyn schicken muge.  
Zu istis gar vnlustig ding / eyn buch lesen / das keine ordnung  
helt / da man nicht kan eins zum andern bringen  
vnd an einander hengen / das sichs fein nach einander  
spümmen wie sichs denn gepürt / wo man recht vnd wol  
reden wil. Also hat der heilige geyst müssen die schuld ha  
ben / das er nicht wol reden kunde / sondern wie ein trun  
ckenbold oder ein narr redet / so menge ers ynn einander  
vnd fure wilde seltsame wort vnd sprüche. Es ist aber  
vnsere schuld / die wir die sprache nicht verstandē / noch der  
propheten weyse gewußt haben / Denn das kan yhe nicht  
anders sein / Der heilige geyst ist weyse vnd macht die  
propheten auch weyse. Ein weyser aber mus wol reden  
formen / das feylet nymer mehr / Wer aber nicht wol  
höret / odder die sprache nicht gnugsam weys / den mag  
wol dunckē / er rede vbel / weil er kaum der wort die helfft  
höret odder vernympt / Eben so istis vns bis her gangen  
ynn der schrift / Darumb haben wyr auch so getappet  
vnd nach geomet vnd gar oft neben hyn gangen vnd  
ein anders treffen / wie man sagt / Wer nicht wol höret /  
der reymet wol.

Zu erst / istis gewis / das alle propheten furnemlich  
yhre weysagung richten auff Christum / wie S. Petrus  
zeygt Act. iij. das alle propheten geredt haben von der  
zeyt des newen testaments / Denn auch das ganze Alte  
testament nichts anders / des eyne zubereytung vnd vor  
lauff gewest ist / zum newen testament / gleich wie eyn  
zuchtmeister / des herrn son auff zeucht vnd zubereyt / das  
er eyn geschickter hausherr vñ vater werde / wie S. Paulus  
zum Galatern sagt / Das gesetz ist vnser zuchtmeister  
gewesen auff Christum. etce. Das nu die propheten vn  
ter dem das volck straffen vnd viel weissagen / das alle  
zu yhrer zeyt gegolten vnd gedienet hat / also auch das sie  
Königreiche

Königreiche vnd hirschaften der heyden haben mit eyn  
gemengeset/ auch wunderzeychen gethan / ist alles gesche  
hen/ das Judisch volck ym der zucht zu halten vnd auff  
Christus zukunfft zu bereyten / Gleych als ein Christen  
mus viel thun / essen vnd trincken vnd ander leyblicher  
werck pflegen/ nicht der meinunge/ das der leyb alleine da  
mit gesucht werde/ sondern das der leyb erhalten vnd ge  
zogen werde / damit der geist müge hie auff erden Gott  
dienen ym glauben vnd Euangelio / Denn also müssen  
auch wir ym der Christenheit vnd ym newen testament  
thun/ das wir die leute leren recht leben / vnd doch beyde  
vnsere lere vnd leben dahyn gericht ist/ das wir des ungl  
stien tags vnd ewiges lebens warten vnd mit nichten  
mit dem allen hie zu bleyben gedencken.

Zum andern/ da nu die zeyt herbey kam / das Christus  
vnd das neue testament komen solte/ wie die Propheten  
alle hatten gesagt/ vnd das volck drauff gericht / Da  
thet Gott wie seyne göttliche art ist/ vnd stellet sich ebē/  
als solt nichts draus werden/ vnd lest sich sehen/ als wolt  
er zum lügener werden ym allen Propheten vnd ver  
wüster land vñ leute durch die Assyren vnd Babyloniern /  
Da müssen denn die Propheten her halten vnd gestrafft  
werden/ als die nicht aus Gott / sondern aus dem teuffel  
gered haben/ weyl das werck vnderfullunge yhrer wort/  
viel anders vnd gleich widder synnisch geht denn das  
volck verstanden hatte / Des nym dis exempel / Da das  
volck ym lande sass vnd Könige vnd fursten hatte vnd  
warteten nu vnd gafften auff dem Messiam vnd seyne  
newe Königreich / dauon die Propheten so prechtig gered  
vnd das volck getröstet hatten/ Eben da sie am sicher  
sten sind/ vnd meynen/ es hat kein nott / vnd Christus  
werde komen / so kompt der König zu Assyrien vnd ge  
wynnet das ganze land / vnd furet alles volck weg ym  
Assyrien. Wie seyn ist das Christus vnd seyn Königreich  
komen!



Komen/Meinstu nicht/das da viel werden gesagt haben/  
Zu glaube der teuffel eynem propheten mehr / es sind  
allzumal buffen vnd lügener ynn der haut? Denn wir  
harreten darauff/es solte gut werdē ( wie Jeremias von  
yhm sagt ) so wirds erger/wyr meyneten/es solte fride sein  
so ist eytel vnglück / haben sie vns nicht sein betrogen  
mit yhrem weyssagen von dem Messia?

Woch war noch eine hoffnung da / das der stam Iud  
da bleyb ym lande/vnd Gott Jerusalem wunderbarlich  
erhielt durch den kōnig Jehiskia/Da stund noch die hoff  
nung/ Christus solt kōmen ynn solcher zeyt vnd fride.  
Aber da verderbts vnser herr Gott doch ganz vnd gar/  
das er auch Iuda vnd Jerusalem lies verstören / viel er  
ger denn Israel / Vnd da sie auff Christum harren/  
kōmpt der kōnig von Babylonien/vnd machts erger mit  
Iuda/denn der kōnig zu Assyrien hatte mit Israel ge  
macht. Lieber wer solte da furder den propheten glau  
ben? Was war nufur hoffnung mehr da / da das land  
gar verderbt vnd wüste war/kōnige/ fursten / priester/  
Propheten vnd alles weg war / alleyne die ackerleute ym  
lande blieben vnd frembde heydenische fursten ym lande  
regierten/wie sie wolten? Heyst das Christum kōmen vñ  
eyn new/gros/mechtig kōnigreich anfahen/das ynn aller  
welt solt hirschen? Ja wol/Es heyst/kōnigreich verder  
ben vnd verwüsten. Sihe da/solch werck Gottes verstum  
den sie nicht/ denn es ist dem fleisch vnd vernunft vn  
möglich zuersehen das da solle leben anfahen / da das  
leben ender / vnd da ehre kōmen / da schande kōmpt /  
vnd da kōnigreiche werden/da gefengnis wird / Denn es  
ist zu gar widder vnd vber synn / brauch vnd erfahrung  
aller welt/Aber Gott thut nicht anders vnd kan nicht  
anders thun/wie die schrift von yhm sagt. i. Reg. ij. Der  
herr tödtet vnd macht lebendig / Er stößt ynn die hella  
vñ furet gen hymel/Er macht arm vñ machet reich. etc.  
Hie musten

Sie mussten nu die Propheten erbeyten / Da war zeyt  
predigens vnd tröstens / das die Juden nicht verzagten  
an der zukunfft Messia vnd seynes reichs / Sie musste Jer  
remias / Ezechiel / auch zuuor Jesaja vnd viel ander mehr  
sein / solchs verkundigen / das es nicht solte hyndern die  
zukunfft Christi / Vnd ob sie es nicht alle gleubten / doch  
etliche ym glauben erhalten wurden vnd des zukunfftigē  
Christus teylhafftig wurden. Der eyner ist auch dieser  
prophet Habacuc / wilches weyssagung gantz vnd gar  
dahyn gehet / das er predigt / wie der kōnig zu Babylon  
werde kōmen vnd das Judische land verwüsten vmb  
des volcks funde willen / die Gott also straffen werde.  
Aber doch werde darumb Christus zukunfft nicht ver  
hyndert noch verzogen werden / sondern es sey Gottes  
werck / der es also treybe / das d kōnig zu Babylon solche  
straffe / wie wol ers nicht weis / volbringe / vnd darnach  
auch selbst vmbkome / wie man spricht / Der vater braucht  
der rute das kind zu straffen / vnd wirfft sie darnach yns  
fewr. Denn gleich wie Gott mit eym iglichen menschen  
ynn sonderheyt wirckt / das er yhn den am hohesten hebt  
wenn er yhn auff s tieffest hynuntern stößet / also thut er  
auch mit eym ganzem kōnigreiche / ia mit der ganzen  
welt / Da höret nu glaube vnd gotts wort zu / das man  
solchs müge extragen vnd erharren. Also ist diesem Jud  
dischen volck auch gangē / das yhr kōnigreich vntergien /  
da Christus furhanden war. Den alles was nach der Ba  
bylonischen gefengnis ist geschehen mit diesem volck / ist  
nichts mehr denn ein kurtze vnd eylende zubereytung /  
das Christus keme / da das land eyn wenig wider gebaw  
et vnd das volck zu samen bracht war / nach dem es zu  
stōret war / alleyne das er nur raum vnd leute funde zu  
predigen vnd seyn reich anzufahen.

Also ist dieser Habacuc ein trost prophet / der das  
volck sol stercken vnd auff halten / das sie nicht verzwey  
feln an

feln an Christus zukunfft/es stelle sich wie seltsam es wöl  
le. Darumb braucht er auch alle kunst vnd stücke die dar  
zu dienen / das der glaube fest bleybe yn yhiem hertzen  
von dem verheysene Christo / vnd predigt also / Es sey  
wol war/das vmb yhrer sunde willen/das land vom kö  
nige zu Babylon werde müssen verstorret werden/ Aber  
doch solle darumb Christus vnd sein reich nicht aussen  
bleyben/sondern es solle auch der verstorret der köning zu  
Babylon nicht viel glücks dauon haben vnd auch vnter  
gehen/Denn es sey Gottes werck vnd art also/das er helfe  
weñ es not thu/vnd kome mitten ynn der rechten zeyt/  
vnd wie sein lied singet/Er gedencet an barmhertzigkeit  
wenn trübsal da ist/Vnd wie man spricht/wen der strick  
am hertisten helt/so bricht er / Gleich wie wyr auch mus  
sen die Christen mit Gottes wort auffhalten / zum ungo  
sten tage/obs wol scheynet/das Christus fast verziehe vñ  
wölle nicht komen / als er auch selbst sagt / das er komen  
werde/wen man am wenigsten dencket/wenn sie bauen/  
pflanzen/keuffen/verkeuffen/essen/trincken / freyen vnd  
heyraten werden.etc.auff das doch etliche / so nicht alle  
können/yn glauben erhalten werden/ Denn hie ist glau  
bens vnd predigens not/wie man wol teglich fur augen  
sihet.

Aus dem allen sihet man wol/ das dieser Habacuc sey  
gewesen fur der Babylonischen gefengnis/villeicht vmb  
die zeyt Jeremia/vnd auch leicht zuuerstehen ist / was er  
wil vnd meynet. Das aber etliche bucher von dem Habacuc  
melden / Er habe dem Propheten Daniel zu Babyl  
lon essen gebracht yns gefengnis/aus dem Judischen lande  
de / hat widder grund noch schein / so trifftts auch nicht  
wol zu mit der rechnunge der zeit/Syntemal / so viel die  
weyffagunge Habacuc gibt/so ist er elter denn Jeremias  
wilcher hat erlebt die verstörunge Jerusalem. Aber Hab  
bacuc weyffagt dauon. Daniel aber war nach Jeremia/  
vñ lebt lange ehe er ynn das gefengnis ward geworffen.

Habacuc

Zabacuc aber hat eynen rechten namen zu seynem ampt/  
Den n Zabacuc heysst auff deutsch/ein hertzet odder der  
sich mit ein andern hertzet vnnnd ynn die arm nimpt/Er  
thut auch also mit seyner weyssagung/das er seyn volck  
hertzet vnd ynn die arm nimpt/das ist/ er tröstet sie vnd  
helt sie auff wie man eyn arm weyned kind odder mensch  
hertzet das es schweygen vnd zu fryden seyn solle/weyl es  
ob Gott wil sol besser werden.

### Dis ist die last/die der Prophet Zabacuc gesehen hat.

Eben aus dem text istis klar / das Zabacuc sey lengst  
fur der Babilonischen gefengnis gewesen/weyl er sagt/  
Er habe die last gesehen/ Den yñ der Ebreischen sprache  
heysen die Propheten/ Seher oder schawer/darumb das  
sie ym geyst/zuuor sehen vnnnd schawen/ was zukunfftig  
komen sol/Darumb auch Jesaja seyn buch nennet/ eyn  
gesicht vber Juda vnnnd Jerusalem/das er sagt von den  
zukunfftigen dingen die er gesehen habe/Vnnnd Abadia  
nenet seyn buch/das gesicht Abadia/Vñ Amas schreibt/  
das Amasia habe yhn heysen weychen vnd gesagt / Du  
Schawer odder Seher/droll dich yns land Juda/ Solo  
cher wort müssen wir gewonen/das auff Ebreysch eynn  
Prophet heysse eyn Seher/ als der zukunfftig vnnnd ver  
porgene ding sihet/wilchs die andern nicht sehē. Also hat  
auch hie Zabacuc gesehen das zukunfftig vnglück vber  
Jerusalem/durch den kōnig zu Babilon vnd tröstet vnd  
hertzet das volck zum glauben vnnnd verhoffnung.

Warumb spricht er aber/ Die last/so es trost sein  
sol. Denn er tröstet ia viel mehr denn er drückt. Es ist  
der Propheten art/das sie yhre weyssagunge/ Last heys  
sen / auff Ebreysch Mascha/Vnnnd ist/ wie Jeremia an  
beyget/daher komenn das die Propheten gemeynlich  
haben

haben das volck gestrafft/ vnd mit Gottszorn gedrewet/  
wie es den auch von nōtē ist / das ein prediger vnter dem  
volck ymer dar straffe/weil der frumen wenig/vnd der  
bösen viel ist. Da sie nu das thetten / ward eyn sprich  
wort draus/das der pöffel sprach/Was hat er gepredigt?  
So antwort man denn. Er hat aber ein mal auff vns  
gepredigt / Es gehet ymer vber vns / vnd drewet vns/  
wie man izt spricht / Sie machen vns die hellen heys/  
vnd den teuffel schwarz. Von dem selbigen nu / das die  
Propheten ymer ettwas predigeten / das vber sie kōmen  
solte/nenneten sie yhre predigt / eine last / das ist / etwas  
das vber sie fallen wurde vnd gleich vber yhn htenge  
vnd schwebte/das sie bald treffen wurde/ wie den Gotts  
zorn vnd straffe alle stunde hengt vnd schwebt vber den  
gottlosen / wie wol sie es nicht fulen. Davon magstu les  
sen Jeremia. xxiij. wie sie Gotts wort Mascha nennetē/  
das auch Got verdros vnd verbot. Weil nu auch Habac  
cuc predigt von der zukunfftigē straffe vber Jerusalem/  
wie wol er mehr trōstet denn schreckt / so nennet er doch  
seine predigt eine last/aus gemeynen gewonheit aller pro  
pheten vnd des volcks / denn er ia auch drynnen am ers  
ten drewet/ auch darumb / das er sie demütige vnd ersch  
recke / ob sie sich bessern vnd bekeren wolten / vnd die  
zukunfftige straffe abwenden.

**HERR** wie lange sol ich schreyen  
vnd du wilt nicht hören? Wie lang  
ge sol ich ruffen zu dyr vber vnrecht/  
vnd du wilt nicht helffen.

Sie feht er an/die schuld vñ sunde des volcks zu straf  
fen/vmb wilcher willen der zorn Gotts vnd die last vber  
sie kōmen muste/ Vnd fehet hefftig an mit eym geschrey  
vnd gebet zu Gott/vnd gleich als zurnet er mit Got/das  
er so lange gedult habe vber der sunden / vnd lasse die  
leute

sich so gar sicher verschuldigen/Als solt er sage/ Ich pre-  
dige viel/das hilfft nichts. Mein wort ist veracht vñ me-  
mand bessert sich/sondern werden nür ymer erger/Dar-  
umb weyß ich nyrgen hin/denn das ichs dirrs klage. Aber  
du stellest dich auch/als hörestu mich nicht/ vnd sehest sie  
nicht. Solchs aber thut Habacuc nicht/ das er mit Gott  
rechte odder sich mit ihm schelte/wie die wort lauten vnd  
anzuhören sind/ Sondern/das er damit das volck ersch-  
recke vnd zur busse treybe/vñ anzeyge/wie gar billich der  
zorn vnd die last vber sie komen werde / weyl sie sich an  
kein predigen/drewen/vermanen/auch an kein gebet/ das  
widder sie geschicht/keren. Wie mit gibt er zuersehen zu  
ersten/das er gar hefftig gepredigt vnd viel sich gemühet  
habe/das volck zu straffen/Aber es habe nicht wollen vñ  
stat gehen. Zum andern/ das er grosse sorge vñ angst hat  
für das volck/ vmb der zukunfftigen straff vnd last willē  
vnd sie gerne wolte erretten vnd fürkomen/Sie aber der  
beydes nicht achten/glaubēs nicht/das last fürhandē sey/  
wollen auch von sunden nicht lassen/wie den der sunder  
art ist/Das/weyl sie es nicht fülen/ so glaubenn sie nicht/  
man drewe vnd schelte/wie man will.

**Warumb leffestu mich sehen mühe vnd  
erbeyt? Warumb zeygestu mir raub vnd  
freuel vmb mich?**

Da sehen wir/ das er von dem Judischen volck redet/  
vnd noch nicht von dem kōnige zu Babilō/Den er klagt  
wie es yn seym lande so vbel stehe vnd zu gehe/das vmb  
yhn vnd bey yhm vil bößheyt geschicht / vnd müsse dem  
zusehen vnd könne es nicht werē. Derhalben er seines pre-  
digens müde vñ verdrossen wirt/wie den ein ighlicher fru-  
mer prediger thut/ der gerne die straffe wolt abwenden/  
vñ die leute frum machen/wenn er den sihet/ das so gar  
nicht fort will/sondñ gleych erger wird/rewet yhn schye  
seines

seines prediges/kans vnd thars doch nicht lassen/vmb et  
licher aufetweleten willen/ Vnd das ist vns zu trost vnd  
vermanunge geschehen vnd geschriben/das wir vns nit  
wundern noch selzam lassen duncten/ ob sich vnser lere  
wenig bessern odder auch erger werden/Denn gemeynig  
lich die prediger/sonderlich wenn sie new sind vnd erst  
auß der esse komen/meynen sie/ es solle so bald hende vñ  
füße haben/wenn sie was sagen/vnnd flux alles gesche  
hen geendert werden/Aber das feylet weyr. Es hat den  
propheten vñ Christo selbs gefeylet/Es geht / wie man  
spricht/Du bist zu iung dazu/das du solltest alle schelcke  
frum machen. Eben so gehet es hie diesem guten Zaba  
cuc anch/vnnd verdreust yhn seer / das seyne lere nicht  
will eytel werck vnnd that werden.

Die zwey Ebreysche wort/Auen vñ Amal/die ich ver  
deudsch habe/ Mühe vnd erbeyt/werden oft/sonderlich  
ynn den propheten/ bey einander gebraucht/ Vnnd wir  
müssen yhr gewonen/Denn sie haben zweyerley brauch/  
Eynes / das sie bedeuten/vnlust vnd beschwerung/wie  
man auff deudsch spricht von schweren geschefften vnd  
verworren bösen sachen/Zie ist mühe vnnd erbeit. Also  
redet der. lxxxix. psalm von alten leuten/Wens hoch mit  
yhn kompt/so sind es achtzig iar/was darüber ist/das ist/  
Auen vnd Amal/ mühe vnnd erbeyt/Darumb/das das  
alter eyn schwer vnseelig wesen vnnd leben ist. Der and  
der brauch ist/ das sie vnrecht / vntugent vnnd bößheit  
heysen/Vnnd so brauchens die propheten/wenn sie die  
gottlosen vnd die bösen straffen/vnnd nennen yhr böses  
wesen/mühe vnd erbeyt/wie der. ix. psalm spricht vom  
Endechrist/Vnter seiner zungen ist mühe vñ erbeyt. Vñ  
das darumb/denn falsche lerer vnd böse leute machē mit  
yhiem bösen wesen vñ leren/ den andern viel vnglücks  
als die sie berauben/schyn den/stelen/ drucken/ verfäken  
vnd auch mit vnnützen gesetzen vnd vntreglichen wer  
cken beladē vñ beschwerē. Gleych wie wir des worts/ Vn  
B ij glück

gluck auch auff zwey weyse Brauchē/ Ein mal/ das es schle  
cht ein vnfall vnd zufelligen schaden heist/ der on sünde  
geschicht/ zum andern mal/ das es auch vntugent vnd bu  
ben stück heist/ als wenn wir sehē/ das ein bube/ was böses  
fürnimpt/ sprechen wir/ der wird ein vngluck anrichten/  
das ist eine vntugent/ dardurch andern vnnnd zuletzt yhm  
selber auch vngluck komen wird/ Solche vnterscheid ab  
ber vnd brauch muß man nemen aufs gelegenheyt vnnnd  
ursachen der sprachen vnd geschichten.

So zeigt nu Habacuc hiemit an/ wie es ym lande Ju  
da sey gestanden/ da er predigete/ nemlich / mühe vnd er  
beyt ist dynnē gewesen/ das ist kein liebe/ kein freutschaft  
kein trew noch glaub ist vnter den leuten/ sondern ein ig  
licher sucht das seine/ vnnnd obervorteyt den andern/ bes  
treugt/ nympt/ raubt vnnnd stilet/ wo er kan/ wie ers denn  
auch selbst außlegt vnd deutet/ da er spricht. Warūb zeyt  
gestu mir raub vnd freuel vmbmich? als sollt er sagen.  
Ich meine solche mühe vñ erbeit/ da eyner dē andern das  
seine nimpt vnd ihm gewalt thut/ Denn ym Ebreischen  
lauten die zwey wort Raub vnd freuel starck. Das erste/  
heist nicht schlecht rauben/ sondern gleych verderben vñ  
verwüsten/ wie man ein haus odder stadt verderbet vnd  
verwüstet/ Damit will der Prophet sagen/ wie einer den  
andern verderbt vnd zu betler macht/ das sie von hauss  
vnd hoff vnd allen gütern komen/ als weren sie verstor  
vnd verwüstet/ wie es denn pflegt zu gehen yn stedten vñ  
lenderen/ da kein recht noch ordnungē geht/ vnd die reichē  
vnd tyrannē machen was sie wöllen. Darūmb heist auch  
das ander wort freuel/ das ist gewalt/ als dy nach keynem  
recht fragen. Diese beyde wort reden wir auff Deudtsch  
also/ Sie treyben eytel gewalt/ vnnnd verderben eyn and  
der ynn der stadt.

Aber hie sihestu dennoch nicht/ das Habacuc die Ju  
den schelte vmb abgötterey odder ander sünden/ so wird  
der Got geschehen/ sondern allein vmb der sünden willē  
die wid



die wider den nehisten geschehen/ das zu der zeyt / den  
noch müssen frume leute gewesen sein / die den Gottes  
dienst rein haben erhalten / Aber es hat dem hauffen an  
glauben vnd liebe gefeylet / vnd sind mit geytz / wucher  
vnd vnrecht besessen geweest. Zu gefellet Gott kein dienst/  
er sey wie gros er wolle / wo man dem nehisten leyde  
thut / wie er spricht Hosee. vi. Ich wil des opffers nicht/  
sondern der wolthat. Vnd Matt. v. Las dein opffer fur  
dem altar / vnd gehe zuuor hin vnd versune dich mit  
deym bruder. Weyl sie denn vnternander sich verderben  
vnd gewalt thun/drawet er yhnen/das sie sollen wider  
umb verderbt werden vnd gewalt leyden/durch den kö  
nig zu Babylon/wie denn Gottes art ist / zu richten vnd  
zu straffen/nach dem einiglicher verdienet.

### Es gehet gewalt vber recht.

Da deutet er selbs/was er heysse/mühe vnd erbeyt/fre  
uel vnd verderben/nemlich das man kein recht schutzt  
noch handhabt/vnd mit eytel gewalt feret/ Damit ruret  
er die grossen hansen vnd obersten ym lande / vnd was  
getsferlich gnug mit seinem predigen vnd schelten / das  
er die gewaltigen so antastet/Er sollte auch wol auffru  
risch verdampt worden sein / Als der die oberkeit wolle  
veracht machen bey den vnterthanen. Denn das pflegt  
man auffrurisch zu heysen / wenn man die herren mit  
Gottes wort straffet/vnd leßt sie nicht frey thun/was sie  
wollen/vnd lobet vnd ehret sie nicht auch dazu ynn yre  
bösen furnemen. Zu istis ia niemands schuld / das vnre  
cht zugehet ym lande/den der oberkeit/weil yhr von Gott  
das schwerd vnd straffe des vnrechts befolhen ist / vnd  
sie doch nicht alleine das vnrecht leßt vberhand nemen/  
sondern thuts auch selbs / Denn wo strenge oberkeit ist  
vnd das recht handhabt/mus wol bey den vnterthanen  
nach bleyben/was sonst wol geschehe.

Aber Habacuc feret durch / vnd furcht nicht / das er

B. iij. auffrurisch

auffentlich gescholten werde/ vnd strafft die sünde vnter  
den gewaltigen am meysten/ vnd gibt yhn schuld alles  
vnglücks/das zukünfftig war vber das ganze land/ Den  
wie gesagt ist/ Er strafft sie nicht vmb abgötterey vnd  
götzen/ ia auch vmb gemeyne sünde ym volck/ als liegen/  
triegen/ ehebruch/ brassen ꝛc. sondern vmb gewalt vnd  
vnracht des gericht/ das alle seyne predigt vber die hern  
vnd richter gehet/ Wilchs auch darnach die straffe bewey  
set/ Den der könig zu Babilon füret alles/ was gros war  
ym lande/ weg vnd lies die alleine/ armē/ geringen/ acker  
leute vnd gertner ym lande. iij. Reg. vlti. als solt got mit  
der that sagen/ Die grossen habēs alleyne verdienet/ drüb  
sollen auch sie die straffe leyden. Vnd es gehet auch ge  
meynlich mit allen straffung Gottes also/ das die Ober  
keyt am meysten gestrafft vñ gestörtz wirt/ vñ das volck  
ym lande bleibt. Den das volck muß doch oberkeyt habē  
vnd vnter liegen/ wie das ross einem Herrn/ Tu ligt ihm  
nicht vil dran/ wenn seyne oberkeyt vnd herrn böse bubē  
sind/ das ein ander her come/ vnd stosse den abe/ Got ge  
be/ er sey frumer/ odder ia so böse/ Das also Gottis straf  
fe auff erden fast sey das spiel/ danon Maria singet/ Er  
setzt die gewaltigen vom thron/ vnd erhöhet die nidrigē/  
Denn vō anbegyn der welt bis her sehen wir/ wie er ym  
mer eynen könig durch den andern/ eynen herrn durch dē  
andern abstosset vnd andere auffsetzt / vnd lesst land vñ  
leute bleyben/ on wo er land mit den leuten wil verderbē  
als Sodom vnd Gomorra vnd der gleychen.

Also sties er den könig Israel durch den könig zu Assy  
rien ab / Vnd widderumb den könig zu Assyrien durch  
den könig zu Babilon/ Den könig zu Babilon durch dē  
könig zu Persen/ Den könig zu Persen durch Alexander  
den könig yn frieche/ Das königreich ynn frieche durch  
die Römer/ Die Römer durch die gotten vnd Turcken/  
Die Turckē werdē auch yhren stoffer finden/ sol die welt  
lenger stet

lenger stehen/ Vnnd so fort beyde ynn grossen vnnd kley-  
nen hertschafft/ beyde yñ keyserthumen vnd königreych-  
en/ sihet man nichts mehr/ denn abfallen vnd auffsitzen/  
gerade als sey die ganze welt mit yhres oberkreyt/ Gottes  
turnyr vnnd reuterey / da sichs vnternander sticht vnnd  
bricht/ vnnd gilt nicht mehr/ den wer do ligt/ der ligt/ wer  
do sitzt/ der sitzt/ Vnd das alles vmb yhres vnrechts vnnd  
gewalts willen/ das yhr schuld ist/ wo es vbel vnnd vn-  
recht zu gehet yñ landen/ Aber der teuffel der welt oberst  
fürst/ treybt sie also/ das sie des schwerds von Gott befol-  
hen nicht recht brauchen/ gleych wie die welt auch aller  
ander güter Gots missebraucht/ Vnd mus doch schwerd  
seyñ/ gleych wie essen vnnd trincken. Aber Gott nimpts  
ymer eynem nach dem andern aus der faust/ vnnd gibts  
eym andern vmb seynes missebrauchs willen. Also bleybt  
denn ymer das schwerd vnnd oberkreyt ynn der welt/ aber  
die personen so ynn der oberkreyt sitzen/ müssen sich ymer  
oberperzeln vnd daumeln/ darnach sie verdienen.

Das hat aber die Juden betrogen vnd verstockt/ das  
sie Habacuc nicht glaubten/ das sie nicht abgötterey vnd  
götzen dartzumal hatten/ vnnd sich düncken liessen/ wie sie  
frum werenn vnnd einen gnedigen Gott hetten/ das sie  
sich solchs seines zorns gar nicht versahen/ wie denn des  
volcks sonderliche art ist/ bis auff den heutigen tag/ wie  
aller heuchler vnd werckheyligen/ das sie ymer dencken/  
sie seyen die lieben kinder fur allen andern/ vnnd können  
nicht glauben/ das sie zorn verdienen/ wie ynn Michas sie  
het/ das sie sagē/ Sollt Gott solchs ym synn heben? sollte  
seyñ geyst so kurz worden sein? etc. Denn wo sie sich fur  
sunder erkand hetten/ so hetten sie Habacuc gehorcht/  
vnd sich mit furcht vnd demut gebessert/ das die straffe  
nicht were vber sie komen/ wie die Ninuiter thun. Aber  
nu sie das nicht thun/ istis gewis/ das sie Habacuc fur ei-  
nen narren vñ vnnutzē prediger/ sich aber fur frum/ vn-

B ij schuldig

schuldig vnd die rechten Kinder Gottes gehalten habē/ Es  
ben wie wir sehen/das noch heutiges tages auch vnserer  
geystlichen thun/die yn denn aller greulichsten sünden vn  
lesterungen/meynen Gott zu dienen angenehm vn zu sein.

Darumb wil dieser spruch Habacuc. Gewalt gehet  
vber recht/wol bleyben yn der welt/Vnd ist auch eyn ge  
mein spruch wort/damit yederman klagt vn schreyet vber  
gewalt/ Aber es sol vns nicht wundern. Es mus vnd sol  
so gehen/vnnd ist die rechte farbe der welt// Denn wo es  
recht zugehet/da ist nicht mehr welt odder welts regiment/  
sondern Gottes selber/ Vnnd wo nicht gewalt solt vber  
recht gehen/so konde der teuffel der welt fürst nicht mehr  
seyn vnnd würde eytel Gottes regiment seyn / Aber doch  
lest es Gott mit vngestraft/ sondern gleych wie die welt  
nicht ablest zu sundigen/ so höret auch Gott nicht auff zu  
straffen/ vn stossset ymer eynē nach dem andern abe/ vnd  
setzt ander auff/wie Daniel. ij. sagt Er versetzt die kōnig  
reiche vnnd richret ander auff/vnnd Salomo ynn seinen  
sprüchen. xxviij. Vmb der sünde willen ym lande mus sie  
viel herrn haben/Aber wo die leute vernünfftig vn klug  
sind/lebt yhr herz desto lenger.

### Darumb mus das geseze wandlen/vn kan keyn recht zum ende kommen.

Das ist/Es gehet nicht nach dem geseze Gottes/sonder  
das geseze mus sich beugen vnd lencken/nach yhrem mut  
willen/Den er trifft hie die yemigen so sich des rechts rhin  
men / vnd wollen ynn keynen weg gesehen seyn / das sie  
widder recht thun / sondern fangen etliche buchstaben/  
vnd zwingen die sebligen/das sie deuten vnd geben müß  
sen/was sie wollen / gleich wie auch zu vnsern zeiten die  
scharffen Juristen thun mit yhrem strengen recht/wenn  
sie böse lose sachen haben/vnd doch dem recht eyne solche  
nasen machen/das die sache recht vnnd gut werden mus.  
Das heyst den hie Habacuc/das geseze wandlen vnd das  
alle gute.

alle gute sache verhindert vnd nicht zum ende komen kö-  
nen/ Denn da wird der rechte verstand des gesetzes yn den  
wind geschlagen vnd veracht / vnd syhen also danon/  
haben gewonnen durchs recht auff yhren synn gezogen.  
Dieser ist nu der welt vol vnd heysen frome leute/ man  
thar sie auch nicht anders schelten/ Aber Got richtet vnd  
strafft sie gleych wol vnd dremet yhn/ das yhn nicht solle  
geschenckt werden. Summa/ Es kome wenig guter sache  
en vnter die Juristen oder rechtsprecher wie sie selbs füle  
vnd bekennen/ Sie tragen auch nicht gelt vnd müsten  
wol betler seyn die ytz gantz gülden vnd seyden sind/ wo  
böse sachen thetten yhm recht.

**Denn der gottlose vberforteylet den gere-**  
**chten/ Darumb gehen verkerete vrteyl-**

Da sihestu/ das er die bösen tücke meynet / so ym recht  
eyner widder den andern braucht. Davon auch Michea  
spricht/ Was der oberst foddert / das spricht yhm der ri-  
chter zu / Vnd die grossen hansen reden alle yhren mut-  
willen/ vnd betrüben also das land/ Denn das er hie sagt  
Der gottlose vberforteylet den gerechten/ ist/ das S. Pau-  
lus zum Tesselonicen. sagt / Circum venire / wenn einer  
den andern vber das seyl wirfft/ vnd also mit listen umb-  
gibt/ das der gerechte mus vnrecht haben. Das sind nu  
viel erger buben/ denn die offentlichen diebe vnd schelcke  
Denn die offentlichen schelcke thun frey widder das ges-  
etze/ das yderman greyfft vnd fulet / Aber diese wollen  
frum seyn / vnd vnrecht fur recht gehalten haben / Vnd  
sind also zwyfeltige bubē/ Eyn mal/ das sie vnrecht thun  
zum andern / das sie dasselbige vnrecht mit dem recht  
schmucken vnd schutzen/ wilchs erger ist / denn das erste/  
Denn weyl hie Habacuc meldet / das das gesetze 'inüsse  
wancken vnd falsche vrteyl gehen / deutet er klerlich / die  
ienigen so mit dem recht vnd vrteyl felschlich handeln/  
yhr vnrecht zu schmucken. Also haben wir nu/ wie es ym

**B v** lande.

lande ist gestanden / das es vol böser buben sey gewesen /  
sonderlich vnter den grossen hansen / vnd doch also / das  
sie nicht haben wolten buben sein / vnd also die andern  
mit weyerley bosheit beschedigt / Eyne / das sie yhn vn-  
recht thun / Die ander / das sie auch ihener recht schenden  
vnd vnrecht machen / vnd vnter dem scheyn frumer leute  
verzweyffelte buben sind. Das ist denn gar verdrieslich  
beyde fur Gott vnd der welt / drum kan es Gott die  
lengē nicht leyden / sondern strafft / wie folget.

Schawet vnter die heyden / Sehet vnd  
verwundert euch / Denn ich wil etwas  
thū zu ewrē zeitē / wilchs yhr nicht gless  
bē werdet / weñ man dauon sagē wird.

Sie fehet er an zu dreyen mit der straffe den vorge-  
sagten buben / Vnd zum ersten nympt er weg yhrē troz  
vnd sicherheyt / darauff sie sich verliessen / Denn sie ver-  
liessen sich darauff / das sie Gottes volck waren / vñ Gott  
zu Jerusalem wonete ynn seynem heyligen tempel / wil-  
che stad auch bis auff die zeit / gar manchmal durch gros-  
se wunderzeychen Gottes beschirmet war / nicht alleine  
widder die umbligende lender / furstenthume vnd konig-  
reiche / sondern auch widder das keyserthum zu Assyrien  
selbst / wilchs doch ganz Israel zuvor hatte verstorēt vñ  
wrggefuret / Aber fur Jerusalem zur zeit des kōnigs Jea-  
hisia mit allen schanden bestand / vnd auff eine nacht  
verlor / hundert vnd funff vnd achtzig tausent man / vnd  
dauon fliehen muste. Derhalben war es den Juden gar  
eine lecherliche rede vnd ein lauter narren teydinge / das  
hie Habacuc vnd andere mehr Propheten sagten / wie  
Jerusalem solte verstorēt werden / Sie kundtens auch  
noch nie glauben / bis auff die stunde / da es geschach / so  
gar feste stund yhr troz auff dem stücke / das Gott bey  
yhnem wonete zu Jerusalem. Vnd ist auch furwar nicht  
ein gerins

ein geringer trotz gewesen/wilches sich die vernunfft nicht hat mügen verzeyhen. Da sind denn falsche Propheeten mit zu geschlagen / wilche der schrifft sprüche haben erfurzogen/da Gott Chrusum zukunfftig verheysser/ vñ wie herlich Dauds stuel solte werden/vnd der gleichen/Daruber haben Habacuc vnd seynes gleichen / die gleich das widder spiel sagen/alle müssen lugener sein/Denn es wolt sich gar nicht reymen miteynander / das ein herlich Königreich solte werden/vnd doch verstorret werden.

Also trifft nu Habacuc yhr trotz vnd pochen / vnd spricht/Schawet vnter die heyden/ Sehet vnd verwundert euch/als solt er sagen / yhr schawet auff euch / sehet alleine euch an/haltet viel von euch/seyt gantz sicher vnd gewis/das Gott alleine mit euch grosse ding thu/des sich alle heyden verwundern sollen / wie er denn bis her gethan hat. Aber nu schawet drauff vnd sehet zu / was ich durch heyden thun werde/Ich wil es ein mal umbkeren/vnd durch die heyden auch ein solch ding thun / das euch sol auch wunderlich vnd seltsam sein / also das yhrs nicht glauben werdet/bis yhrs erfahren vnd fulen werdet/sondern werdet meyne Propheeten Habacuc / Jeremia vnd yhr gleichen fur narren vñ lugener halten / vnd nicht denckē/das es mein wort sey / das sie dauon zu euch reden/gleich wie der König Zedechias nicht fund gleubē/was Jeremias dauon sagt / vnd foddert yhn zu sich vnd fragt / obs Gotts wort were / Jere. xxxviij. Was fundte Gott auch wunderlichs thun / denn das er durch seine feinde die heyden/solte seinen stuel / seinen tempel / seine stad/sein volck/verstoren/die er hatte bis her widder alle heyden herlich gemacht vnd erhalten/vnd zugesagt/das er wolte ewiglich yhr Gott vnd schutz sein.

Aber damit zeygt er an gnugsam / das er gar auff kein ding wil vns trotz lassen/on alleine auff seine gnade vñ barmhertzigkeit/Denn hie sihesiu/das die Jude nicht hilfft/das sie Gotts volck sind/das sie der veter sams sind/

find/das sie Gotts gesetz/tempel/stuel/stat/land vñ volck  
ynnen haben/auch nicht/ das so viel wunderzeychen bis  
her an yhn geschehen/auch nicht das sie Gottis verheiss  
funge haben. Warum das? Darumb/das solche alles ka  
gehabt werden/on glaube vnd geist/wie es denn die Ju  
den des mehrer teyl hatten/ Wo es aber on geist vñ glau  
be gehabt wird/da thuts nicht mehr/ den macht für Got  
deste grosser schuld. Denn wer viel hat/vonn dem wirdt  
man viel foddern. Ober das so macht es/stolze/trozigel/  
sichere/vermessene/hoffertige leute/die sichs erheben ober  
die andern alle/die es nicht haben / vñnd wollen alleyne  
Gotts volck vnd eygen seyn/alle andere verachten vñnd  
verdammnen. Das kan denn Gott nicht leyden/ das man  
auff etwas trotzt anders denn auff seyne gnade/ vnd leßt  
es darüber zu scheytern gehen mit allen die drauff trotze/  
Das kan aber fleysch vnd blut nicht glauben/ist ihm viel  
zu wunderlich/sein trotz ist zu sicher/bis sie es erfaren/wy  
den Juden hie geschicht/Denn sie achteten des glaubens  
vnd geists nicht/vnd meyneten solche stücke solten gnug  
sein/ das sie Gotts volck hieszen vnd beschirmet worden  
darüber verderben sie gantz. Dis alles ist vns gesagt/ die  
wir den namē vnd scheyn der Christiē habē / rhümē vns  
der tauffe odder geystlichen stads vñ ampts ober die Hey  
den vnd Judē/vnd sind doch on glauben vñ geist/so wol  
als sie/ das freylich wir auch zu letzt müssen vmbkomen  
durch die/so wir itzt verachten vnd erger haltē denn vns  
wie den Juden ist geschehen durch die Chaldeer.

Hie will sichs fragen/ wie sichs reyme mit diesem text/  
da S. Paulus Act. xij. diesen spruch also eynfüret/ Seht  
zu/das nicht ober euch kome das gesagt ist ym den Pro  
pheten/ Schawet yhr verachter vnd verwundert vñ ver  
derbt euch/ Denn sihe/ich thu ein ding zu ewern zeyten/  
wilchs yhr nicht glauben werdet/wens euch jemād sagen  
wird/Wilchs on zweyffel S. Paulus von Christus auffo  
erstehung sagt/wie der text daselbs erzwinget/ wilchs die  
Jude



Juden bis auff den heutigen tag nicht glauben. Habacuc  
aber redet es von der vorstürung des lands / durch den  
König zu Babylon zukunfftig / vmb des volcks sund wil  
len / wie wir klerlich sehen ynn seyner rede. Hieranff ist zu  
antwortē / das dieser spruch von S. Paulus als ein gemey  
ne rede gebraucht wird ynn gleichem fall / Denn mā mag  
von eym yglichen Gottes werck / das zukunfftig ist / woll  
also sagen / Siehe da / Gott wird etwas thun / das niemādt  
glaubt / mā singe odder sage es / denn die welt glaubt Got  
tis wort nicht / biß sie es finde ynn erfahrung. Darüb bra  
ucht Habacuc des spruchs recht auff das grosse werck  
Gottes / da das land solt verstorēt werden. Vnd Paulus  
auch recht auff das aller grössert werck Gottes / von der  
aufferstehung Christi / wilchs geschehen war / den beydes  
ward nicht geglaubt / gleych wie wir noch teglich aller  
sprüche der schrifft brauchen mügen widder den Papst  
vnd gottlosen / wilche die Propheten von verstorung der  
Juden gesagt habē / als wen ich sage / Gott hat am Pap  
stum gethan / das niemādt hette geglaubt / wer es auch ge  
sagt hette / Vnd wird noch an yhm thun / das niemādt yet  
glaubt / wenn mans gleych sagt / man wirds aber erfahren  
Also will hie auch Habacuc sagen / wolan Gott wird et  
was thun / das yhr nicht glaubt / die weyl mans sagt / biß  
yhr ynnen werdet. Das aber S. Paulus spricht / Sehet  
yhr verechter / Vnd Habacuc / Sehet vnter die Heyden re.  
macht / das Paulus eyner andern verdolmetsung braucht  
Da ligt auch nicht an / Die summa des sinnes ist doch gleych

Den sihe / Ich will die Chaldeer erweckē  
ein bitter vñ schnell volck / wilchs ziehen  
wird / so weyt das land ist / wonunge ein  
zunemen / die nicht sein siud / Vnd wird  
grausam vnd schrecklich seyn.

Das ist

Das ist die drewe vber die ruchlosen verstockten sund-  
der/ Aber sie habens yhren spot gehabt vnd gelacht / wie  
gesagt ist/gleich wie die eydame Lot Gen. xix. auch thet-  
ten/Wiewol der prophet machts hefftig vnd gros/vnd  
wolt sie ia gerne erschrecken vnd zur busse treyben/Denn  
er spricht / Gott werde nicht schlechte feinde vber sie er-  
wecken/sondern die Chaldeer/das ist/den Keyser zu Bas-  
bylonien/denn dasselbige keyserthum war da zumal ym  
schwack vñ nam ymer zu/vñ ist gleich geredt/als wesi mā  
vns ist mit dem Turcken drewen möchte/wilcher vns zu  
mchtig vnd zu böse were / wilchs gar viel schrecklicher  
lauet/denn so es sonst eingeringer furste thun solte ym-  
der nehe vmb vns. Dazu spricht er / Es sey ein bitter  
volck/das ist ein böse hefftig volck/das zorniglich vnd  
tyrannisch mit land vñ leuten fare/ Den es wil gefurcht  
vnd vneracht sein/vñ wo man sich wegert so verdreust  
es vnd feret mit dem kopff hindurch. Derhalben sich die  
Juden wol furchten sollen/vnd nicht sich verlassen / als  
die Chaldeer faul odder hynlessig weren. Vber das sind  
sie auch schnell/eylē flux/Das aber mal die Juden nicht  
durffen wehnen/ sie seyen zu ferne vnd werden noch lang  
ge nicht komen/ Als solt er sagen / Bessert euch lieben  
kinder/ vnd verlast euch nicht auff ewre gedancken / das  
yhr meynet/die Chaldeer seyen nicht so hefftig oder noch  
ferne / Sie findt euch Juden sonderlich bitter vñ gram  
fur allen andern vnd komen balde komen.

Zum dritten zeygt er an yhre menge / Denn sie werden  
zihē/so weyt das land ist/das ist/das land wird vol Chal-  
deer sein/das es wymmelt von feundē ym lande / Als solt  
er sagen/Wenn euch das nicht schreckt/das ein solch me-  
chtig keyserthum widder euch erweckt wird / so solt euch  
doch das schrecken / das es so bitter vnd zornig vnd euch  
sonderlich gram ist/Wo das auch nicht/ so last euch das  
schrecken/das es so schnell / rustig vnd geschickt ist gegen  
euch/Wo das auch nicht/so denckt doch / das yhr so viel  
ist/vnd

ist / vnd ewer so wenig / das sie euch wol mit fussen in  
tod treten. Es müssen die Juden gar sicher vnd vnacht  
sam gewesen sein / das der Prophet so hefftig vnd mecht  
tig sie schreckt / Denn sie verliessen sich drauff / das sie al  
leine Gottes volck weren / vnd wurden nicht so vnterget  
hen / wie gesagt ist. Darumb feret der Prophet fort vnd  
machts noch grösser / Es wird wonunge einnemen /  
(spricht er) die nicht sein sind / Das ist / alle ewr stede vnd  
heuser / die nicht sie / sondern yhr fur euch gebaweth hat  
bet / vñ wirt nit darnach frage / wird euch auch nicht helfe  
fen / das Jerusalem Gots stad vnd wonunge ist / darauff  
sich das Judische volck hoch verlies / Aber es ist vmb  
sonst / das Babylonische volck wirds alles einnemen / obs  
wol nicht sein ist / Denn es ist ein grausam schrecklich  
volck. Vnd sein setzt Habacuc das wort / Wonunge die  
nicht sein sind / wolt nicht sagen / auch die wonunge Gots  
tes / als Jerusalem vnd den tempel / Denn es war zu der  
zeyt gar ferlich / ergerlich vnd grosse lesterunge / so man  
sagt / das Jerusalem solt verloren werde / Da Gott selber  
wonete / vnd fundte solchs der gemeyne man gar nicht  
hören / Darumb meydet auch Habacuc solche wort / vnd  
sagt doch wol so viel / das solchs alles dunder begriffen  
wird.

**Denn es wird richten vñnd drucken  
nach seiner art.**

Da setzt er vrsache warumb das Babylonische volck  
so grausam vnd schrecklich sey / denn es richtet oder vnt  
teylt nach keynes lanndes rechte odder sitten / wird sich  
auch nicht nach ewrem gesetz halten / sondern wird mit  
euch vmbgehen nach seinem mutwillen / vñnd wird des  
siegs brauchen nach seinem wolgefallen / wird yhm keyn  
mas noch ziel setzen lassen / sondern wie es euch gram vñ  
bitter auff euch ist / so wird es auch seinen bitteren grollen  
nach euch vnteylen / Vnd wie es vnteylet / so wirds auch  
nach

nach drücken/ vnd sein vrtteyl mit euch volbringen / Das  
heyst er hie richten vnd drücken nach seiner art / das ist/  
nach keynem gesetz/ sondern wie es gesymmet ist/ vnd wie  
es yhm dunckt. Denn also pflegen zu thun die wuetrich/  
wenn sie den sieg habē/ da ist keyne barmhertzigkeyt/ keyn  
recht/ keyn Gots furcht/ keyn billickeyt/ keyn gedulot/ keyn  
erkentnis eygener funde vnd verdienter straff/ Sondern  
nur wie die wilden wolffe/ dem bösen zornigen willen  
nach/ das mütlin gekület/ vnd sich auffs aller gewolichst  
gerochen. Des nym zu vnser zeyt eyn exempel an den bis  
choffen vnd am Adel / wie gar mit allem mutwillen sie  
sich gerochen haben vnd nach teglich rechen/ an den bau  
ren/ vnd mus der vnschuldige mit dem schuldigen leyden  
vnd lassen yhn nicht benügen / das sie den sieg haben vñ  
widder eingesseffen sind/ Das sie aber sich auch erkennen  
wie sie schuldig sind/ vnd mit yhren sunden auch wol  
verdienen haben/ nicht alleynē einen zeytlichen schaden  
von Gott zu leyden / als eyn kleyne straffe/ sondern auch  
den tod vnd die helle/ als eyne billiche straffe / Da wurde  
nicht aus/ Auff der nehisten heller alles widder geford  
dert vnd keyne straffe nach gelassen / als hetten sie nie  
nichts fur Gott verschuldet/ Darumb das darumb das  
sie fur Gott auch keyne gnade sollē fur yhre funde haben  
sondern das ihu das hertz verstockt/ damit ihre funde nit  
sehen/ vnd das mauil verstopfft/ damit sie nit betē mügē/  
vergib vnns vnser schuld/ wie wir vergeben. etc. vnd  
also zu letzt auch on alle barmhertzigkeyt zu grunde ge  
hen / Darumb ist nicht vergeblich/ das der adel gemey/  
niglich lewen/ heren / wolffe vnd andere wilde thier ym  
schilde furet/ Es bedeut yhre art.

**Seine rosse sind schneller denn Parden  
vnd behender denn wolffe am abent.**

Parden habe ich nicht gesehen/ die landferer aber  
schreybenn/ es sie eyn thier / das viel fleckenn auff dem  
fell habe

fell habe/ vnd die Sie sind greulichet denn die Zee. Abends wolffe/wilchs etliche verdolmetzen/wolffe aus der wüsten/den es beydes ym Ebreyschen mag aus den buch staben genomen werden/Doch ich halts/das abens wolffe seyen/das die meynunge sey/ Der wolff/wilchs von natur eyn reyssend/raubisch mordisch thier ist/Aber am abend viel reibischer ist/weyl er den tag vber nit gelauffen/vnd also auff den abend hungerig ist/das gleych so viel gesagt sey/Abends wolffe als hungerige wolffe/die lange nicht gessen habenn/wie auch Zephonia.iii. spricht von den valschen lerern/yhr hyrten sind abends wolffe/vnd lassen nichts vber auff den morgen. So wil nu Zhabacuc/das die parden odder wolffe schnelle sind/nicht dz sie vonn art schnelles lauffes seyen fur andern thieren/sondern das sie eylen vnd yhn iach ist zum raube wen sie hungern/vnd vnbarhertziger reyssen vnd rauben/Also vergleycht er die Babilonier den parden vnd hungerigen wolffen/das sie eylen vnd iagen zu rauben vnd zu verderben das Jüdische land/abermal zu schrecken vnd zur besserüge das volck zu reyzen mit solcher gleychnisse.

**Vnd seyne reuter komē von ferne vñ fliegen daher/wie ein adeler eylet zum ass.**

Hie ist ym text ein stücklin ausgelassen/Denn also sol er stehen/Seyne reuter breyten sich aus/vnd seine reuter kommen von ferne ic. Vnd der prophet bildet hie das Babilonische heer den Juden fur die augen/als sehe ers daher zihen/Denn so lest sich ansehen/wenn eyn heer von ferne kompt/das der reuter am ersten ein hauffen gesehen wird/Aber yhe lenger sie zihen/yhe mehr yhr wird vnd erfur komen/als mehreren sie sich ym zuge. Das wil er damit wen er sagt/Seyne reuter breyten sich aus/das ist/ym zihen wird yhr yhe lenger yhe mehr/wen man zusiehet/wie sie komē. Vnd komen von ferne/das macht auch den hauffen grösser anzusehen/wenn sie von ferne daher  
C zihen

sehen/ vnd eynen dänckt/ es wölle kein ende nemen / vnd  
sey noch ymer mehr dahindē yn der ferne. Also auch flie-  
hen sie daher wie ein Adeler zu ass/ Da rüret er dē schnel-  
len zug vñ lauff/ wie es den auch dückt den/ der das heer  
komen sihet/ sonderlich wenn er weys das es yhm gilt/ so  
dänckt yhn/ sie fliegen gleych vnd komen allzu balde/ ehe  
man sich könne zur wehre rusten. Also braucht Zabacuc  
hie maler kunst/ das er den einzug der feinde für die aug-  
en malet/ vnd daneben anzeygt/ wie denē zu sinn ist/ den  
es gilt/ nemlich/ das sie dänckt/ es sey mit yhnen nichts an-  
ders/ den das sie sich müssen fressen lassen / wie der Adeler  
eyn ass frisset/ das sich seyn nicht erwerben kan.

Da sehen wir/ wie feyn vnd eben die Propheten reden  
konnē/ vñ wie sie kurz/ vnd doch reychlich ein ding auß-  
streychen/ Den das ein ander hette gesagt mit ein wort/  
also/ die Babilonier werdē kome vñ Jerusalem zerstörē/  
Das redet Zabacuc mit vielē wortē / vnd streycht es alles  
eygētlich aus/ vñ schmückt mit gleychrißten/ wie mā den  
auch thun mus/ wen mā dem grobē hartē pöfel predigt/  
dem muß mā es für malē/ blawen vnd kawē/ vñ alle wey-  
se versuchē/ ob mā sie könne erweychē/ Es hilft dennoch  
was es kan/ Aber eym verstendigē ist bald geprediget. Al-  
so hellt er auch noch mehr an/ vnd spricht weyter/

**Sie komen nür zu freueln/ wie ein  
Ostwind faren sie daher.**

Droben hab ich gesagt/ was freuel heist/ auf die weise  
ists auch hie zuuerstehē/ das d Prophet wil sagē/ Die Ba-  
bylonier kome nicht anders zu thū/ den lauter gewalt zu  
vben/ recht odder gnade acht man da nicht / Er wirdt  
schuldig vñ vnschuldig einer mit dem andern leydē müs-  
sen/ wie es denn allwege zugehet ynn eyner gemeynē lādē  
straffe/ das man da nicht kã die vnschuldigen absondern/  
Ja es gehet wol am aller meystē vber die vnschuldigen/  
Vnd hie lesst sich Zabacuc mercken / das der König  
zu Baby

zu Babylon kein recht habe zu den Juden noch zu and  
dern landen/die er verderbt/weil er spricht / Sie kominen  
nir zu freueln / Wer aber freuel vnd mit gewalt feret/  
der thut nicht recht/vnd hats auch nicht recht. Vnd das  
ist freylich der titel aller keyserthum auff erden / sonder  
lich die sich mit krieg auff brechen / wie sie denn auch der  
lxxv. psalm raubeberge nennet / Darumb sie auch wid  
derumb müssen zu letzt verstorret werden / wie Babylon  
vnd Roma geschehen ist/das S. Augustin wol vnd feyn  
spricht / Was sind grosse Keyserthume anders / den gross  
se reuberey ? Aber Gott braucht dennoch also yhres freu  
uels/das er dadurch straffe/wilche er wil.

Der Ostwind ist der wind / so von morgenwerds her  
kompt/wilchen die latinsche Bibel/ventū vrentē nennet/  
das ist/der do dorret vñ trocket / vnd wolshedlicher ist/  
den der sonnen hitze. Gleich widderumb der wind von  
abent her/feucht vñ fruchtbar ist/ Der wind vō mittage  
bringt wetter/ Der wind von mitternacht machts schön  
vnd vertreibt die wolcken / ein iglicher nach seiner art.  
Gleich wie nu der Ostwind verdüret vñ krafft vñ safft  
nympt der erdē vñ was da wechst/Also werdē die Babilo  
lonier auch kominen vñ alles verderbē yñ allen landen/Vñ  
wie dem Ostwind niemand kan weren / so kan auch dem  
Babilonier niemand widerstehen. Grausam machts der  
Prophet vnd malet lange vber dem Babilonischē heer/  
die halstarrigen Juden zu erweichen vñ erschrecken.

**Es wird gefāgene zusamē raffē/wie sand.**

Das ist/Es wird viel leute yñ landen fangen vñ weg  
furen mit allem das sie haben/on vnterscheyd/beyde der  
reichen vnd gewaltigē / vnbarhertziglich alle auff einē  
hauffen vnternander / wie man hew odder siro zusamen  
raffet. Es ist der Ebreischen weyse / wenn sie eins dings  
wollen viel machen / das sie es dem sande vergleichen  
Gen. xxij. spricht Gott zu Abraham / das seines samens  
E ij sollen so

solle so viel werden/ als sternen am hymel vnd sand am  
meer/ Judi. v. waren der Midianer so viel ym lande/ als  
sand am meer/ vnd so fort an/ Also hie auch/ Es wirdt  
gefangene zu samen raffen/ wie sand/ das ist/ aus der mas  
sen viel.

**Es wird der Könige spotten/ vnd wird  
der fürsten lachen/ Alle festungen wer  
den yhm eyn scherz seyn/ Denn es wird  
schut machen vñ sie doch gewinnen.**

Allen trost vnd trotz nympt er dahyn/ das sich die Jü  
den nicht sollen verlassen yrgent auff eyne menschliche  
hülffe/ Denn ob sich gleych Könige/ fürsten vnd feste sted  
te widder yhn setzen/ als Jerusalem vnd Tyrus / so ist  
doch die macht vnd gewalt der Babilonier zu gros / das  
nichts helfen wird/ Ja es wird so leicht zugehen/ das er  
eynen spot wirdt draus machen/ wenn man sich widder  
yhn setzen vnd sich zur wehre stellen wird/ Also hilfft hy  
keyne menge noch macht der leute / Schützt auch keyne  
maure noch festunge/ Wo er die mauren nicht kan umb  
stossen/ wird er so hohe schut drumb machē / das er vber  
die maure hineyn schießen vñ lauffen wird. Damit rüret  
der prophet yñ sonderheyt die stad Jerusalē/ auff wilche  
sich die Juden auch verliessen/ weil sie so fest vnd wol be  
wart war/ das viel dauon gesagt vnd geschrieben ist.

**Als denn wird er eynen neuen mut ne  
mē/ wird fortfarē vñ sich versündigen/  
Denn mus seyn sieg seines gottes seyn.**

Sie beschreybt er nu / wie die Babilonier yhres sieges  
mißbrauchen werdē/ zu yhrem obermüt vnd zur lesterung  
Gottes/ Damit sie sich denn versündigen/ das sie Got zu  
legt widerumb auch stürzen vnd zerstören mus/ Den das  
vermag kein menschlich hertz/ das sichs nicht solt erheben  
vnd thū



vnd rhümen wens ihm wol gehet vñ glück hat/wie das  
alles nicht elleyne die heyligen schrifft weyset / sondern  
auch die Heydē auß erfariug zeugen vnd bekennen/wie d  
poet Virgilius spricht/Nescia mens hominū seruare mo  
dū rebus sublata secundis/ Ein menschlich hertz kan nit  
mass halten/wenn glück da ist/Widerumb kans auch ebē  
so wenig halten/wens vbel zu gehet/das nicht solte verza  
gen vnd sinckē/ Es ist zu weych vnd zu schwach auff bey  
den seytē/doch viel schwacher gluck zu tragē deñ vnglück  
Wie man spricht/ Ein mensch k̄ alle ding leyden/on gu  
te tage. Vnd abermal/ Es müsten gar starcke beyne sein/  
die gute tage sollten tragen/Das sihet man auch ynn der  
erfarung/Wilchem gut/ ehre vnd allerley gluck nach sey  
nem sinne zu schlecht/ Der k̄ nicht auff hörē/zu prassen/  
zu trozē/zu stolzen/zu tobē/ bis vnglück kome vñ wehre  
yhm/wie mā spricht/Gut macht mut/ Mut macht hoch  
mut/Hohmut macht armut/Armut aber weh thut/weh  
thun sucht wider gut/Das ist der wellt lauff yn yrem reif  
vñ freys vñ der menschen art/ da wird nicht anders aus.

Des nym eyn exempel außs der nehisten auffruer vnter  
den bawrē/Deñ das leydige exēpel billich ynn ewickēit zu  
gedenckē vñ nymer mehr zuuergessen ist/ Da es den baw  
rē geriet/ was sie woltē/hilff Gott/ wilch ein troz/stolz/  
rhum/pracht/vnd aller mutwil vñ vbermut war da. Da  
war feyn hören noch sehen mehr / kein mas noch weyfel  
sondern mit dem kopff hindurch/ Oben aus vnd nyrgen  
an/Widderumb dasselbige vnglück/wie mat/verzagt vñ  
zu nicht macht es die Oberherrn/wilche zuuor eytel lewē  
herzen hatten/da war kein mut noch rhum/ sondern ey  
tel flucht vnd zagen. Aber nu sichs radt gewendet hat/vñ  
die oberherrn obliegen vnd gluck haben/die bawrē aber  
erschlagē sind/Da ist abermal kein masse noch weise auff  
beyden seytē. Die oberherrn wissen nit wie sie yren mut  
willen gnugsam külen sollen/Dy bawren so verzagt/das  
sie nicht wissen/was sie thun sollen/Gott gebe/das nicht

eyn ergers draus kome/das beyde herrn vnd vnterthanen  
zu scheytern gehen/ gleych wie diesen Babiloniern auch  
zu letzt geschach/wie wyr hernach hören werden.

Wenn da der kōnig mit seym volck sahe das yhm so  
schleunet vñ glücket zu seym kōnigreich/vñ keyn kōnig/  
fürst/stad noch land yhnen widderstehē kund/ da wuchs  
yhn der mut vñ namē eynen newē mut (wie hie Zabacuc  
sagt) das ist/sie wurden da aller erst trozig vnd stolzer/  
den sie zu vor yhe gewest waren/vmb des grossen glücks  
willē/kundten auch keyne masse haltē/noch sich sels erkē-  
nen/oder Got die ehre geben/so doch alle seyn glück/eine  
blosse vñverdiente gabe Gotts war/Gleych wie auch ist  
vnserē fürstē vñ bischoue/Got die ehre nicht geben/d; sie  
blieben sind/ noch sich erkennen vnd demütigen kōnnē/  
Sondern sie faren fort (spricht Zabacuc) vñ versündigē  
sich/das ist/sie gehen hyndurch/rhümē vñ trozen/schwē-  
gen vnd gehen daher/als weren sie nu gewis/ vnd vber  
alle berge gesprungen/Vñ versündigen sich also mit zwo  
grewlichen sunden/ die sie zu letzt gar scheußlich stürzen  
werdē/ Eine sunde ist/der selbige vbermut/den sie an dē  
leuten vben/die sie vberweldigt haben/vnd treyben yhre  
tyranny mit yhnen nach allem mutwillen/ Die andere  
ist/gotris lestrunge/das sie got die ehre nit gebē/sondern  
lassen sich duncken sie seyen fur Gott so frum vnd wir-  
dig/verachten vnd lestern die/ so sie vberwunden haben  
als die von Got verdampft/verworfen vñ solchs verdie-  
net haben/ Da lauffen sie den recht an/vnd versündigen  
sich auch an Got/auff das sie also/beyde Got vñ mensch  
en auff sich laden/vnd beyden vntreglich werden/ vñ  
ja balde zu grunde gehen/darnach sie denn auch ringen.

Die erste sunde/ der vbermut an den leuten begangē/  
thut wehe menschlichem hertzen/Aber dem propheten/  
wie allen heyligen/ thut vil weher die ander sūnde/die  
lestrunge/so sie an Gott begehen/darumb deutet vñnd  
streycht er die selbigen weyter aus vñ antwortet drauff

Die ersten nennet er schlecht mit gemeynem namen vnd  
spricht/sie versündigen sich mit dem vbermut/ Aber die  
andere greyfft er mit bitteren v vnd scharffen Worten an  
vñ spricht/Den mus sein sieg/ seynes Gottes seyn/D; ist/  
Er hat nit gnug an sein vbermut/das er die leute vber  
windet vnd beschweret. Er mus auch seinem abgott zu  
Babilonē die ehre geben/als habe ym der selbige/ solche  
krafft vñ sieg gegeben/ Ja/ia/d; mus der rechte Gott zu  
Iherusalem nicht gethan habē/sondē gleych als viel ein  
schwecher vñ geringer gott/sampt seynem volck den Jū  
den/ vberwundē sein vñ seynem Babilonischen gott vn  
terliegē/ Der ist/des solcher grosser sieg seyn vñ heysset  
mus/ Wo ist der Juden Gott nu? Gleych wie auch. iij.  
Reg. der ertzschencke des Königs zu Assiriē sprach/ Sein  
herz hette alle gottes yñ landē vmbher vberwunden/der  
Juden got würde yhm auch nicht widderstehen mügen.  
Das verdreufft nu den prophetē hoch/ das die gotlosen  
yhre krafft vñ sieg nicht alleyne nicht erkennen/vō wem  
sie die habē/sondern sich auch yñ yhrer bosheit verstockē/  
lestern Gott ganz frey vñ sicher/gebens dem teuffel das  
sie von Got haben/ vñ machen yhre bosheyt zur tugent  
vñ das volck Gottes zu sundern vnd buben. Darumb  
zeucht vñ blewet sich der prophet mit dieser sunden bis  
zu ende dieses Capitels vñ wird schier zornig vñ vngedul  
dig druber/das die Babilonier sollen recht haben vnd  
drauff trozen/ Vnd das volck gotts sol vnrecht haben/  
weil sie vnglück leyden/vnd ihene glück haben.

Eben so trozten die Jūden auch vber Christum/da  
sie oben lagē vñ yhn gecreuzigt hattē/lestertē vñ sprachē/  
ist er Gottes son/so helff er yhm nun/ gerade als were  
Gott auff yhrer seyten vnd hetten aller ding recht/vnd  
Christus vnrecht / Da musste yhr sieg vnd krafft auch  
yhrs gottes seyn/das ist yhrs teuffels vnd abgots/wust  
ten vnd meineten nicht/das der rechte Gott Christum  
so verlassen vnd ym yhre hende gegeben hette vñ doch  
Christum lieb hatte vnd auff sie zornig were/ Wie dem.

alle gottlosen tyrannen thun/vnd messen Gottes gnaden/  
nach dem leyblichen glück odder vnglück / gleich wie izt  
vnser Bischove vnd fursten auch thun / weil Gott yhn  
den sieg widder die bawrn gegeben hat / vnd lesst sie da  
neben viel vnschuldige Christen martern vñ verfolgen/  
meynen sie nicht anders/yhr sache sey gut vñ recht / vnd  
gefalle Gott wol/sind trotzig vñ frech/meynen Got einē  
dienst dran zu thun/dencken nicht/das yhr gott vnd sache  
eytel reuffels wesen ist/weil sie sehen/das sie glück haben  
vnd das Euangelion vnglück/wissen aber nicht/das der  
selbigen verfolgten Christen gott vñ sache recht ist/vñ  
gott sie ynn yhre hende gegeben hat / wie er mit Christo  
selbs vñnd allen heyligen gethan hat / darumb faren sie  
auch fort vnd gehen daher/lestern vnd sprechen / Wo ist  
nu dem Christus? las yhn dyr helfen/Da mus yr gewalt  
vnd sieg/auch yhres gottes sein/vnd sie recht haben. Das  
ist das rechte Christliche creutz/das man nicht alleine bö  
ses leydet/sondern auch vnrecht mus haben/vnd mit den  
vbelthetern/wie Christus / gerechnet werden.

Aber es wird ein wuste ende mit yhn nemen/vnd wird  
gar s. w. r. e. r. senff auffgehen/wenn sie nu yhr honnig aus  
geseet haben/Denn weil sie Gott nicht fürchten/ynn seyn  
nen gericht vnd wercken vnd sich nicht demütigen/lest  
er sie getrost so anlauffen/das sie glücks vñ siegs die fulle  
haben/macht sie so zu narren ynn yhrer klugheit vñ gut  
dunckel / das sie yhre sünde vollmachen vnd sich versto  
cken/bis das stundlin kompt / das ehr mit yhn vmbgehe/  
wie mit den Babylonier vnd mit den Juden vnd allen  
der gleichen tyrannen/Denn wo sind sie nu/die zu Chri  
sto sprachen/Er hofft auff Gott/ der löse yhn nu/hat er  
lust zu yhm? Wo ist yhr gott / dem sie den sieg gaben?  
Christus ist blieben / sie aber sind zustoben vnd zufflogen/  
wie staub auff dem felde/ Des mügen wyr vns izt auch  
trösten/Denn das stundlin wird auch komē gar balde / das  
man von vnsern tyrannen/bischoven vnd pfaffen wird  
sagen /

Sagen/Wo sind sie? Wo ist yhr Gott mit? Wo ist yhr Eö-  
stliche rechte sachen? Wo ist yhre Christliche kirche? Wo  
sind sie/die da sagten/las dyr deyn Euangelion vñ Chris-  
tum helffen? Aber das sie ist siegen vnd toben/trozen  
vnd stolzieren / vnd geben den sieg yhrem Gott / als sey  
Gott mit yhn widder vns / das dienet dazu / das sie ge-  
trost anlauffen/narren / verstockt vnd feyn reyff werden  
zur straffe/vnd wenn mans yhn schon sagt / sollen sie es  
nicht glauben/sondern verlachen / auff das sie sich nicht  
beteren vnd erhalten werden.

Aber du **HERR** mein Got/mein heyl-  
liger du bist von ewickeyt / Las vns  
nicht sterbē sondern las yhn **O HERR**  
nur eine straffe sein vnd las yhn **O vns**  
Ier hort vns nur züchtigen.

Wie schilt er sich mit der sünde der lesterer vnd strafft  
sie vñ tröstet die seinē/Wil also sagē/das die Babilonier  
obligen vñ siegen/wir aber leyden vñ vnterligen/ist nicht  
die ursache/das d̄ Babilonier Gott ein rechter Gott sey/  
dem sie solche gewalt zu schreybē/auch nicht darumb/das  
sie so frum vnd gerecht/odder wyr sunder vnd vnrecht  
sind/sondern du bist Herr/der solchs alles thut / vñ vns  
verleest vñ sie erhebest / Dein wille ist also / das wissen  
sie nicht/vñ fechten damit wider dich / das du yhn gibst/  
nemlich gewalt vñ sieg/vñ gebens yhrem gott / Es sind  
aber wo ursache/warumb du solchs pflegest zu thun/Die  
erste/das du yhrer bosheit brauchst/als einer rutē/zu steu-  
pen deine lieben/wie **Esai. x.** sagt / Assur ist meine rute/  
Vnd **Apo. iij.** Wen ich liebe den züchtige ich. Die ander/  
das sie anlauffen vñ zu narren werdē vber solchen deinē  
rad/den sie nicht kenne / vñ darnach zu grunde gehen/  
wie droben gesagt ist/vñ hernach ym dritten capitel wey-  
ter sagen wird/Denn also spricht man / wenn der vater

C v das find

Das kind ausgestrafft hat/wirfft er die rute yns fewr.

So bittet nu der prophet / das Gott wolle bey der straffe lassen bleiben / vnd das Judische volck nicht gar lassen zu boden gehen/vnd spricht an stat des volcks/ vñ mit dem volck/ Herr mein Gott/mein heyliger/ Den kein volck vnter der sonne den rechten Gott hatte oder kenne/ on das Judische volck alleyne / darumb sie auch alleine sagen konden/ Mein Gott. Er nennet yhn aber seinen Heyligen/wie die prophetē pflegen/Gott/den heyligen yñ Israel zu nennē/ Esae. i. Sie lestern den Heyligē yñ Israel/Psalm. lxxxix. Der Herr ist vnser schild/vñ der heilige yñ Israel ist vnser kōnig/Also hie auch/mein Gott mein Heyliger. Vñ das darumb/den sie durch yhrē Gott vñ sonst nichts/heylig waren/wie er spricht ym Leuitici/ Ich bins der euch heyliget/gleich wie auch wir itzt alleine durch Christū vñ sonst nichts / das ist/heyligen werden/nicht durch vnser werck odder verdienst etc. Weiter spricht er/Herr bistu nicht von ewigkeit her? als solt er sagē/ Ach Herr es ist ia kein ander Gott den du/ der alte rechte ewiger Gott/vñ nicht ein newer falscher gott/wie der zu Babylonien vñ andere mehr die mit der zeit her kōmen vñ erfundē sind. Damit tröstet er sich vñ die seinē / trotz auch vñ spottet des Babylonischen Gottes / welchen die Babylonier so hoch auffwerffen / Den es macht grossen mut/wen̄ einer weis vñ gewis glaubt / das nur eyn Gott sey/vñ der selbige vnser Gott/ vnser heyliger sey vñ mit vns halte. Was können den thun alle götter auff erden? Weyl du denn alleine Gott vnd vnser heyliger bist/wir aber dein volck/das alles yñ deinen henden stehet / so sey vns gnedig vñ las vns nicht sterben noch gar verderben durch die Babylonier/sondern nur gestrafft vñ gezüchtiget werdē/das doch samē vberbleybe deynē volck/wie du verheissen hast / Den dis gebet gründet sich auff Gottis verheiffung/da er dem volck geredt hat/Er wolle sie nicht gantz verlassen/wie wol er sie nicht alle behelt Ro. x.

Im Ebreis

Im Hebreischen laut dieser text was denn man zu  
deudsch geben kan/also/ Istis nicht also/ Herr/ das du von  
alters her/mein Gott/mein heyliger bist/das wyr nicht  
sterben? Darynn fasset vnd begreyfft der prophet kurtz  
alle Gorts verheyssunge vnd wunder/dem Judischen  
volck widderfaren/als solt er so sagen/Weystu auch oder  
gedenckestu nicht/das du vns verheyssen hast/vnser Got  
zu sein/vnd hast vns bisher noch nie lassen verderben?  
so wirstu vns ia auch izt nicht lassen verderben/ Denn du  
bist vnser Gott/ynn dem wir leben vnd nicht sterben/  
wie du vns gered hast. Vnd das hernach folget/henget  
ynn Hebreischen an diesem stück vnd mag auch ynn fra-  
gens weyse gelesen werden / also / Istis nicht also Herr/  
das du von alters her/mein Gott/mein heyliger bist/das  
wyr nicht sterben/sondern yhn zur straffe brauchen wirst  
O Herr/vnd yhn zur züchtigung setzen / O vnser hort?  
Er redet fragens weyse mit Gott / ob er auch so thun  
vnd nür straffen werde. Nicht das er dran zweyffele/  
sondern das er anzeyge / wie der glaube ynn der anfech-  
tunge stehe/das er so schwach scheynet/als gleube er nis-  
cht / vnd wolle gleich sincken vnd verzweyffeln fur dem  
grossen vnglück/das yhn drückt/Denn wie wol der glau-  
be fest bleybt/so fracht er doch / vnd redet viel anders/  
wenn er ynn kampf stehet/denn er thut/wenn er gewon-  
nen hat / So war es dem volck gar schwer zu glauben/  
das sie solten erhalten werdē yn diesem fall der Babylo-  
nischen gefengnis / oder ymermehr wider kom / vnd das  
solchs nür eine straffe solte sein / drum folget weiter.

Deine augen sind reyn/das du vbels ni-  
cht sehen magst/ Vnd dem iamer kanstu  
nicht zu sehen.

Als solt er sagen / Wolan sey gleich reiner augen das  
du vbels nicht magest leydē/wie von dir gepredigt wird/  
das du gerecht seyest vnd ledest kein böses vngestraft/  
Wie gehet

Wie gehet es denn nu zu? das du viel anderst thust/vnd  
leidest solchs vñ vnd straffest nicht? Im Ebreischen  
laut es also/ Mundare oculis vel sis plane mundus ocu-  
lis/ Et est amara concessio in opere contrario / Wie wir  
auff deudsch mochtē sagen von eynem der guts geruchts  
were vnd doch anders thut / Wolan du bist frum / Aber  
wie thustu den so? sol das ein frum man thun? Also hie  
auch/Wolan herr du bist gerecht / so sagt man von dir/  
Aber wo ist nu deine gerechtikeit? Mit solchen worten  
zeygt Habacuc an/was dem kempfenden glauben fur ge-  
dancken einfallē/ Der helt/das Gott gerecht sey / Aber er  
verzeucht so lange/vñ sihet den bösen zu das einer möcht  
schir denckē/ Er were nicht gerecht/sondern hette lust an  
den buben. Gleich wie wir izt auch möchten dencken/da  
Gott vnser Euangelion lest so iemerlich verfolgen vnd  
lestern/das beyde gewalt vnd secten sich dawider teglich  
mehrē/vñ wyr auch möchten sagē/ Du bist zwar reiner  
augen/vñ sihest nicht gerne gewalt vnd vnrecht / Wenn  
beweyfestu es auch mit der that? Uns dunckt/du wollest  
vns fur vnrecht vñd ihene fur gerechte halten / so wir  
doch gewis sind das wir recht vnd sie vnrecht haben.

Solche schwachheit oder anfechtunge des glaubens hat  
nicht alleine das gemeine volck gehabt / sondern auch  
der prophet selbs / wie auch alle andere propheten / als  
Jeremias.xij. thut auch also vñ spricht / Herre du bist ia  
gerecht / so ich wolt mit dir rechten / Aber doch mus ich  
mit dir reden vom rechte/Wie gehts den zu/das den got-  
losen so wol gehet / vñ alle vnrechter so glückselig sind?  
Du hast sie gepflantz vnd wurzelē wol/sie faren fort vñ  
sind fruchtbar/du bist nahe yñ yhren munde/vnd ferne  
von yhren merē. Vnd psal.lxxij. Meine fusse werē schier  
geglitten vñ mein gang hette schier gestrauchelt / da ich  
sahē / das den gottlosen so wol gieng etc. Denn es thut  
aus der massen wehe/das die vnrechten so lange obliegen  
vnd gleich mit vnrecht so gros gluck verdienen sollen/  
Vnd



Vnd die gerechten mit yhrer frumtkeit so viel vnglücks verdienen. Aber es geschicht alles darumb/das ihene sollen wol anlauffen vnd vnser glaube wol ausgedenet/starck vnd reich werde ynn Gott/wie denn auch hie Habacuc hernach vom König zu Babylon saget / wie auch der obgenante. lxxij. psalm spricht / das Gott die bösen hoch hebe/auff dz er sie tieff stürzte/Vñ Jeremia flux folget auff die vorige wort vñ spricht/Samle sie wie schaffe zur schlachtbang vnd bereyte sie zum tage des wurgens.

Warumb sihestu den zu den verechtern vnd schweygest / das der gottlose verschlinget den der frümer denn er ist?

Da beyst sich der kampfss glaube mit der gottlosen glücke vnd erzelet es nacheinander daher/ Als solt er sagen/ Ich glaube vñ bins gewis/das du alleine Gott bist vnd die gottlosen on deinen willen nichts mügen thun/warumb sihestu denn zu vnd schweygest? Vnd gebrauchet hefftige wort / Er nennet die gottlosen / verechter/ Wilchs deutet die ruchlosen/sicher / freye menschen / die von Gotts wort vnd werck/so gar nichts haltē/das kein mensch von yrgent einem ding so gar nichts halten/Wilche S. Paulus Ephesi. iij. Apilgicotes nennet / das wye verdeutschet haben/verruchte/ latine/qui non solum contemunt / sed etiam negligunt quasi indignos habeant quos contemnant/Ebraice/Boged/gleich wie wir vñ dē Juden vnd die Juden van vns halten/ da einer den andern für lauter nichts hellt/Ebē wie auch izt etliche gottlosen vom Euangelio so gar nichts halten / das yhn eyn lauter scherz ist/vñ nicht gewissers haben/den das nichts sey/ Sölche leute die so gar nichts für sich annemē die heissen rechte Bogdin vnd Apilgicotes/verrucht/dz keyn schmecklin noch rüchlin da ist blieben. Vnd alles dahin ist ynn yhrem hertzen/ So schreyben die Heyden von dem

Dem Tyrannen Dionysio/da er den tempel beraubet hat  
te vnd gut wetter zu schiffen freig/ das er sich rhümet  
vnd sprach/ Sehet wie gut wetter gibt Gott den kirchē  
dieben. Wo hie nicht Christliche gedult ist/do sollt woll  
fleysch vnd blut wünschen/ das sehen donner eym sol  
chen auff den kopff siele/ vnd neun ellen tieff ynn die er  
den schläge/ Wir heysen eynen solchen Verwegen/ der  
es frey wogen/vnd schier mit dem Ebreyschen Boged  
odder Woged vber ein stymmet.

Zum andern/das Gott zu solchen verwegnen/verrück  
ten/so gar nichts thut/das er schlecht schweyget vnd sie  
gleich damit stercket/als sey es so gar nichts/ wie sie hal  
ten/Vñ ist auch verrucht vber sie/gleich wie sie vber ihn  
sind zween verwegene gegennander/ Gott vnd die got  
losen. O das ist ein verdriesslich schweygen an Gott/vnd  
ein vnleydlich verachtunge an den verwegenen leutten/  
Also zeyget er hie auch die Babylonier/ das sie yhrer sa  
chen so gewys vnd verwegē sind gewest/das sie alles het  
ten eher mocht glauben/ehe denn sie hetten geglaubt/das  
Gott die Juden für sein volck/vnd die Babylonier für  
seyne feynde hielte. Da war nichts gewissers/ Denn wyr  
Babylonier sind Gottes kind/die Juden sind seyne feyn  
de/so hoch betrog sie das gluck/ wie es denn gehet mit al  
len gottlosen. Zu das ist noch nit vber die mas schweer/  
wenn ein prophet für sich selbs sol ynn solchem kampff  
glauben stehen/Aber wenn er ynn seyn ampt tritt / vnd  
soll ein gantz volck ynn gleychem kampff mit sich tröste  
vnd erhalten/ Da ist mühe/samer vnd nott/ Da zappelt  
das volck/ vnd sollen kaum zween odder drey ym ganzen  
hauffen mit yhm glauben vnd kempffen/Die andern al  
le sich ergern an den verwegenen tyrannen/vnd dencken/  
Ach es ist nichts mit vns/Gott ist widder vns/sihestu nit  
wie er yhene hebt vnd tregt/vns aber leßt vnd veracht.  
Ja predige was du wilt/ ich sehe wol/was die meynüge  
ist/ Da gehets denn/wie Mose am roten Meer/vnd zu  
Paran

Paran mit Core/ Da hilfft Eyn reden noch radten. Dar  
umb treybt Habacuc disß stück so mit wichtigen vnd vie  
len Worten / Das volck mit sich zu stercken vnd zu trösten.

Zum dritten/ Das Gott dem gottlosen so groß glück  
gibt/ das er die verschlingt / die frümer sindt denn er ist/  
Das ist/ die Juden sonderlich/ daneben auch viel ander lä/  
de vnd leute/ die auch frümer sindt gewesen / denn die  
Babilonier/ Denn so gehets zu/ wo groß reychtum vnd  
gewalt ist/ da sind auch grosse sunde vnd vnrecht / Gellte  
macht diebe/ Glück macht schelcke/ wie gesagt ist/ dz groß  
glück ist eym menschen zu schwer zu tragen. Tu were es  
noch etwas leychter/ wenn die bösen/ nicht die frumen/  
sondern die da erger odder gleich böse sind/ fressen. Tu  
aber lessis Got gehen/ das sie die frümesten fressen. Aber  
mal were es leychter/ wenn die bösen alleyne strafften od  
der ein Eyn leyd thetten den frumē. Aber das ist zumal  
erbermlich/ das die Gotlosen/ fressen/ vnd gar verschlin  
gen die frumen/ nichts vberlassen/ sondern alles verder  
ben/ wie der lxxix. psalm sagt/ **Es** sie haben Jacob  
auffgefressen/ vnd seyne stede wüste gemacht ic. Vnd  
zu dem allen noch den rhum vnd die ehre dazu haben /  
als sey Gott mit yhnen/ vnd hetten gar wol gethan/ wy  
droben Habacuc mit bitteren Worten sagt. Den muß sein  
sieg seynes Gottes seyn. Das alles ist ein recht creutz der  
kinder Gottes/ so muß yhr leyden gethan seyn/ das sie vn  
terliegen vnd vnrecht dazu haben müssen/ vnd sehen/  
das yhre feynde den sieg vber sie führen / vnd sich noch  
Gotts dazu rümen/ wie Christus auch spricht Johans  
nis. xvj. Es kompt die stunde/ das/ wer euch tödtet/ der  
wird meynen/ er thu Gott eynen dienst dran / So gieng  
es Christo selbs am creuze. Aber da ligt die hohe vnd  
tieffe weyßheyte Gottes verborgen/ da ist er wunderbarlich yñ  
seynen heyligen/ ia auch yñ seynen feyndē/ das alles gehet  
vber alle vernunft vnd erfahrung menschlichs verstands  
Vnd

Vñ leffest die mēschē gehen wie fische ym  
meer/ wie gewürm das keynē herrn hat

Das ist noch alles geredt ym kampfsglauben von der  
gotlosen Babilonier glück vber ander land vnd leute.  
Wie gehen die fische ym meer? Sie haben keyn regiment  
noch ordenung sich zu weren widder yemand/ sondern  
schweben daher / wer da fehet der fehet/ wer hasscht der  
hat/ das ist niemand der da weret odder vertheydigt/ das  
solche fische nicht anders sind/denn den fressern fur die  
augen gelegt/Menschen fahen vnd fressen sie/grosse fische  
vnd ottern fressen sie/Adeler/weyhe vnd andere  
vogel fressen sie/Biber vnd andere thier fressen sie/Sie  
sind nur speyse/beyde der menschen/vogeln/thieren/vnd  
fischen. Eben so leffestu alle land vnd leute den Chaldea-  
ern seyn/das sie nur fahen/fressen vnd schlingen. Ist  
nu nicht verdrieslich/das solch bösen gotlosen leuten/so  
len alle frume land vnd leute seyn/ wie köchen fisch/ die  
sie fahen/schlachten vnd fressen/ wie sie wollen/ gleych  
wie Paulus auch den spruch aus dem psalter füret/Wir  
müssen teglich sterben vmb deynen willen/wir sind doch  
wie schlachtschaffe gerechnet. Das ander( wie gewürm  
das keynen hern hat) Ist eben das selbige/Denn er redet  
nicht( meins achtens) vom gewurm auff dem lande son-  
dern ym meer/als da sind die kleyne fische/wie psal. ciiij.  
Da ist gewürm on zal im meer/Dē Remes auff Ebreisch  
heißt alles/w; da kreucht vñ schleycht/wilchs ich gewurm  
heysse/ wie wol d; wort zu enge ist/Aber ich habe kein an-  
ders/wir sprechē/Es krymmelt vñ wymmelt. Vnd Ha-  
bacuc setzt d; hynzu/zu deuten vō wilchen fischē er rede!  
Nemlich von den kleyne/wilche gar arme würmlin gegē  
yhre fresser sind/Den da hat der mēsch angel/netze/garn/  
köbe/reußen vñ allerley gerüst/d; man sie fehet vñ frisset  
on was vogel vnd grosse fische/mit schnabeln vñ klawen  
thun/Diese alle haben keynen herrn/d; ist/sie haben keyn  
orde

ordnunge / wissen sich auch an niemand zu halten / sondern faren ynn der yrrre / nur zur speyse den andern.

**Er zeuchts alles mit hamē / vnd fehet s  
mit sein netze vñ samlets mit sein garn.**

Er macht aus den Chaldeen fischer / gleich wie Moyses Gen. x. aus dem Nimrod einen Jeger macht / Vñ wie ich gesagt habe / Der mensch hat mancherley gezeug die fische zufahen / also gibt er hie dem kōnig zu Babylon auch / das er ein gewaltiger geschickter fischer sey / der mit mancherley gewalt / alles zu sich zihet / fahet vnd samlet. Die se hamen / netze / garn / sind nicht anders / denn seine grosse mechtige heere / damit er alle lande vnd leute gewonnen / vnd aller welt güter / fleynd / sylber vnd gold / zinsse vnd rente zu sich gen Babylon gezogen hat / also das er auch die gefesse ym tempel zu Jerusalem weg furet / Den was ist anders / wenn solch ein grosser kōnig / sein here ausschickt vber ein land / vñnd gewynnet es / das er alle barschafft nympt an gelde vnd fleynd / dazu die leute weg furet / zu letzt auch zinsse vnd rente ynn dem selbigen lande behelt / Denn als ein fischer / der sein netze auswirfft vnd zeucht alles zu sich / was er fehet / vnd behelts / was gut ist.

**Des frewet er sich vnd ist fro.**

Wie verdreust den propheten / das die gottlosen Chaldeen solch glück haben / vnd das sie frōlich drüber sind da alle land vnd leute weinen vñnd betrübt sind / Sie sind guter dinge / meinē / es sey gar wol gethan / Ey wie kurtzelt sie solch sieg vnd glück / vñnd ist yhn so wol / wissen aber nicht / das sie Gott damit zur schlachtbang mestet. Das ist aber alles auch omb vnser willen geschrieben / das solch vñ der gleichen exempel vnser trost sein sol / wen auch wir sehen / das den gottlosen so wol gehet / vnd sie rhümē vñ frōlich sind vber vns ynn vnserm elende / vñ sollen nicht anders denckē / es ist gemestet vñ / Den wilch viehe man  
D mestet

mestet / die zeucht man nicht zur lust odder zum brauch /  
sondern ynn die kuchen zur fleyschbandt / welche mā aber  
zur lust vnd brauch zeucht / die hellt mā mager vñ schmal  
Gott ist ein grösser Koch / hellt auch ein grosse kuchen / dar  
umb mestet er grosse thier / das ist / mechtige Könige vñnd  
fürsten / vnd mestet sie wol / das sie mehr denn alle fülle /  
an gut / ehre / lust vnd gewalt haben / lest sie frölich sein vñ  
tanzen / auch vber die helse vnd leybe seyner kinder / wie  
Herodes tochter vber Sant Johannis tanzet / vñnd die  
wallt frölich war / als Christus sagt / da die Apostel bes  
trübt waren / Also kuzelt den König zu Babylō vnd seyn  
volck aus der massen wol / sonderlich das er die Jude ge  
wan / welche behümet waren / das sie yhrs Gottes halben  
vñüberwindlich waren. Vnd gieng auch gewlicher mit  
yhn vmb / denn mit andern.

Derhalbē opfert er seinem netze / vñ reu  
chert seynem garn / weyl durch die selbi  
gen seyn teyl so fett / vñnd seyne speyse so  
völlig worden ist.

Droben sagt er / Als den muß sein sieg seins gots seyn /  
das ist / er gibt die ehre seinem abgot Bel vñ Nebo (denn  
sonēnet Isaias. xlvj. den Gott zu Babylō) vñ nicht dem  
rechten Gott zu hierusalem / Hie spricht er / das er seynem  
netze opffere / vñ seynem garn reuchere / So wir doch itz  
gesagt habē / das seyn netz vnd garn sey seyns heeres kraft  
zuuerstehen / Wie opffert er denn den selbigen / vnd gibt  
doch zu gleych die ehre seynem Gott? Antwort / Der pro  
phet ist so vber die Chaldeer entzündet / das er für gro  
sem eyer / den er zu Gott vñ seyn volck hat / des Königs  
zu Babylō vñ der seynen spottet sampt yhrem gott vñ  
gotts dienst / Als solt er sagen / Wem reuchert vnd opfert  
yhr? Ist doch da kein Gott / So ist der götze auch nichts.  
wie S. Paul. sagt. i. Cor. x. Ich will auch wol sagē / wem  
solch

solch opffern vnd reuchern geschicht/ nēlich ewrem netze  
ewer eygen macht. Den wer sich eynes dinges rhümet/vñ  
ist frōlich vñ fro drüber/wie yhr seyt/vber solchem gluck  
dancket aber dem rechtē Gotte nicht/ wie yhr auch thut/  
Der macht sich selbs zum abgott/gibt ihm selbs die ehre/  
frewet sich nicht yn Gott/sondern yn seyner krafft vnd  
werck/Darumb ob yhr wol mit dem munde Got nennet  
vñ mit der hand für dem gözen opfert vnd reuchert / so  
ists doch yn grund ewers hertzen nichts/sondern yhr hal  
tet von euch selbs viel vñ gefallet euch selbs wol/das ihr  
solchs vermägt/vñ meinet/ihr seyds werd vñ habts ver  
dynet/drüb ist ewr netze/dz ist ewr macht vñ gewalt/ewr  
gott/dem opffert vñ reuchert yhr/Den auff ewer gewalt  
verlaszt ihr euch/trotzt/rhümet/frewet euch d selbigē/wo  
die nit were/ewr göze solt euch wenig helffen oder erfre  
wē. Auff die weyse redet auch 2. sat. iij. Sie betē an yhrer  
hende werck/vñ das werck das ihre finger gemacht habē  
Vñ act. vñ. spricht Stephanus/Sie frewetē sich d werck  
yrer hende/Den wes mā sich frewet/war auf mā sich ver  
lest/das ist sein Gott/weyl mā sich auff niemā den auff  
Gott alleyn verlassen soll / auch sonst keyns dings/denn  
Gottis frewē/ Die gottlosen aber müssen sich irer werck  
vñ gewalt trōsten/das ist ihr gott/sie kōnnē nicht anders.

Wil nu der prophet sagen/wie feynē Gott habt yhr  
Ewer netze/Ewr eygen gewalt ist ewer gott/ wilche yhr  
doch nicht habt denn vō vnserm Gott. Er schilt aber da  
neben auch die lesterunge / das sie nicht Gott die ehre ge  
ben/vnd verklagt sie für Gott / vmb solcher grosser vn  
danckbarkeyt vnd verkerten lesterlichen gözen dienst/als  
sollt er sagen/Das ist die frucht/ das du sie nicht straffest  
vnd lesst sie so gluck haben/das sie nicht alleine die men  
schen vnterdrucken/sondern auch dich selbs antasten/ vñ  
deyne ehre yhrem netze der gewalt/die sie von dir haben/  
geben/Das macht/das sein teyl so fett dauon worden ist  
vñnd seyne speyse so vōllig/Das ist/mit solcher gewalt/

hat er so gros gut vñ Königreiche vberkomen vñ ist wol  
gemest. Aber wol gemest sein macht abgötterey/wie Mo  
se spricht ynn seinem gesang. Er ist fett vñnd dick vñnd  
völlig worden/drumb ist er widderpensig worden. Die  
zween Gotts dienst/ Opffern vñnd reuchern/sind ynn der  
schrifft fast gemein/vñnd komē aus dem gesetz Mōsi. Ob  
aber die Babylonier die zween auch gehabt haben/ odder  
ob der prophet durch diese namen / ihener gotts dienst  
habe wollen deuten / las ich ein iglichem ynn sein gut  
dunckel bleiben/ Es ligt nichts dran.

**Der halbē wirfft er sein netze noch ymer  
aus vñnd wil nymmer auff hören leute zur  
würgen.**

The mehr des gelds wird / the grösser der geitz wird/  
das man den mit gut nymmer mehr kan settigen / sondern  
nur weyter macht/ Also stehen auch alle andere menschl  
che böse lüste. The grösser ehre einer hat/the mehr er hat  
ben wil / The mehr lands vñnd gewalt / the mehr begirde  
die selbigen zu mehren / So schreyben die Heyden vom  
grossen Alexandro / das er nicht gesettiget war an einer  
gantzen welt/ Den da er höret von ein philosopho/ das  
viel mehr/denn eine welt were / seuffzet er vñnd sprach/  
Vñnd ich habe noch nicht eine gewonnen. Also schilt hie  
Zabacue den vnsettigen geitz des Königes zu Babylon/  
das er yhm nicht benügen lest / sondern weil sein teil so  
fett ist/wirfft er sein netze noch ymer aus/mehr land vñnd  
leute zugewinnen / Vñnd heist es leute erwürgen / Denn  
land vñnd leute gewinnen / gehet nicht anders zu / man  
würget leute drüber / Aber da fraget der mörderische geitz  
nicht nach/das er nur reich vñnd fett sey / Vñnd hie sibestu  
selbst/das durchs netze / sein gewalt zuuerstehen sey / das  
durch er die leute würget vñnd yhr gut zu sich zucht.

## **Das ander Capitel.**

**Sie stehe**



Hie stehe ich auff meiner hut / vnd trete  
auff die feste / Vnd schawe vnd sehe zu /  
was mir gesagt werde / vnd was ich ant  
worten solle dem der mich schilt.

Hie kompt es vnnnd gehet recht an/danon ich droben  
gesagt habe/das der prophet nicht alleine fur sich selbs  
ym kampfsglauben stehet wider der Babylontier glück/  
sondern mus auch fechten vnd kempffen/wider den vn  
glauben seines volcks denen er predigt / vnnnd sie trösten  
vnd stercken / Darumb ehe denn er widder die Babylont  
ier weyssagt vnd yhr vnglück verkündigt/mus er zuuor  
sich mit sein vngleubigen volck zu schelten / auff das er  
sie doch behalte ynn der predigt das sie yhm zu horen/  
Gleich als wenn izt ein prediger von eym künfftigē oder  
gegenwertigen vbel predigt/vnnnd das volck begünstet zu  
verzweyffeln vnd lauffen/als were keine hoffnung mehr  
da / Der müste warlich keck sein vnnnd sein ampt preisen/  
vermanen/das sie sünden/vnd vollend zu hören / wie  
es solte hinaus gehen / vnd wie Gott solchen freuel wid  
derumb straffen vnd sie erlösen wurde. Also mus hie Ha  
bacuc auch thun/vmb der willē / so die zukunfft der Ba  
bylonischen tyranny/danon er gered hat/erleben vñ er  
faren müsten / das sie nicht verzagen / als were darumb  
alle hoffnung aus/Denn dem volck war von Gott ver  
heissen/das Christus solt komen vñ zu Jerusalem ein her  
lich künigreich anfahē/des waren sie nu beredet vñ war  
teten desselbigen/Darumb sie auch meineten/Jerusalem  
müste bleiben fur aller welt/vñ sie ym lande auch bleibē/  
also das sie der weyssagüg Habacuc vñ der Babylontier  
zukunfft nicht gleuben kundtē/Da sie aber kamē vñ erfu  
ren des prophetē weyssagüg mit der that/gleubtē sie des  
allzu seer/also auch/das sie an dē zukunfftigē reich Christi  
nu auch verzagen/weil es nicht kam/da Jerusalem stund/  
D iij vnd sie

vnd sie ym lande wonetē/ Da werden diese vnd der gley-  
chen wort ym gemeynen geschrey gegangen sein/ Ja wo  
sind nu die propheten/ so vmb Christiū haben verheiß-  
sen? wie seyn haben sie vns genarret? Ja glenbe nu wer  
do wil/das er kome/ Wie solt er komen? Jerusalem ligt  
ynn der asschen/vnnd wir sind weg gefurt ynn frembde  
lāde/Pfu euch prophetē alle auff eynē hauffen/yhr seyd  
doch nichts den lauter buben/die land vnd leute vñ furen.

Also thut vernunfft/ wenn Gott seyn wort auff an-  
dere weyse erfüllet/denn sie yhr hatte furgebildet/Denn  
sie wil ia ymer Gorte/mas/zeit vnd weyse stymmen/wie  
er seyn gelübde halte/odder wil nicht mehr glauben/So  
kan Got nicht anders thun/denn das er seyn wort wun-  
derlich/vnd viel anders erfülle den wir gedencen. Also  
gehets denn / das man Gott zu keyner zeit glauben wil!  
Drewet er/so hindert vns das gegenwertig glück/vnnd  
wir das künfftig vnglück noch nicht fūlen/ das wir seyn  
nem drewen nicht glauben/ Verheißt er gnade so hindert  
vns da gegenwertig vnglück/vnd das wir die künfftige  
gnade noch nicht fūlen/ das wir seynem verheissen auch  
nicht glauben/Da gewinnen den die propheten aller erst  
zu schaffen/mit dem zaghafftigem vngleubigem volck.  
Den wie kundte Gott Christus verheissen reich herrlich-  
cher vnd wunderlicher anfahren/ den das er Jerusalem/  
da es seyn solte verstorē lies durch gotlose verechter/ vnd  
setne feynde vnnd seyn eygen volck lies weg fūren? Wie  
kundten sie glauben/das Jerusalem zu gleych ynn der as-  
schen lege vnd zu gleych dennoch das herlichst kōnigreich  
solt werden? Vernunfft müste hie sincken vnd verzwey-  
feln/ Vnnd wer bleyben solte / der müste vber alle synn  
vnnd vernunfft/alleyne ynn Gots wort schweben vnnd  
hangen/ das er ein newe Jerusalem sehe/ das doch noch  
nyrgen zu sehen war/vnd gantz eyn vsichtbar Jerusa-  
lem fur gewis haben/als stund es da/da das sichtbar ynn  
der asschen lag fur seynen augen. Des gleychen findestu  
ein

ein schon exempel eben von dieser sachen Jere xxxij. da  
sich der prophet hoch verwundert/wie es Got so müg-  
lich sey/ das zu gleych Jerusalem solte wüste seyn/ vnnd  
doch widder auffgericht werden/das man dnynnen keuf-  
fe vnnd handele. Lies dasselbige capitel/ denn es dienet  
hie her/wie die rechte glose.

Den also thut hie Zabacuc auch/das er die verstö-  
runge verkündigt/vnnd doch widderumb verheyst/ Es  
sollen alle propheceyen von Christo erfüllet werden/wid-  
der vnd vber alle synn vnd vernunft. Darumb spricht  
er nu/ Hie stehe ich auff meynen hut/vnnd trete auff die  
die festunge/ Er stellet sich wie eyn kriegs man/ der auff  
eine warte tritt/sich zu weren/Wem gilt aber solchs war-  
ten vnd hüten? Widder wen streyt er? Widder den vn-  
glauben vnd vngedult des volcks/als solt er sagen/ Ihr  
murret vnd seyt vngedultig vnd macht viel andere auch  
ungleubig/das sie mir vnd alle propheten nicht glauben/  
sondern verzweyffeln an dem verheyssten Christo/Wolā  
ich wil drum nicht ablassen/ sondern mich rüsten vnnd  
widder euch setzen/vnnd nu deste mehr predigen/ ob sich  
doch etliche möchten ym glauben erhalte. Darumb siehe  
ich als eyner der auff der festen warte vñ hut stehet vnd  
sichtet/so hüte vnd fechte ich auch starck vnd feste fur die  
schwachen ym glauben/ widder euch ungleubigen vñ ver-  
sagten/Vñ stehe also/das ihr mich nicht solt umbstossen/  
Denn ich stehe auff der feste/das ist/ich habe Gots wort  
fur mich/darauff ich mich wisse vñ glaube/ darumb ich  
auch rede vnd predige den andern. Solchs ist/als ich ge-  
sagt habe/hoch vñ nōtē/wen das volck zaget/das d̄ pro-  
phet ia feste stehe auff sein wort/feste anhalte/mit weiche  
noch wancken / widder vmb des vnglücks willenn/ noch  
vmb des vnglaubens/ murrens/ lesters willens ym  
volck/Denn wo der wancket vnnd weicht der das wort  
vnd trost führen vnnd halten sol/ so gehets gar dahin so-  
ligt das panier/vnd ist d̄ wechter tod/Wo er aber steht so  
bleibē

bleyben doch etliche an yhmhangē vnd sehen auff yhn.

Ich schawe (spricht er) was mir gesagt werde/vnnd was ich antworten solle dem der mich schilt/das ist/ Ich warte der püffe von den vnglaubigen vnd lesterern/wie ich solle den selbigen antworten/die dar verkeren vnnd abschrecken die schwachen/vnd schlechten mich vnnd alle Propheten/als seyen wir lügner/weil Gotts wort vnnd werck anders gehet/denn sie gedachten/Denn wo ich mit yhn antwortet vnd widder sie prediget/sondern schwiege stille vnnd lydde yhr schelten/solten sie mir das volck gantz vn̄ gar von Gotts wort wenden/das keyner mehr auff Christus funfftig reych harrete/sondern alle dran verzweyffelten. Darumb wil ich meyns ampts/ste. ff warten vnd hüten/wen ich behüten kan. vnd hie sihestu/das den Propheten alles zuthun gewesen ist/das sie das volck ym glauben hielten auff den funfftigen Christum/vnnd haben sie also mit dem wort an Christum gehenget/das sie an yhn glaubten/so wol als wir itzt an yhm hengen vnnd glauben. Derhalben auch der Prophet das schelten vnnd lestern nicht leyden will/so wir doch gerne sollen schmach vnd lesterunge leyden vmb Gots willen. Denn wo es vnns angehet/sollen wir es leyden/Aber wo es die lere antrifft/die sol man vorantworten vnd entschuldigen wie Christus thet/Johannis. viij. vnd fur dem prierster Hannas. Denn wer die lere vnnd das wort ym lestern lest stecken/so er kan werē/der hilfft darzu/das die schwachen gestörtzt werden zum vnglauben. Darumb mus es ymer auff der hut gestandenn sein/geleert/vermanet/gestrafft/gepredigt vnd getrieben vmb der auferwelten willen zu erhalten/wilche aber nicht glauben / das man die faren lasse nach zwo odder drey vermanungen/wie. S. Paulus leret Tit. iij.

Das stück (was mir gesagt werde) möchte villeicht also zuuerstehen sein / Ich wil schawen/was Got mir sagen werde/weyl es ym Ebreischen lauter/ Was man vn̄ mit

mit

mir sagen wird / das also dis teil / von gots wort vnd das  
ander hernach / vñ der lesterer wort zuuerstehen were. A  
ber mich dunckt / es sey beydes von den lesterern zuuersteh  
hen / wilche ynn Zabacuc reden vnd schelten / das ist / re  
den widder yhn vnd ynn sein wort / vñ lügenstraffens /  
wie auch Zacharie. iij. stehet / Der herr schelte yñ dich Sa  
tan / das ist / der herr wölte direin reden / dir yñ dein fur  
nemen greyffen vnd dir weren / Den weil Zabacuc auff  
der hut vñ feste stehet / hat er schon bereit Gots wort  
darauff er stehet / Vnd weiler sich vñ schawet /  
was man yhm eynrede / ist gut zumercken / das solch  
schawen vnd zusehen auff menschen gericht ist die wid  
der yhn reden / vñ darumb stehet vñ schawet / das er  
die schwachen tröste vnd erhalte widder die einteder vñ  
schelter / So folget auch hernach das wort Gots / das er  
beyde den schwachē vñ scheltern sol furhaltē vñ spricht.

**Der HERR** aber antwortet mir vnd  
sprach / Schreybe das gesicht / vñ  
streychs aus auff eyne tafel / das es les  
sen künde / wer fur vber leufft.

Er füret des Herrn namen eyn / seyne schelter zu  
schrecken vnd die schwachen deste bas zu stercken / als das  
nicht er selbs sondern Gott solchs sage / vñ befelch zu  
thun. Sie ist zu mercken / weil es ynn götlichen sachen al  
zeyt so hoch vñ wunderlich zu gehet / das eyn mensch  
mus alle synn vñ vernunft faren lassen / vñ alleyn  
am blossen wort Gots hangen / sonst ist eitel narnwerg  
vñ thorheit / was Gott furnympt. i. Cor. ii. so pflegt  
Gott neben dem wort auch eyn eusserlich geberde odder  
zeychen zu thun / gleych als man ein siegel an einē brieff  
hanget / denn glauben zu stercken / Also musste Jeremias  
eine hülzene fettē am halse tragē neben dem wort / da er

D v.

verfun

verkündigte d; gefengnis aller lande/so der König zu Ba-  
bylon vben wurde Jere.xxviij. Vnd Isaiā muste nacket  
gehen/da er verkündigt/wie Egypten land solte beraubt  
werden. Item Jeremias.xxxij. muste einen acker von sein  
freunde kuffen/neben dem wort / da er verkündigt/das  
Jerusalem solte widder gebawet werden/ Vnd so fort an  
an viel mehr orten / das auch ym newen testament neben  
dem Euangelio / die tauffe vnd sacrament als eusserliche  
zeichen eingesetzt sind. Also thut hie Zabacuc auch aus  
göttlichem befehl/neben dem wort/da er verkündigt die  
zukunfft des verheissen Christi vñ seines reichs / vnd das  
Jerusalem widder solle gebawet werden / thut er das  
eusserliche zeichen odder geberde hinzu/ Das er eine tafel  
nympt/vnd schreibt drauff/mit deutlichen groben buch-  
staben/eben die selbigen wort/wie die weissagungen von  
Christo sollen gewis sein vnd komen/vngehindert durch  
den König zu Babylon/ob er gleich Jerusalem zu aschen  
mache vnd das volck weg fure aus dem lande. Diese taf-  
fel hat müssen hengen an einem öffentlichen ort / als an  
tempel oder auff dem marckt/das sie yederman hat kon-  
nen sehen vnd lesen / Vnd hat also damit/den scheltern  
das maul gestopfft/vnd die schwachen ym glauben be-  
halten / so viel es muglich ist gewesen.

Das ist nu das er sagt / Schreib das gesicht vnd strei-  
chs aus auff eine tafel / Was fur ein gesicht? Nicht die  
Zabacuc gesehen hat / sondern aller Propheten die von  
Christo geweissagt haben / Denn ym der Ebreischen  
sprache heissen die weissagung/gesichte/vnd die Prophe-  
ten Seher odder Schawer/wie das.1.Reg.v. Elerlich der  
text weist. Also spricht auch Gabriel / Daniel. ix. das ers-  
fullet werde das gesicht vnd weissagung / als solt er sa-  
gen/aller Propheten gesicht vnd weissagunge gehen auff  
Christum/Drumb wenn der kompt / so wird das gesicht  
erfullet. Daraus merckt man wol/das ym gemeinē volck/  
alle weissagung von Christo / mit ein gemeinem-namen  
haben

haben Gesicht geheissen. So ist's nu so viel gesagt / das  
Habacuc hie redet / Nym eine tafel vnnnd schreibe drauff  
das gesicht / das ist / schreibe eine schrifft drauff von der  
weissagung die auff Christo geht / was von der selbigen  
zuhalten sey / weil die Juden so sagen vnd meinen / es sey  
gantz aus. Denn Habacuc hat nicht das gesicht / das ist /  
alle weissagunge aller Propheten / die von Christo geredt  
haben / mügen drauff schreyben / es muste sonst gar eine  
grosse tafel gewesen sein / sonderlich weil ers so grob sol  
schreiben / das einer ym lauff lesen konde / Sondern das  
heist er das gesicht schreiben / das etwas geschriben wird /  
was dauon zuhalten sey / nemlich die wort / die da folgen  
werden / Vnd das ers austreichen odder auslegen solle /  
ist nichts anders / den das er deutlich / klar vñ grob schrei-  
ben solle / vnd so grob vnnnd klar / das man nicht dafur  
müsse stehen vnd gucken / vnd die buchstaben zelen vñ zu-  
samen lesen / wie geschicht ynn kleiner odder kurtz ver-  
tüttelter schrifft / sondern das ganze grosse buchstaben  
seien / das mans gewis / als ynn einem blick sehen vnd les-  
sen konne / vnd gleich ym lauff alles fasse / doch nicht seer  
lauffe / sondern / das er die buchstaben ym lauff dennoch  
kennen müge / Denn es möcht einer so seer lauffen / er  
kunds nicht lesen / wens gleich buchstaben weren wie /  
die pfeyle ynn den kirchen.

Es ist dem propheten alles zuthun darumb / das es  
gewis gesehen vnd gelesen müge werden. Das wil er mit  
dem wort / vnd streichs aus / das ist / machs klar / grob /  
deudlich vnd kendlich gnug / Damit er wil anzeigen / das  
gleich wie diese tafel kendlich / gewis vnd deudlich gelesen  
vnd gesehen wird / als die auch einem / der fur vber raus-  
scht / kendlich ist / also solle das auch gewis sein / das Chri-  
stus komen werde / wie der propheten gesicht vnnnd wort  
von yhm halten vñ sagen / auff das sie ia nicht zu fast er-  
schrecken fur der verstorung Jerusalem vnnnd yhem ge-  
fengnis / das sie vom könige zu Babylonien leiden.

Nemlich

Nemlich also / Das gesicht wird ko men  
zu seiner zeit / vnd wird endlich frey hā deln  
vnd wird nit aussen bleyben / Obs aber ver  
zöge / so harre sein / Es wirdt gewisslich ko  
men vnd nicht lange machen / Wer aber da  
widder strebt / Des seele wird nichts gelin  
gen / Denn der gerechte lebt seines glaubēs.

Dis ist der text der auff der taffel grob vñ klar geschrie  
ben gewesen ist / Den das ist / das er vō dem gesicht schrey  
ben solt. Vnd wir sehen / das seine trostwort vñ verheys  
sung sind für die schwachē / vō der zukunfftigē erfüllung  
aller propheceyen yn Christo. Damit ist nu auffgehalten  
der glaub an Christū / der do kōmen solt / vñ ist verwaret  
das mā Gott nicht lügenstraffe yn seinen Propheten / als  
sey seine verheysung falsch. Den ob wol Jerusale versto  
ret / vñ das volck weg gefüret ward / so bleib doch das Ju  
dische kōnigreich yn wort Gotts verfasst / vñnd waren  
Prophetē da / die das volck hieltē vñ vermaneten / eyne be  
stimppte zeit solche straffe zu leyden / wilchs izt den Juden  
nicht geschehen ist ynn der letzte verstörūge Jerusalem /  
durch dy Römer geschehen / da sie auch weg getriebē sind  
Aber da ist kein prophet d sie tröste vñ auffhalte bis auf  
eine bestimppte zeit / solche straffe zu leyde / Es ist auch ihr  
kōnigreich mit yns wort gefasset / sondern allerdinge ver  
lassen / beyde von propheceyen vñ kōniglichen personen /  
wilchs ynn der Babylonischen verstörūg nicht geschach.

So sagt er nu / Die weysagunge odder gesichte vom  
zukunfftigē Christo vñ seym reich / sind nicht aus / ob wie  
gleich izt zerstōret werden eyne zeitlang / Sondern stehet  
vnd hellt noch feste / wie die prophetē dauon geredt habē  
Sie hat aber yhre bestimppte zeit / die niemand weys / vnd  
Gott befolhen ist / Vñ wenn sie nu kōmpt zu yhrer zeit /  
wird sie



wird sie frey handeln vnd nicht feylen odder liegen. Des  
ym Ebreyschen lauts also/sie wird frey handeln vñ nicht  
liegen/wilchs ich hab verdeudschet/Sie wird nicht aussen  
bleyben. Denn das will er auch da er sagt/Sie solle nicht  
liegen odder feylen. Vñ das frey handeln meynet er nicht  
anders/ den wie der eylffte psalm desselbigen worts auch  
braucht/vnd spricht/Ich will ein heyl auffrichten/das sol  
frey dynnen handeln/wilchs alles sountel ist gesagt / Die  
weyffagunge von Christo / wenn sie nu erfüllet werden/  
so wird frey gehen vnd erauß brechen/das itz verborgen  
ligt/ das man ynn aller welt danon predigen vnd sagen  
wird/also das auch niemand hindern kñ/wen sich gleych  
die pforten der hellē da widder setzten/Den das ist dy art  
dieses Ebreyschen worts/ Frey handeln/das es heyst/frey  
offinbar erauß faren mit reden/vnd getrost vnd fechtlich  
von eym ding sagen/niemāds angesehen/wie Lucas schre  
ybt von paulo/Apollo vnd andern/das sie freydiglich  
handelten/vnd frey erauß redten von **CHRISTO**.

Darnach vermanet Habacuc die schwachē/so dise ver  
heissunge schwerlich glauben/Ja mochten sie sagen/Ich  
höre wol/es sol komen zu seiner zeit. Wen wird aber die  
zeit komē? Es wird zumal lāck/man zeucht vns ymer auf  
vnd sagt vns wie Isais spricht.xxviij. Harre doch/harre  
aber mal/Hie ein wenig/vñ den aber ein wenig/Hie heist  
man/da heist mā abermal/Wen wirds den ein mal? Ich  
sehe wol/ wenn wir viel hören vnd harren/so gehen wir  
zu letzt vnter/ vnd werden verstorēt. Auff solche vnd der  
gleychen wort / der alle Propheten viel müssen hören vñ  
den vngleubigen odder schwachglaubigen/antwortet nu  
Habacuc vnd spricht/ Wolan/obs ein wenig verzöge/so  
harre seyn/Es wird gewislich komen vnd sich nicht seu  
men odder lang machen. Weyter vber solche verheysfun  
ge vñ vermanūge/dreuet er auch/auff das er allwege su  
che/sie ym glaubē auffzurichtē vñ zu erhaltē. Den mā mit  
mehr weyse findē kan/den glaubē zu sterckē/denn die drey  
stücke

stück auf dieser tafel geschriebē/ als/ verheissen/ vermanē  
vñ diewen. Wenn das nicht helfen will/ so k̄n nichts helf  
fen/ Das diewē aber ist das letzte nach guter ordnūg/ vñd  
das verheissen das erste/ Denn wenn mā guts verheist/ vñ  
darnach flehet vñd vermanet/ mus mā darnach lassen ge  
hen/ wer nicht bleybē will/ vñ das diewen zur letze geben/  
wie mā spricht zu den vngehorsamen/ Wolan farhin/ du  
wirsts wol findē/ Vñ das ist eine rechte göttliche natürli  
che art zu leren/ Denn diese drey stück helt auch Christus  
vñd die Apostel/ wie auch Moses vñd alle Propheten.

Die diew wort aber sindt diese / Wer aber da widder  
strebt/ des seele wird nichts gelingē/ Das Ebreysche wort  
Vphla/ wilchs sie auff latinsch contentio et pertinacia nē  
nen/ heysen wir/ das widderstreben / wie die halstarrigen  
sich widder Gottes wort setzen vñd lassen yhn schlechts  
nicht sagen/ Welche S. Paulus Rom. ij. zencfische nēnet/  
da er spricht/ Die da zencfisch sind vñd gehorchen d̄ war  
heyt nicht/ gehorchenn aber dem vnrecht ic. Mit welchen  
worten er vns eben die anzeygt/ die Habacuc hie mit dem  
wort Vphla/ meynt/ ymer finden sie etwas/ das sie wid  
Gots wort reden/ damit sie ia nicht glauben müssen/ Ein  
verdneßlich volck/ das widder nach verheissen/ nach ver  
manen/ nach diewen fragt. Zu was sie auch dran gewin  
nen/ schweygt Habacuc nicht vñd spricht/ Des seele wird  
nichts gelingen. So diewet Isaiā yhn auch/ Gleybt yhe  
nicht/ so kund ihr nicht bleybē/ Vñd Mose an viel ortten  
spricht/ das sie kein glück sollen haben/ wo sie Got nicht  
gehorsam sein würden/ als denn auch geschach vñd ymer  
geschicht/ Vñd Christus selbs spricht/ Wer nicht gleybt  
der ist verdampft/ Den wie kans dem wolgehen/ der wid  
der Gott sicht/ vñd helt Gott nicht für trew vñd warhaff  
tig? Er verdampft Gott/ so verdompt yhn Got widder/  
Vñ obs yhm'eyne kurtze zeyt wol gienge/ so istis nur seyn  
grosser schade vñd erger verdammis.

Zu letzt beschleusst Habacuc dise schrifft auff der tafel  
mit eym

mit eym meyster spruch/ Den der gerechte lebt seines glaubens/ Das ist/ sol yemad gerecht sein vñ leben/ so muß er glauben Gottes verheissunge/ Da wird nicht anders aus/ Widderumb der gottlose stirbt seines vnglaubens/ Also auch hie/ wolt yhr bleiben vnd erhalten werden / so müst yhr glauben dieser schrift auff der tafel/ das Christus kommen werde mit seinem reich/ vnd euch nicht yren lassen das euch eufferlich das ding viel anders ansihet / weil yr verstorret werdet / Denn das ist die art göttlichs worts/ das es höher vnd widder synnisch ding fur helt / denn alle synn vnd vernunft begreiffen / vnd alle erfahrung fulen / Ihr sehet vnd fulet verstörung ewrs reichs/ drum must yhr durch den glaubē vber das fulen farē/ vñ gewis sein auch mitten ynn der verstörung / das ewr reich kommen vñ herlich auffgerichtet werde. Sie sehē wie die Propheten den glauben auff Christum gepredigt vñ getrieben habē/ so wol als wir ym neuen testament/ Vnd das Habacuc so künne ist/ vñ thar alle andere werck verdammē/ vñ alleine dem glauben das leben zu schreibē/ Den er saget dürre eraus/ Es sol dem vngleubigē nichts gelingen. Las yhn nu beten vnd sich zu tod wirckē oder erbeiten / so sind seine werck schon verurteylt / das sie nichts gelten noch tügen/ sollen yhn auch nichts helffen/ Vnd der gleubige sol on werck/ seins glaubens leben.

S. Paulus furet diesen spruch zu Rome. ij. vñ recht wol/ Den es ist ein gemeiner spruch/ vñ allen Gottes worten/ das man dē selbigē mus glaubē/ es werde am anfang mittel oder ende der welt geredt/ wie die Epistel zu Ebrern. xi. viel exēpel des glaubens von anfang der welt her zelet/ vñ doch auff alle zu gleich/ auch diesen spruch furet. Habacuc zeucht yhn an/ zu glaubē dē schrift auff dē tafel/ Paulus zeucht yhn an / zu glaubē dē Euangelio / Mose Gen. xv. mit andern wortē/ sagt ebē dasselbige/ da er spricht/ Abraham gleubte Got / vñ das ward yhm zur gerechtigkeit gerechnet/ Was ist das anders gesagt/ denn Abraham  
ham

hamlebete seynes glaubens als ein gerechter? Das sage ich  
vmb der Judischen eynrede willen/der sich erliche vleys-  
sigen/wöllen klug seyn/vnd vrtyle Paulū/als hab er. Za-  
bacuc vnrecht vnd bey den haren mit gewalt eingefurt/  
weyl Zacuc von seyner taffel vnd nicht vom Euāge-  
lio redet/wiewol diese taffel auch vom Euangelio redet/  
aber zukunfftigem/Paulus aber nicht von der taffel/son-  
dern vom gegenwertigen Euangelio redet / Es ist aber  
dennoch einerley Euangelion/das da zukunfftig war/vñ  
nu komen ist/gleich wie eynerley Christus/gestern/heute  
vñ ewiglich. Ebre. xij. on dz er auff and weyse verkündigt  
wird/für vñ nach seiner zukunfft/ da ligt aber nichts an/  
Es ist gleichwol einerley glaub vñ geist/d an ihn gleubt

Aber das ist noch klüger ding/da sie geysfern/S. Pau-  
lus habe Zacuc nicht recht verdolmedscht/ Denn sy ge-  
ben für/Zacuc rede nicht vom glauben/sondern von  
warheyt/weyl er spricht/Der gerecht lebt seyner Emuna  
Emuna aber heyst warheyt/Tu sey warheyt vnd glaub  
nicht ein ding/Sie antworthe ich/Es ist war/vff Ebreisch  
lauten die zwey wort Emeth vnd Emuna seer gleich/ko-  
men auch beyde von eynem stam heer/der heyst/ Amen/  
Darüb weyl Emeth warheyt ist/sol Emuna auch war-  
heyt heysen/wie es die Friechische vñ latinsche Bibel aus  
dem Ebreischen verdolmedscht / Aber es ist nicht recht/  
Paulus hats anders vñnd recht verdolmedscht/ Emuna  
glaube/Denn laß gleich sein/das Emuna ym Ebreischē  
auch warheyt heysse (wilchs sie nicht werden beweysen)  
so zwingt der schrift gemeyner brauch allenthalben/das  
Emeth heyst also warheyt/ wie ein frum man warhaff-  
tig vñnd trew ist vnd hellt was er geredt/Aber Emuna  
heyst die warheyt/die eyner ym seym heitzen hatt/vñnd  
hanget damit an des andern warheyt vnd trew/ Daher  
Emunim/heysen die da trawē vñ glaubē/odder sich ver-  
lassen vnd hangen an eins andern warheyt/Psalm. xxxj.  
Der Herr behüt die Emunim/das ist die ihm trawen. vñ  
glaubē

glauben. Tu laß geschehen/wer so zentisch wil sein/das  
er den synn ym hertzen der eym andern als trewen vnn  
warhafftigen/anhanget/vnd auff yhn sich verlest/nenne  
warheyt odder wie er will. Paulus vnd wir wissen solchē  
mit nicht anders zu nennē den glauben/ Vnd die solchen  
mit haben sindt gleubige/ Den da durch werden sie auch  
warhafftig/das ist/rechtschaffene/trewe/frume leute/Al  
so heyst Got etwa yn der schrifft/Deus Emeth/als psal.  
xxx. Etwa Deus Emuna/als Den. xxxij. Den es ist beides  
sein/beide seine warheit vñ vnser glaub/dauō aber gnug

### Das dritte Capittel.

Aber der wein betreugt eynen stolzē man /  
das er nicht bleyben kan/ Wilcher seyne see  
le auffsperrret/wie die helle / Vñ ist gerade  
wie der tod/ der nicht zu settigen ist/ Son  
dern rafft zu sich alle Heyden/ vnn samlet  
zu sich alle völk̄er.

Im ersten Capitel hat der prophet dem volck̄ Israel  
gedrewet/vnd die verstorung verkündigt vñ seer geklagt  
vber den verstorer den k̄nig zu Babylonien/ Im andern  
hat er sie widder getröstet / durch wort vñ eusserlich zey  
chen/mit der zuküfft Christi vnd seyns reichs/ In dem  
dritten Capitel drewet er nu dem k̄nige zu Babylon vñ  
seym reych mit vielen wortē vnd sprüchen/ Vnd das auch  
alles darumb/das die Jude solle nicht verzagen/als wür  
de yhr gefengnis ewiglich bleiben/sondern getröstet wer  
den/das yhr feynd sol widder verstorret/vnn sie erlöset/  
vnd viel herlicher werden/wie er sie den auch ym vierden  
Capitel trösten wird mit anzeygen der v̄origen Gots wū  
derthat/Denn wie gesagt ist/ Es ist des/vnd aller ander  
Propheten fürnemeste meynunge/ das volck̄ zu tröste vñ  
E zu erk

zu erhaltē ym glaubē vñ hoffnūg auf dē zukünftige Chri-  
stū/das sie nicht an ihm verzagē sollē/weil es so vbel mit  
ihn steht vñ geht/vñ aller dinge scheynet/als sey es vblorn  
vñ werde nichts draus. Gleich wie die Apostel vns Chri-  
stē auch tröstē/das wir vnter dē creutz dēnoch hoffen ym  
festem glaubē/eines ewigen lebens vnd reichs ym himel.

Droben vergleicht er den kōnig zu Babylō ein fischer  
der alles zu sich rafft/frisst vñ verschlinget. Sie v̄gleichet  
er ihn eym seuffer/der sich vol seufft/dz er speyē mus/vñ  
wil also sagen. Gleich wie d̄ wein zum ersten so glat vnd  
süsse eyngiht/sonderlich wenn der trūckenbold trozig ist  
vñ seins sauffens/als ein bierheldt oder weinritter wil ge-  
gerhūmet sein/So leßt sich der wein getrost sauffen/vñ d̄  
seuffer will dē preys erlagē mit sauffen/Aber zuletzt wirt  
d̄ gesoffen wein/herz ym kopff/vñ wirfft den sauffritter  
vnter die bāck/das er ein sawtuch wird/Speyet vñ vnfla-  
tet daher das haus vñ hoff stinket/Da ligt den̄ der stoizer  
man vñ feiner helt/als ein stum/ onuernūfftig thier/wie  
eine saw ligen solt/dz nichts mehr mēschlichs an ihm ist/  
den̄ das außserliche ansehen/Vnd das ist den̄ schentlich zu  
sehen vñ zu hören/so viel mehr/so viel redlicher der man  
sein solte. Also hat ihn der wein betrogē/das ist/wy es im  
Ebreischē laut/Er hat ihn also zu schandē gemacht/das  
er veracht ist/vnd niemād nichts von yhm helt/also/das  
sich auch ein kind nicht für ihm furcht/ Ja auch die sew  
nicht/die doch seine gorgelsuppen vmb ihn her fressen/  
Den̄ was solt ein voller mensch thun? Er k̄ wider redē  
noch schaffē/als der aller vernunfft/syn̄/sprachen/witz/  
vñ krefft beraubt ist/da ligt er/als ein klotz/wen̄ er gleich  
suuor d̄ grausam Hector oder Achilles were/so ist er doch  
als den̄ der kinder spot vñ gefang/die mit finger auff ihn  
weyßen/lachen vñ effen ihn mit spotworten/wie sie wöl-  
len. Also haben auch die Latinschen weyßen geschriebē/  
Das ein truncken mensch widder lebendig noch todt sey.  
Also

Also auch der König zu Babylon ist ein grosser stolzer  
seuffer / nicht der da wein sauffe / sondern wie Habacuc  
selbs sich auslegt / das er seinen rachen weit auff sperret  
wie die helle / vnd ist nicht zu fertigen gleich wie der tod /  
rafft / seufft vñ verschlinget alle land vnd leute / Zu wol  
an / der wein geht susse ein / Den es thut saufft vñ wol / so  
grosse land vnd leute vnter sich werffen / vnd so mechtig  
werden / das ist / so vol vñ truncken werden / Aber zu letzt  
gehet es schendlich zu / weñ er sie mus alle widder speyen  
vñ los geben / das er gar zu nicht wird / vñ kein Königreich  
land / leute noch stad behelt / wie den dem König zu Ba-  
bylon geschach / da er durch die Persen verstorret ward /  
Da giengs / das hie Habacuc schreibt / das er wider speyē  
musste mit allen schandē / alles was er gesoffen hatte. Den  
alle land vnd leute musste er verlieren vnd er auch zu ni-  
chte werden / Das heist denn / Der wein betreugt odder  
macht zu schanden den stolzen man das er nicht bleiben  
kan / Den das wort (betreugt) ist eben das / danon wir dro-  
ben gesagt haben cap. i. Boged oder Woged / Weñ einer  
so gar zu nicht oder veracht wird das man gleich gewis  
ist / er sey vnd gelte nichts. Item da er spricht / Das er  
nicht bleiben kan / heist / das er kein haus behelt noch wo-  
nunge / als der aus sein Königreiche vertrieben wird.

Wir Deudschen haben ein spruchwort / wilchs diesem  
spruch Habacuc fast gleich ist / weñ wir sagen / Ein trun-  
cken haus speyet den wirt aus. Wenn wir / wie Habacuc  
thut / solchs auch nu zögen vñ deuteten auff eynē tyrannē  
der die leute so schindet vñ schabet / wie izt etliche bisscho-  
ue vñ fursten thun / so möchten wir auch sagen / Awe /  
Er seufft zu seer vñ macht sich zu vol / Das trunckēhaus  
wird den wirt aus speyen / Das ist / er raubt vñ drückt so  
hart / das er veracht wird / vnd zu letzt auch mus zu grund  
gehen / Ja nicht alleine veracht wird er / sondern feind-  
selig / dem niemand hold / vñ yderman feind wird / Solch  
reich aber / das mit furcht vnd gewalt durch feindselige  
tyrannen

Tyrannen erhalten wird / vnd nicht auch mit liebe vnd  
gonst der vnterthanē / das kan nicht bestehen / wie das zeu  
gen alle geschichte vnd beweysen teglich alle erfarnge.  
Vnd bestehet Zabacuc mit seym spruch / das der wein die  
stolzen Tyrannen veracht vnd zu schanden macht / weñ  
sie zu seer vnd so gar vol sich sauffen mit der land vñ leu  
te gutt / Denn seine nachbarn konnen seyne macht mit ley  
den / weyl sie furchtē / sie möcht zu gros auch ober sie wer  
den. Drumb stecken sie die köpffe zusammen vnd setzē sich  
widder yhn / Denn ist seyne macht aus / weyl er sein eigen  
volck / land vnd leute widder sich hat / das sie ihm feynd  
sind / wundschen sie andere herren / da verlassen sich denn  
auff seyne feinde / also ist er außwendig vnd ynwēdig vn  
werd / vñ mus den ausspeyē was er gefoffen hat / Eben so  
giengs dem kōnige zu Babylō / das sich beyde die Meder  
vñ Perfer widder yhn legten / als seine nachbarn vñ ver  
stōreten ihn / wilchs gerne sahen viel seiner land vñ leute.

Sihe aber zu / wie gar mit scharffen bittern wortē der  
Prophet des koniges Tyranny schilt / zu erst / Er nennet  
yhn eynen stolzen man / Denn so sind auch die Tyrannē  
faren mit gewalt so stolz / das der gemein man mus ihn  
feind werden / weil sie nicht allein schinden vnd drucken /  
sondern dazu noch stolz vnd hohmutiglich faren mit dē  
leuten / vnd treybens nach allem mutwillen. Zum andern  
vergleycht er yhn der hellen rachen / wilcher so weit ist / das  
er alle welt verschlinge vnd thet sich doch nicht zu. Also  
auch der tod / ob er wol alle welt erwürget / wird er doch  
nicht satt. Mit den Worten ist ia mechtiglich geredt / von  
dem vnsettigen geitz der tyrannen / Vnd zeigt damit der  
Prophet auch das an / was ein menschlich hertz gesynnet  
ist / wenn es nach gut vnd ehre stehet / Nemlich / das yhe  
mehr es hat / yhe mehr es haben will / wenn es die gantzen  
welt hette / so wolt es gerne zwo haben / Zette es zwo / so  
wolte es gerne zehen haben. Summa / wenn der tod vnd  
helle satt werden / so wird ein geitzig hertz auch gnug ha  
ben



ben/vnd nicht ehe/Drumb ist nicht fürzunemen/wie mā  
den geytz/tod/helle,settige/vñ so viel gebe/ das sie sprechē  
Gnug/sondern den geytz muß man tödten/gleich so wol  
als den tod vnd die helle. Wie aber den tod vnd helle nie  
mā den alleyn Christus tödtet/also kan auch den geytz  
niemand tödten den Christus/gleich wie alle andere sun  
dē/on das der leipliche tod den geytzigen weg nimpt/das  
er nymer den geytz kan vben/wie mā spricht/Du wirst ein  
mal vol werdē/wen mā mit schauffeln dir nach schlecht.  
Aber d geytz geht gleich wol mit ihm vñ bleibt bey ihm  
wie andere sunde / Sonst kan der geytzige auff erden ni  
chts guts thun (wie die heyden sagen) on das er sterbe .

**Was gilt's aber? Diese alle werden eynen  
spruch von ihm machen/ Vnd eyne sage  
vnd sprichwort werden sie sagen.**

Der prophet feret fort ynn der gleychnis eins vollen  
truncken mans/wie der selbige zu schanden wird vñ (wie  
gesagt) das man mit fingern auff yhn zeyget/lachet vnd  
spottet sein/als der zuuor so starck war/das yhn yedermā  
furcht/zu er aber so vol ist/das er da ligt wie eine saw/  
oder so er geht/torkelt vnd danmelt er so nerrisch/dz mā  
sein lachen mus/Er will viel thun/vnd kan auff den bey  
nen nicht stehen. Eben so gehets der tyrannē pracht auch  
zu letzt/ das sie nicht alleyn macht vnd gut verlieren/ vñ  
wie die trunckenbold/nirgen stehen noch bleyben konnē/  
sondern das man auch yhr dazu lachet vñ spottet/mit spi  
ren vnd bunten hönischen Worten/Wo bistu nu Züfer?  
Wo ist dein zorn? Kurtz/man weyset yhn die feygen/ vñ  
so hoch als er gefurcht war/so tieff wirdt er nu veracht/  
wie wir sehen ynn der welt lauff/wie es denn itzt auch ge  
het dem Papst mit seinem gesinde/da singet/spottet/lach  
et/tichtet/hōnet yederman/ der zuuor nicht gicken noch  
mucken thürste . Eben ein solch spotterey vnd lecherey

verkündigt hie Zabacuc auch vber den König zu Babylō  
ynn allen landen (da er izt grausam ist) zukunfftig) Wo  
ber wer es ihm gesagt hette/so hette er gedacht/Es ist vn  
möglich vnd sind narrē reydinge/Doch wirds den Judē  
zu trost verkündigt/wiewol es auch wenig gleubten.

Es macht auch Gott zumal wunderlich / Er spricht/  
man werde der tyrannen lachen/vnd sie sitzen doch so fest  
sie/vnd sind zumal tieff gewurtzelt/wie Jeremia spricht/  
Gleich wie psal. 5. spricht er auch/das Gott lache/ vnd  
spotte der Heydē/fürsten vñ Könige/ so sich widder seinē  
Christum setzen/Heyst das yhr gelacht vñ gespottet/ weñ  
sie mechtig obliegen/ das sie Christum creutzigen/alle sey  
ne iünger verfolgen vnd tödten? Sie aber bleibē gleich  
wol ym lande vnd ynn yhrer gewalt/ Ja darumb hörēt  
glaube dazu/Es sind glaubens predigt/ die nicht darlegē  
das sie sagen/sondern/zukunfftig verheysen widder das  
so für augen gehet vnd stehet. Christus Euangelion ist  
nie an feynen ort stercker gangen/denn da mans am we  
nigsten wolt leyden/Denn da das stündlin kam/giengen  
die tyrannen vnter/ vnd das wort bleyb auff dem plan.  
Sihe des zum exempel an Jerusalem vnd Roma/Vnd  
izt auch! da die fürsten vnd Bischoue am hefftigsten  
dem Euangelio weren/ da mus es hin komen/vnd am  
meysten gehen/So wird man denn spotten vnd sagen/  
Wo sind sie nu die das nicht wolten leyden? Im grab lie  
gen sie/die würm fressen sie/Das wort Gottes stehet vnd  
gehēt gleich wol ynn yhrer hirschaft / Also musste Hano  
nas vnd Caiphas **CHRISTVM** zu Jerusalem las  
sen bleyben mit dem wort / vnd den spott dazu haben/  
Wo aber Christus wort ist vnd bleybt/ da heyst **CHRIS**  
tus sieg vnd reich bleyben/ Er behellt ia das fellt mit  
seyner lere/vnd müssen andere lere schweygē wie die meu  
se/wie wir sehen ynn erfarnge.

Weh dem

Weh dem der seyn gut mehret mit fremden  
gut / Wie lang solts denn werē? Vnd  
ladet nur viel schlammes auff sich.

Zie zeler er an eyner riege her etliche spotwort / so wid  
den Babylonischen tyrannen ynn landen gehen würden  
Vnd der sind vol viere / das funfft thut Habacuc für sich  
hinzu. Vnd das er solchs gespeyes so viel macht / vñ seyn  
gespöit an dem mechtigen kōnige hat / müssen wir ymer  
dahin verstehen / da sein hertz hin siehet / nemlich die Iu-  
den zu tröstenn / das sie nicht verzagten an der zukunfft  
Christi / Denn wie gesagt ist / das ist die fürnemst vrsach  
vnd meynung des Propheten / das er die schwachen tröstē  
vnd auffhalten wil ynn der verstörung Jerusalem ꝛc.

Das erste spot liedlin das man von disem anmechtigē  
truncken tyrannen sagen vnd singen wird ynn allē landē  
ist von seynem geytz / damit er groß gut hat aus allen lan-  
den geschunden. Denn das ist der welt lauff vnd ordnūg  
das sie zu erst sucht gelt vñnd gut / Darnach bawet man /  
darnach sucht man lust vnd freude / zu letzt gewalt vñnd  
ehre. Dise vier stück werdē wir hie auch nach einander ynn  
den spotsprichen sehen an dem truncken tyrannen / Seyn  
gut (spricht er) hab er gros gemacht / nicht durch Gottes  
seggen vnd gabe / wie die kōnige Israel vnd Juda / yn eige-  
nem lāde / sondern er hats mit gewalt andern genomen /  
das ist / das er alle lāt hat bezwungē / vñ zuse vnd allerley  
scherung auff sie gelegt / bis ers alles zu sich gerissen hat /  
was ym lāde war / Vñ dasselbige nicht aus Gottes befehl /  
sondē aus geytz vnd hohnut (wie wol durch Gots ver-  
hengnis) wie die tyrānen pflegē / vñ alle kōnigreiche thū /  
die durch streyt vñ gewalt auffkomē on Gottes befehl /  
Daher solche reyche auch Raubeberge heissen / Psal. lxxv.

Wie lāge solts weren? Das ist / er thut nicht anders / als  
solts ewig weren / Sölchen spot hett man nit müssen sin-

gen /

gen/da der könig ym reych sas/Er hets nicht gelittē/Deñ  
die tyrannen wollen recht haben/vnnd sol nicht frembd  
gut seyn/was sie dermassen gewinnen/Aber nu er dahin  
ist/singet mans frey vnnd spottet seynem geytz mit aller  
sicherheyt/ yhm zu grossen schaden/ das er billich vmb  
komen sey/ als eyn offentlicher landreuber vnd so lange  
frembd gut besessen habe / das er nu mus mit schanden  
widder geben/ Vnd er nennet solch gut/viel vnnd dicken  
schlam/ Nicht des guts halbē alleyne/ sondern das er da  
durch aller leute vnd lande has/ neid vnnd seyndschafft  
auff sich ladet/darunter er mus ersticken vñ erdrückt wer  
den / vnd kans nicht von sich wendē noch werffen/Deñ  
ym schlam kan niemand widder hinder noch fur sich/vñ  
mus herhalten/Also wer das gemeyn gebet vnnd gonst  
verleuret/der ist/on allen trost/ schlechts verloren.

**W**ie plötzlich werden auffwachen die  
dich beyssen / vnd erwachen die dich weg  
stossen / vñ du must yhn zu teyl werden.

Das redet Habacuc als zukünfftig/vñ sollen doch spot  
wort sein der yemige/so Babiloniē verstorret sehē werdē/  
wilche müssen also sagē/Sihe/wie bald sind sie komē die  
dich gebissen habē. Aber weyl es noch nit geschē war/  
tröstet er damit die Jüden vñ drewet dem kōnige/Er bes  
schreybt aber/wie es zu gehet/wē eyn tyran sicher sitzt vñ  
plötzlich yñ vnglück kompt/vñ nimpt eyne gleichnis fur  
eins schlaffenden oder schnarckendē menschen/ Der ligt  
sicher da ym schlaff vnd reget sich nicht/Kompt aber das  
yhn hart beyset odder sticht/ als ein hörnis oder wurm/  
so wischt er aus dem schlaff/ erschriekt vnnd feret auff/  
als sey das land vol feynde. Also ist dem kōnige zu Ba  
bilon auch gangē/Da er sicher war/sas vñ tranck/hatte  
einen guten mut/wie daniel schreibt/kamē die Perser vñ  
Weder plötzlich/ gewonnen Babilon vnd tödten dem  
kōnig

König yn eyner nacht/Danielis.v. Da reget sich d̄ König/  
vñ ward wacker/Vnd wie hie der text sagt/ward er weg  
gestossen/aus dem sicher lager getagt vñ fund doch nicht  
entfliehen/sondern mus̄te yhn zu teyl werden/das sich die  
Perser vñ Meden yñ seyn gut/land vñ leute teiletē/Das  
thut nu seer wehe/das eyner gerne wolte fliehen vñ kan  
nicht fliehen/sondern mus̄ den feynden zuteyl werden/  
Damit wird bezaler was er andern geth̄n hat/wie folget.

Den̄ du hast viel Heydē geraubt/so wer  
den dich widder raubē alle vbrigē vō den  
völck̄er/vmb menschē blut willē/vñ vmb  
des freuels willē ym lande vñ yñ der stad  
vñ an allen die drinnen wonē/begangen.

Er schlecht das fur das geringst an/das der tiran hab  
andere heyden beraubt vñ mit gewalt vnterdrückt/Aber  
zu trost den Jūdē zeucht er das sonderlich an/das er das  
land Juda vnd die stad Jerusalem mit yhrem volck̄ ver  
derbet hat/sein gut zu mehrē/Den̄ da er sagt/vmb men  
schen blut willē/deutet er die andere Heydē alle/so nicht  
Juden/sondern wie andere menschen gewest sind/vber  
wilche zu gewinnen/er viel bluts hatt müssen vergiessen/  
on vrsach/alleine das er reych vñ ein grosser herr wurde/  
Damit er yhn schilt einen greulichen mörder vmb seyns  
schendlichē geytz willē/wie noch heutiges tage weltliche  
bischove vñ fürsten nichts achten/wie viel menschen blut  
es koste/das sie nur reych vnd grosse herrn werden/wie  
der welt lauff vnd des teuffels regiment gehet.

Aber den freuel am lande Juda vñ an der stad Jeru  
salem acht er noch grösser/vmb des willē/dz da Got wo  
net/wilcher sein Gots dienst/seyn volck̄/sein tempel/sein  
wort da hatte/Verhalbē sich daselbst der König am höch  
sten versündigt hat mit freuel/dz ist/ mit gewalt vñ vno  
recht an götlichen vnd heyligen dingen/Darumb nennet  
er auch

er auch dz land/die stad vnd burger/nit mit eygenen nam  
men/sondern redet dauon mit gemeynē namen/als were  
kein lād noch stad noch leute mehr/die d̄ kōnig verderbet  
hette/Den was er andern gotlosen landen vn̄ steren vnd  
leuten gethan/ist geringe gegē diesem lande. Es schreio  
ben auch die historien/dz gemeyniglich aller freuel an hei  
ligen dingen begangen/sey flux vn̄ bald gerochen/Daher  
das sprichwort kompt/Es ist mit heyligē nit gut scherzē  
Sie zeychen gerne / Item du gleubest den heiligen nit/  
sie zeychē den/Also sagt man von C. Pompeio/dem aller  
glückseligsten fürsten zu Rom / dz er nie feyn glück mehr  
hatte//da er den tempel zu Jerusalem v̄nehrete. Vnd es  
war auch Babilon gewesen/was werdē solt / da der kōnig  
hatte Jerusalem ver̄stört/Bald darnach nam es ab/das  
er selbs eyn vnuernünfftig thier ward/vnd keyner mehr  
so mechtig/vnd seyn kōnigreich nach seym son gar da  
hin fiel yn̄ dritten gelied/wie Daniel schreybt. v.

Den so steiff htelte Gott vber seynen namē/das er yhn  
auch nicht lestern lest yn̄ dē abgöttern/ Sintemal alle ab  
götter Gots namē fürē vn̄ lassen sich Gott heysen/nach  
sind die oft gestrafft/die d̄ abgötter spottet/ odder dran  
gefrenelt haben/wie die heidenischen bücher zeygen/Da  
her auch solche furcht komen ist vnter die leute/ das sie  
die abgötter auch gefurcht haben/ Nicht das darumb ab  
götterey recht sey odder vn̄strefflich/sondern dz eyn hertz/  
das so rauch vnd frech ist/ den abgot zu spotten/ spottet  
auch gleych so sere den rechten Gott/weil Gots name da  
ist/Denn es thut nicht aus dem glauben/wie die Christē  
thun/ sondern aus freuel v̄nd vermessenheyt/ So lest  
denn Gott den teuffel sie straffen v̄nd plagen. Gleych  
wie zu vn̄sern zeytten oft. S. Antonius/S. Valtē vnd d̄  
gleichen die freuelen habē geplagt/das ist/der teuffel/aus  
Gotts verhengnis hatts gethan/darumb das solche leste  
rer vnd freueler/eben so wol solchs theten/ an den rechtē  
heiligen vnd an Gott selber/ als sie thun an den heyligē/  
die

die sie fur heylig halten/Also hab ich gesagt/d; dis sprich  
wort daher kome/die heyligen zeychen gerne/ Denn was  
man heylig achtet/obs schō mit heylig ist an yhm selber/  
so ist doch dem heilig der es dafür helt/ Den er nimpt  
Gotts namen/der alleyn heylig ist/vnd missebraucht sein  
vnd lestert den vnd freuelit dran/Da von gntig.

Wey dem der do geizet zum vnglück sei  
nes hauſes/ auff das er seyn nest ynn die  
höhe lege/das er dem vnſal entryme.

Das ander spott liedlin/ das man singen wird/ist von  
seinem festen gebew/Den so gehets/wenn man gros gelt  
vnd gut/land vnd leute gewonnen hat/so denckt man/  
wie er bewaret vnd behalten werde/ Zie hat der geitz al  
ler erst zu schaffen/ia so viel odder mehr/denn wie es ge  
wynnet/ Da treybt er den/das man feste/starcke/gemach/  
schlos vnd feste bawe/ auff das man sicher sey fur den  
feynden/Denn weil sie das gut nicht aus dem glaubenn  
von Gott haben/sondern mit geitz zu sich bracht/so kō  
nen sie auch Gotte nicht vertrauen noch beſelhen/son  
dern suchen selbs mit grosser wiſe rad vnd kunſt/ wie  
sie es bewaren vnd verteydigen. Also schreibt man  
wunder vber wunder von kōnigen/wie sie feste stette ge  
bawet habē/als Judith. i. Arbaces kōnig ynn Media/ ba  
wet Egbathanis/das die mauren dreissig ellen dicke/vn  
siebenzig ellen hoch/vnd die thürme hondert ellen hoch  
waren/da haben ia leute zugehort/ vn ist ia mein ich/er  
beyt geschehen/Noch sagt man von dieser Babylon viel  
größer ding/wilch eyn trefflich vngleublich ding es sey  
gewest/d; Aristotiles sagt/es were nit eine stad/sondern  
ein ganz land yn die rindmaurē gefasset/Den die rind  
mauren hatte vmbher. xl. tausent schutte / wie Plynius  
schreybt/ wilchs macht bey funffzehen deudsche meyle/  
funffzehen meile aber yn d rindmaurē/gebē wol eine stad/  
die

die funff meyle lang vnd breit ist/ So waren die mauren  
funffzig schuch dicke vnd zweyhundert schuch hoch/ einē  
schuch zu rechnen fast so lang als ein elbogen/ das ist drey  
grosser finger lang/ Vnd waren sechshundert radheuser  
drynnen/ Vnd des dinges viel mehr / Derhalben Babyl  
lon fur der sieben wunder eins gezelet ward / so ynn der  
welt waren/ Es ist freilich wunder/ das menschen haben  
solchen baw vermocht.

Auff solche stad trotzte nu der kōnig vnd die Babylo  
nier/ vnd waren stolz/ als gewis / das es solte vnmüglich  
sein/ sie zu gewynnen / odder das kōnigreich zu verstören/  
Gleich wie auch Jesaia. xlvij. erzelet / wie sich Babylon  
thümet vnd spricht / Ich bins alleine/ vnd ist sonst keine  
mehr / Nymmermehr werde ich widwe werden odder on  
kinder sein. etc. Vnd ist auch nicht wunder / das ein mens  
schlich hertz sich verlasse auff solche mechtige gewalt vñ  
gut/ so sichs wol auff geringer gut verlest vñ trotz/ Den  
Juden aber ist schwer gewesen zu gleuben/ das sie solten  
widder von Babylon kōmen / nach dem sie von grosser  
macht/ gefangen/ verderbet vnd verstōret waren/ Darüb  
schreien auch die propheten/ Jesaia / Jeremia / vñnd hie  
Habacuc mit aller macht/ widder diese stad / auff das sie  
das volck mit trost erhalten ym glauben auff den künfft  
tigen Christum / Denn wer kund es itzt gleuben / wenn  
solche predigt gienge / das ein solch mechtig kōnigreich/  
solte so leichtlich zustōret vnd die gefangen los werden?  
Es ist gar hoch vnd weit vber alle vernunfft vñ synne.

Aber wenn Gott sonst nicht wunder thette / hette er  
doch hie an dieser stad vnd an dem kōnigreiche gungsam  
beweiset / wie gar doch keine macht noch gewalt helffe/  
wenn er die hand abe thut / vnd kein baw noch feste bes  
stehet/ wo er auff hōret zu schützen/ wie der. cxxvi. psalm  
spricht/ Wo der herr die stad nicht bewaret / da hütet der  
hüter vmbsonst. Damit hat er ia wol erzeigt / wie er sey  
zu furchten/ auch allen grossen herrn auff erden/ vnd das  
sie nicht



Die nicht sollen stolz sein auff yhr gut vnd macht/ Den so  
Babylon nicht hat mügen bleiben/ Wo wil der Türcke?  
Wo wil vnser Keiser/ König vnd fursten bleiben? welche  
kaumet burger sein möchten zu Babylon? Widderumb  
sind damit auch getröstet alle die / so von tyrannen ver-  
folget/ gefangen vnd geplagt werden/ Denn so er die Ju-  
den aus Babylon hat können erlösen/ da so stolze/ mecht-  
tige vnd böse tyrannen waren/ wie solt er nicht auch vō  
vielen geringen erlösen? Das ist nu / das Habacuc die  
Juden tröstet mit zukunfftiger erlöfung/ vñ spottet des  
tyrannen zu Babylon vnd singet daher / Gleich wie das  
grosse gut Babylon/ aus allen heidē geschunden/ zutren-  
net vnd zu nicht ist worden/ also sey auch das gros / feste/  
köstliche gebewe zu störet vnd zu rissen/ da das stündlin ist  
komen?

So klingt nu das spotliedlin also / Weh dem der da  
geitz zu vnglück seines hauses / das ist / Ach wie sawr  
wirds ausgehen / wie wird man dein spotten / das du so  
grewlich hast gegeitz dein haus zu bawen/ vñ die stad  
Babylon feste vnd starck zu machen / Was hilffts? Es  
ist nichts/ den das du damit dir selbst vnd deinem hause/  
deste mehr vnglücks zu richrest / Denn bawestu viel / so  
wird viel zu brochen/ Wendestu viel drauff so verleurestu  
viel/ vnd wird dein schande vnd schade deste grösser/ weil  
du mit solchem schönen gebew verstöret wirst/ vnd must  
so vergeblich gebawet haben / das alle welt dein spottet  
vnd saget/ Wo ist nu der treffliche baw? Wo ist nu die  
feste stad/ die fur der gantzen welt sicher wolt sein? Wie  
nutz ist solch kost vnd arbeit gewesen? wie fein hat sie sich  
erhalten/ Alle welt hat sie gepocht vnd getrotzt/ Vnd ist  
so schendlich gewonnen vnd zu störet/ Weniger vnglück  
vnd schande were es/ wo sie doch nicht so feste hetten ge-  
bawet/ vñ nicht so gegeitz / geschunden vnd geschabet/  
sich feste zu machen. Ist nicht so auch gangen izt yñ der  
nehisten auffru? Da waren schlösser vnd heuser/ die zu  
nor wol

vor wolten dem türcken entsetzen / Aber da die bawren  
nir anklopffren / giengen sie dahyn / Warumb? Warē sie  
nicht feste gnug? freylich / Aber es feilet an dem rechten  
bawherrs vnd schutzherrn / Der war nicht daheim / Dar  
umb halff kein baw noch hut / Noch wil mans nicht er  
kennen / so stock blind vnd hart ist das menschlich hertz.

Mit dem aber das er sagt (Der do geitz) zeigt er an/  
wie der kōnig zu Babylon sein gebew nicht gethan habe  
mit rechten gut / sondern hats landen vnd leuten abgez  
geitz / das ist / er hat yhm nicht lassen benügen / an dem  
billichen vnd ymlichen einkomen / von land vnd leuten /  
sondē hat auff sie gelegt / steurgelt / baw gelt / hie gescherzt  
vnd da gescherzt mit mancherley auffsetzen / wie es denn  
pflēgt zu gehen / wenn herrn grosse baw fur nemen / so  
genets vber den gemeinen man / das dieser spruch wol  
mōcht vber alle solche gebew gemalet vnd geschriebē ste  
hen / Weh dem der da geitz zum vnglück seines hauses /  
Denn es nympt nicht gut ende / was mit vnrechtem gut  
gebawet wird / sonderlich weñ man sich noch dazu drauff  
wil verlassen / vnd Gott nicht fur augen hat / als den re  
chte schutzherrn. Also da er spricht (Auff das er sein nest  
ym die hōhe lege / das er dem vnfal entrynne) zeigt er an /  
das dieser baw sey geschehen zur festung wider die feind  
de / Denn er wol gefulet hat ym sein gewissen / das er  
nicht viel guts gebets ym gemeynen volck gehabt / vmb  
seiner tyranny / geitz vnd auffsatzs willen / so hat er sich  
müssen fürchten / vñ niemand getrawen können / sondern  
allenthalben vnfal besorgt / Dem selbigen vor zu kōmen  
vñ weren / fehet er an / vnd rufft holtz vnd stein an / bawet  
vnd festet sich mit den selbigen / die sollen yhm behfiten /  
Aber es ist ein elende hut vnd schutz / wo stein vnd holtz  
sollen hueten / da Gott vnd menschen verlassen vnd has  
sen / wie die tyranny selbs viel haben bekand.

Er nennet das kōnigreich ein nest / vnd seine festung /  
die hōhe / vnd seine sicherheit / entrynnen dem vnfal / Den  
also

also redet die Ebreische Sprache/ Das sie Wohnung odder  
heuser heist nester/wliche die vögel/sonderlich was groß  
se vogel sind/als habicht/reyger/adeler / pflegen hoch zu  
machen/das sie sicher seien/yhre iungen zu hecken/neren  
vñ behaltē/Also thun die reichen vnd grosse herrn auch/  
wie auch Obadiah vom Esau sagt / Wenn du dein nest  
auch vnter die sterne machtest/wil ich dich doch her vnd  
ter stossen/spricht der herr. Denn wenn man gleich lange  
bawet vñ schafft/so ist doch nit mehr den ein nest / was  
wir auff erden haben/wens gleich der welt gut were/dar  
ynnen wir iungen hecken/neren vnd warten / Darneben  
Kompt etwa ein thier oder vnfal / vñ verderbt nest vnd  
iungen miteinander / odder wird abgenommen mit iungen  
vnd mit all. So gehts mit dem zeitlichen leben vnd we  
sen/Es ist zeitlich vnd mus dahin/wie es komen ist.

### Aber dein rad wird zur schande deines hauses geraten .

Das ist/Es ist vmb sonst solch bawen vnd rüsten/wie  
gesagt ist/ das schade vnd schande nur desto grösser sein  
werden/ Darumb das es ein menschen rad vnd furnemē  
ist on Gott vnd seinen rad/Dein rad (spricht er) als solt  
er sagē/ O du greiffests fast weislich an/vñ schlegests gut  
fur/mit dein bawen vnd festigen/Aber es sind eygen an  
schlege/ wie man spricht / Es ist ein eichen anschlag / da  
man sagen wil/Es ist ein eigen anschlag/gleich wie man  
spricht/Eichen loub stinckt/Da man sagen wil/Eigē lob  
stinckt/Darumb das alle eygen rad schlege gewislich fey  
len/Eigen rad schlag aber heist/den Gott nicht gibt/vñ  
eigen vernüfft furnympt vñ erdenckt/Dauō die gantze  
schrifft sagt / das sie vmbsonst sind / als. i. Cor. iij. Gott  
kennet der menschen anschlege das sie eitel sind / Vnd  
abermal. i. Cor. i. Ich wil die weisheit der Flugē verwerf  
fen/Vnd der gantze Ecclesiastes solche eichene anschles  
ge verwirfft./ Denn der mensch ist eitel ( das ist) nichts/  
dumba

Drumb sind seine anschlege auch nichts / Aber des herrn  
radschlege bestehen. Also bestünd dieser anschlag der Bas  
byloner mit allen schanden / Den sie dachten / es were ein  
ewigs königreich / Aber ehe sie es bedachten / lags ynn der  
asschen. Die Römer meineten auch yhr reich solt ewig ste  
hen / vnd hatten des viel anzeigunge vñ radschlege / Aber  
es ist alles dahin. Vnd noch heutigs tags sehe ich kein fei  
ner fastnacht spiel / den der Papsst / keiser / fursten mit yrem  
Gott dem teuffel treiben / wie sie wider das Euangelion  
radschlahen zu vertilgen / Wie viel mal haben sie gefeyd  
let / vnd feilen noch ymer / das mans greiffen mag / wie es  
geht nach dem. ij. psal. Die künige lehnen sich auff / vnd  
fursten radschlahen widder Christum / Aber der herr ym  
hymel spottet yhr. etc. Aber sie hören darumb nicht auff /  
ob sie wol offft zu lügen vñ schanden werdē / auff das sie  
gar zu grunde gehen mit sunden vnd schanden / wie auch  
der selbige psalm sagt / Seyn zorn wird bald anbrennen.

Den du hast zu viel vöcker zuschlagen /  
Vnd hast mit allē mutwillē gesündigt.

Darüb (spricht er) wird dein starck gebew doch nichts  
helffen / Denn du hast zu viel gemacht / Gott vnd men  
schen sind dir feind / weil du so tyrannisch bist gewesen / vñ  
hast die leute mit gewalt also geschunden vnd yhr gut zu  
dich gerissen. Vnd Habacuc rüret yhm mit diesen wort  
ten das gewissen / das er yhn erschrecke mit Gottes zorn /  
Den das er sagt / Du hast zu viel vöcker zuschlagen / zeigt  
er die grösse der sunden / das ers zu viel gemacht habe /  
Vnd das zuschlagen heist hie / solchs zuschlagen / das er sie  
an güttern geplagt hat / vnd yhre narunge yhn kurtz vnd  
geringe gemacht / auff das er nur reich were vñ feste wo  
nunge hette / gleich wie den leuten geschicht / die mit fröñ  
vnd diensten so zu plagt werden / das sie es nicht mügen  
zukomen / den wird auch yhre narunge verkurtzt / vnd ist  
eben so viel / als würdē sie sonst von reubern also besche  
digt

diget vnd zuschlagen. Vnd das er sagt / Vnd hast mit alle  
mutwillen gesündigt / laut auff ebreisch also / Vnd das  
hast mit deiner seele gesündigt / wilchs heyst also mit mut  
willen sündigē / das eyner gleych seyn böses mütlin fület  
an den leuten / vnd thut yhm so wol vnd sanfft solchen  
vbermut zu vben / als were seyner sele / das ist / seins lebē  
selickeyt drinnen / Auff wilche weyse redet auch Ezechiel.  
xxv. Die Philister haben sich gerochen mit der seele / das  
ist / von hertzen vnd yhren mutwillen zu fülen / Also auch  
Exo. xv. Meine seele sol vol werden / das ist / ich wil mein  
mütlin füle an yhn / Also hat der kōnig auch gethan / wo  
man sich seynes geytzens vnd schatzens hat gewegert / vñ  
gesperrt ist er also mit yhn vmbgangē / das er seyn müt  
lin auch gefület / vñ allen seynem mutwillen an yhn  
geübt hat / gleych wie wir izt sehen auch vnser Bischoue  
vnd Tyrannen mit den armen leuten faren.

Denn auch die steyne yñ der mauren wer  
den schreyen / Vnd die balcken am gesperz  
werden yhn antworten.

Wie gehet das zu? Ist das die feste stad / vñ das ho  
he nest / da die steyne vñ balcken widder vñ vber yhrē her  
ren schreyē vñ krachē? Wil das haus selbst dem wir wid  
der seyn / was sollē den die feinde thun? Man möchte die  
wort also vernemē / das die steyne vnd balcken weren / des  
kōnigs eygen volck vñ vnterthanē / die yhm solten beyste  
hen vñ helffen / Aber er habe es so mit yhn gehalten / dz sie  
selbs widder yhn sind / yñ seiner not yhn vlassen / schreyē  
vber yhn / vñ fallē den feynden zu vñ helffen den selbigē /  
gleych wie eyn haus das do fracht vñ knack / schreckt vñ  
tagt den einwoner aus / dz er sich mehr fur dē hause drin  
nen fürcht den haussen / vñ eben da er schutz vñ sicherheit  
solt suchen vñ haben / dafur mus er am meyste fliehē Dar  
umb ist nicht ein guter fluch / wen man spricht / Das dich  
f eyn

eyn alte wād erschlahe. Aber ich halte/der prophet greif  
fe dem kōnige vñnd den seynen yns gewissen/vñnd sei das  
die meynunge/das seyn beste vñnd feste gebew/solle nicht  
alleyn verloren vñnd vmb sonst seyn/sondern solle auch  
schendlich vñnd widder yhn selbst seyn/Denn da seyne feyn  
de widder yhn stritten/gab yhm Gott so blōden verzag  
ten mut/ das yhm nit alleyne seyn gebew/sondern auch  
die weyte welt zu enge ward/Vñnd wo eyn balcke odder  
seule am hause knackt/das er docht/es fielen eytel feynde  
ds hereyn.

Denn so meysterlich kan Got streyten/das er zuuo  
hertz vñ mut weg nympt/wie er von yhm sage lesst psal.  
lxxv. Er ist schrecklich vñter den kōnigen auff erdē/ vñnd  
nympt den furstē den mut/Wen aber hertz vñ mut weg  
ist/so ist die manheyt weg/vñ der wan wird feyg vñ ver  
zagt/Der thut denn kein gut/vñ ist nichts nutz/denn das  
er sich schlahē lasse wie eyn klotz/Wen der selbige gleych  
alle mauren vñ wallen fur sich hette mit allerley wehre/  
so hilffts nicht/wen er hōret eynen balcken krachē/ so er  
schrickt er vñ meinet / es scheyne mit bücksteynē zu yhm  
hineyn. Also wil hie Zabacuc auch sagen/Das der kōnig  
solle so feygge werdē yñ seynes verstorunge/das seyn eygē  
gebew/darauff er sich lies/sol yhn schrecken vñnd plagen/  
wen nur eyn steyn an der maurē schreyet (das ist) kracht/  
vñnd die balcken antworten/das ist/das steyne vñnd balck  
en eyns vñnds ander odder miteynander knackenn. Dis  
alles leret die erfarnunge/Wenn eyn furchtsamer verzag  
ter mēsch alleyne etwa yñ eym hause ist/wie er erschrickt/  
wenn eyn holtz yñ der wand kracht/ Vñ zu weylen dückt/  
er hōre odder sehe/das er doch nicht sihet noch hōret.

Ist nu das nit eyn wunderbarlich gericht Gottes/das  
sichs so gar sol vmbkerenn mit solchem grossen kōnige  
Der alle welt hatte bezwungē vñ yedermā erschrecklich  
war/das der sol so verzagt werdē wen sein stündlin kōpt/  
das er nit alleyne vñnsicher ist ym lāde/ sondern auch seyn  
eygen

eigen gebewē/ sol yhn erschrecken/ mit ein krachen ym ge-  
sperre/ Das heyst freylich einē mit 8 durre blasen vñ mit  
dreyē erbeissen iagen/ Wo ist nu das hohe feste nest? was  
hilfft nu das grosse gelt/ so vñ allen allē landē geschun-  
den ward/ ein festes schlos zu bawen? Ich meyne der geiz  
sey gerochen/ das solch festunge sich vmbkeren vñ thun  
alleynē mit krachen wol so vil/ als die fonde mit waffen.  
So sols gehen dem der do geyzt vñ bawet mit Gotts  
verachtung/ das solcher baw/ nicht zu glück noch heyl ge-  
rate sondern wie er hie sagt/ zum vnglück vñ vnfall sein  
selbs/ dazu mit grossen schanden / Das heyst / stark sein  
wollen vñ nichts ym Gott. Also solten thun fürsten  
vñ hertz / wenn sie feste wolten bawen/ das sie rechten  
gutē grunt legten/ das ist / das sie Gott zuuo: bitten sol-  
ten vñ hertz vñ mut/ der zur zeyt der not / das gebew  
kund erhalten/ So stände eyn schlos feste auff rechten  
grunde/ Zu aber fur den mut nicht gesorget würd/ son-  
dern alleyn holz vñ steyn auffgericht/ mus es zu letzt/  
wenn das ständlin kompt/ gehen/ wie hie der text spricht  
das sie eyn sparrnackē vñ steynkrachē erschreckt. Ich  
mein solchs haben wyr auch erfahren yñ diesem iar an dē  
festen schlössern/ so die bawren verstoreten ym auffru.

**Weh dem der die stad mit blut bawet/**

**Vñ die stad zuricht mit vnrecht.**

Das dritte spotliedlin/ ist vom schönen gebew/ damit  
die ganze stad gezieret vñ geschmückt war/ zur lust/ Des  
da er gelts vñ guts die menge hatte/ bawet er zu erst  
sein haus/ das ist/ seyn schlos feste vñ köstlich/ wie wyr  
gehört haben/ Darnach zieret er auch die stad mit manch  
erley schönen gebew/ Davon auch viel geschriebl ist/ Wie  
der kōnig habe zu Babilon gebawet/ vñ vnter andern  
rhümet man fur eyn grosses wunder/ das er das grosse  
wasser Euphrath habe durch die stad geleytet/ wie wol  
die Kriechen solchs zuschreiben der kōnigin Semiramis /

**S ij aber**

Aber sie haben das wenig grunds/ Den Daniel schreybt  
ia/ wie der könig sich rühmete/ Das er die Stadt Babylon  
hatte zugericht. Item die grosse lustgarten so er der könig  
gyn lies bawen/ oben yn der höhe auf gewelben ober den  
dechern/ Davon Josephus schreibt/ wie denn die könige  
pflegen vil vnnützs gebewde zu bawē/ wen sie zuvil gelts  
haben/ als die yn Egipten mit yhren grossen spitze tärme  
vñ grebern zc. Solch schöne herlich/ köstlich gebew (sprit  
cht Habacuc) wirdt alles zu spot vnd schanden werden /  
Warumb? Darüb das er solchs alles thut mit der armē  
schweys vnd blut/ mit vnrechtem gutt/ durch auffsetz vñ  
würgen gewonnen/ Den wie wir gehört habē/ solch gros  
se land vnd leute/ hat er mit viel blutvergiesen vnd vn  
recht/ on alle nott/ müssen gewinnen. Darumb heists hie  
Habacuc/ die stad durch odder mit blut bawen. Den das  
gelt durch blut vergiesen erworben ist / vñnd hat daran  
den leuten vnrecht gethan/ Vnd redet fast eben der gley  
chen wort/ Micha der Prophet wider der Juden könige/  
da er spricht Capit. iij. Ihr bawet Zion mit blut/ vnd Jer  
usalem mit vnrecht/ das solchs scheynet eine gemeyne re  
de gewesen sein vnter den propheten/ widder dy tyränen.

Ists nicht also/ das vom **HERREN** Je  
baoth geschehen wird/ Was dir die völk  
er geerbeit haben/ wird fewres die men  
ge machen/ Vnd daran die leute sind mü  
de worden/ wird lere stete gnug geben.

Denn wo so grosse vnnenschliche gebew geschehen / da  
müssen viel leute zugehören/ die da erbeyten/ welche erbeit  
ist zweyerley/ Eine der yeningen / die dazu müssen geben  
scherzüg/ damit mā bawe. Die ander/ der yeningen/ dy dran  
müssen frönen vñ mit eygnem leybe erbeyten. Beyderley  
ist den leuten schwere/ vñ werden müde drüber/ also brau  
chen die tyränen der leute erbeit zu yhrer lust. Aber wold  
an/ba



an/bawe nür frisch vnd machs feyn/ zwinge die leute wie  
mache sie müde/ Es sol sich finden/ das wir von dir wer-  
den singē vnd sagen/ Sihe/ das hübsche/ köstliche gebew/  
ist alleynē dazu bereyt/ das das feuer desto mehr zu verze-  
ren hette/ vnd daran die leute haben müssen müde werdē  
Ist nür darumb auffgericht/ das die lere wüste hoffestat  
deste grösser werde/ Denn also lauts ym Ebreischē/ Que  
populi laborauerunt/ in abundantia ignis erunt / Et in  
quo lassati sunt/ in abundantia inanitatis erit. Denn so re-  
det man auch weñ man spöttisch von ein grossen werck  
redet/ das es vmbsonst sey fürgenomen/ vnd nicht dahin  
gerate/ da man hin gedencet/ als das Bapsium hat nür  
gent zu so viel guts gesamlet / denn das man yhm deste  
mehr nemen könne. Vnd allein darumb so hoch gestie-  
gen/ das es deste tieffer falle/ Also möcht man auch spot-  
ten / wenn ein herr viel bollwercks vnd zeune vmb feyn  
schlos machte vnd doch verloren erbeyt were / Es ist gut/  
las yhn bawen/ Es wird gut feurwerck draus/ das ist so  
viel gesagt/ Es ist ein narr/ yhe mehr er bawet/ yhe mehr  
er zu verbrennen macht andern.

Also spottet er hie des grossen kōnigs gebew auch/ als  
solt er sagen/ O du bawest köstlich ding/ Aber wilch eyn  
schōn feur sols werden / da ist so viel leute an erbeyten/  
Vnd wie viel feyner ledigen hoffesterte sollen da stehen/  
daran so viel leute ist sich müde erbeyten/ Vnd sol sich  
dein anschlag gar vmbkieren/ vñ nicht geratē wie du wilt.  
Du wilts zur zierde vnd schmuck der stad haben/ so sols  
zum vnschmuck vnd zur vngestalt geraten/ das man wie  
sie verbrante stete finde/ da du ist lustgarten hin bawest  
Aber solchs sol nicht von den vnderthanen geschehen /  
das nicht auffruer sei/ Sondern vom Herrn Zebaoth/ der  
wird wol leute dazu finden/ nemlich die Perser vñ Mes-  
der. Vñ ist furwar ein ebē recht fein vnteyl. Er hat vil leu-  
te zuschlagen/ vñ yhr narunge geringert vnd geschwecht  
auff das sein gebew/ gros/ vol/ vnd starck were/ so soll er  
F iij widder

widder so geringert vnd geschwecht werden/das sein ge-  
bew/yinn der aschen auff wüsten brandsteten lige. Vnd  
weil ers mit blute vnd vnrecht gebawet hat / wil ers nit  
mit wasser abwasschen/sondern mit feur rein aus brenne  
das blut vñ vnrecht nicht mehr da gemerckt werde. Aber  
wie schwerlich ist das alles zu glauben gewesen / da es ge-  
sagt vnd noch nicht gesehen ward / das ein solch mechtig  
ding solte so mit feur verwüstet werden / darumb hat  
his der geyst müssen sein / der es redet vnd auch glauben  
leret bey den Juden/ Den die Babyloniæ hettens yhren  
spott gehabt/wenn sie es hetten gehört/, Vnd sonderlich/  
weil solche straffe vom herrn zebaoth / das ist / von der  
Juden Gott solt komen/wilchen sie verachten / als dem  
sie sein volck verstoretē/gleich wie es den Juden vñ Rö-  
mern ein spot war/das Christus der gecreuzigt Gott / sie  
solte verstoren/wilchem sie teglich seine heiligen tödten/  
Vnd izt noch vnsern iunckern ein spot ist/das der Gott  
yhn solt etwas thun/des wort man izt predigt / weil sie  
es teglich verfolgen.

**Denn die erde wird vol werden von er-  
kentnis der ehre des HERRN wie  
das wasser das meer bedeckt.**

Diesen spruch haben die propheten aus Mose genos-  
mē/wilcher spricht Exo. ix. vō kōnige pharao also/Dar-  
umb hab ich dich erweckt/das ich meine macht an dir be-  
weise/auff das mein name verkündigt werde ynn allen  
landen/das ist/du verachst mich als einē vntüchtigē Got  
eines elendē volcks/der nicht hoch berümbt sey/wolan ich  
wil dich auch ein stücklin sehen lassen / das man nicht sol  
mich so veracht vnd geringe haltē/sondern alle land sol-  
len singen vnd sagen von meiner macht. Item Numert  
xiiij. So war ich lebe/alle land sollen meiner ehre vol wer-  
den/Das ist / yhr versucht mich vnd vnehret mich / Ich  
wil mich aber an euch beweisen vñ so angreifen/ das  
die welt

Die welt sol meiner ehre vol werden/das ist/man sol von  
mir singen/sagen/loben/ehren vnd mich furchten an allē  
orten/wenn sie hören werden/ was ich euch gethan habe/  
den yhr so versucht / Also redet Jesaja auch von dē reich  
Christi cap. xi. Es ist die erde vol vō erkentnis des Herrn  
wie das meer vol wassers/das ist/alle welt höret das E-  
uangelion von Christo reichlich vnd lernen Gott darynn  
erkennen. Solcher weise zu reden mus man gewonen/  
Denn sie heissen das/Ehren vol / wen man allenthalben  
von Gott singt/predigt vnd sagt / gleich als wenn man  
vom grossen Alexander odder Julio Cefare sagte / Alle  
welt rhümet die helden vnd yhr lob schallet an allen ör-  
ten/von yhren grossen thatten.

Also drawet hie Habacuc dē kōnige zu Babylon auch  
vnd wil sagen also/Du verachst den Herrn Zebaoth vn-  
sern Gott/als sey er kaum einematte fliege gegen deinem  
Gott Bel/weil du so grosse ding thust/vnd meinst dein  
Gott gebe dirsvnd vnser Gott müsse yn vns solchs ley-  
den / Aber du solt sehen ynn kurtz / das vnser verachter  
Gott/sol auch ein mal ehre einlegen an dir vnd an deinē  
Gott/vnd so mit dir vmbgehen/das alle welt davon sin-  
gen vnd sagen sol/dich vnd deinē Gott spotten / vnsern  
Gott aber preisen vn loben an allen enden/als der solchs  
an dir gethan habe / Wilchs denn alles auch also gesche-  
hen ist/Denn da Cores der kōnig zu Persen hatte Babyl-  
lon zerstört / bekand er offentlich vn lies auch mit schriff-  
ten ynn allen landē ausruffen/das der Gott von hymel/  
der zu Jerusalem wonete / hette yhm solchen / sieg ge-  
walt vnd kōnigreiche gegeben/Darumb er auch zu danck-  
sagung widderumb den tempel zu Jerusalem hies bau-  
en von eigener kost vnd gelt / wie Esra schreybt / Das  
heist nu gleich wie das meer vol wassers ist / also sol die  
welt vol rhümens werden von dem Herrn Zebaoth/das  
ist / ein solch rhümen / das nicht ein bach vol wassers  
gleich sey/wilchē man austrockē odder abstechē kan/son-  
st nū dem dem

Der dem Meer vol wassers gleych/wilchs niemand auß  
trocken noch abgraben kan / Also sol diese ehre vñ rhum  
von Gott so mechtig gehen ynn allen landē/das ihn nie  
mand schweygen noch hindern kan/Solchs alles/wie ge  
sagt/wirt verkündigt/das Judische volck zu trösten vnd  
ym glauben zu erhalten.

Weh dir der du deinem nehiste einschē  
Fest/ vnd misschest deynen grym drum  
der/ vnd truncken machst/ das man  
yhre schame sihet.

Das ist das vierde spotliedlin vō seym stoltz vnd freu  
uel/Gut macht mut (spricht man.) Wenn die tyrannen  
so fest sitzen/gut vnd ehre gnug/feste vnd lustige hewser  
haben/lassen sie yhn dennoch daran nicht benügen/ son  
dern werden stoltz vnd freuel zu vben allerley gewalt vñ  
mutwillen/wöllen nicht leyden noch hören/ Vnd wo yhe  
synn nicht für sich geht/da ist eitel wüten vnd würgen/  
Man lese ym Daniel Cap. ij. wie dieser kōnig eine gūlde  
ne seule auffrichtet/ vnd die leute zwang/die selbige anzu  
beten/ Item cap. ij. wie er seinen traum wolt geraten vñ  
außgelegt haben von den weysen vnd gelerten zu Bably  
lon/ So wird man finden/was er für ein freutlin gewes  
sen ist/Gar ein feyner weidlicher tyrant/der seynen willen  
hat wöllen für eynen kōnig gehalten haben/ Dazu hoch  
verstendig vnd flug/der sich mit worten nit wolt abwey  
sen lassen / noch bey der nase führen / sondern kurtz hin  
durch wolte mit den gelerten/da sie yhm den traum nit  
sagen kundten/vnd doch die außlegung fürgeben zu tref  
fen/Er dacht wol/es müste büberey seyn.

Hie müssen wir der Ebreischen weise zu redē abermal  
gewohnen/wilche fast reich ist/mit verdreeten worten vñ  
gleichnis zu reden. Also haben wir droben gehört/ ym er  
sten cap. wie der kōnig zu Babilon/ein seuffer gescholten  
wird/

wird/der alle land auffauffe/Daselbst heist sauffen so vil  
als andern das yhre nemen/rauben vñ zu sich reissen/wie  
Christus auch von den phariseern sagt/Matth. xxij. das  
sie der widwen heuser fressen / Vnnd ym Job auch der  
gleichen brauch ist ynn Worten. Aber hie an diesem vnnd  
der gleichen ort/ heisst trincken odder sauffen so viel/als/  
straffen/peynigen/ martieren/vnd allerley plage anthun/  
Daher kompt das gemeine wort im psalter/Der filch des  
Herrn/Item yhrer filch ist vol schwefel. Also stehet auch  
Apoca. xvij. von der roten Zuren geschrieben/Schencck  
yhr vol eyn/wie sie euch eyngeschencck hat/Vnnd messet  
yhr mit dē mass/da sie euch mit gemessen hat/Also heyst  
denn der filch des Herrn die straffe / die er eym yglichen  
einschencck vnnd zuteylet/ Davon lese Jeremie. xxv. Da  
er heist alle kōnige vnd lente trincken auß dem filch des  
Herrn/das sie trincken werden/speyen vnd fallen zc.

Vnd das wirs gantz vnd klerlich fassen / Wenn eyner  
leiblich vom wein trincken ist / der ist ein gutt fürbilde/  
zweyerley ander trinckenheyt/ Eine ist/wenn yemād für  
grosser lust trincken wird. Die ander/wenn yemandt für  
grossen schmerzen trincken ist/Wie sich nu stellet eynn  
leiblich trincken mensch/ so stellen sich die andern beyde  
auch/ Ein leiblich trincken mensch/daumelt/felt nydder  
speyet/redet toll nerrisch ding/vnnd ist vnuerschampt zc.  
wie wir teglich sehen. Also auch wenn einem zu wol ist/  
hat guts vnd ehre/ lust vnd gewalt gnug/der ist ein rech-  
ter trincken man/der weys nicht was er für murwillenn  
thun soll/Er daumelt/fellet/speyet/wescht/ handelt vn-  
uerschampt/das ist/ob er gleich/ schēlich/ lesterliche ding  
thut/die yhm vbel anstehen vnnd schande ist/da fragt er  
nicht nach / da ist keine furcht/ schew noch masse/ Er ist  
hinden vnd fornen auffgedeckt/das ist/man sibet allent-  
halben seyne vntugent vnnd schande/noch gehet er hin-  
durch vnnd acht sein nicht/ wie wir auch izt sehen an vn-  
sern

fern Tyrannē/ So war der König zu Babilon auch trü-  
cken vō eytel kützel vñ wollust/ wie droben gesagt ist. Hie  
ists grosse klugheyt/ wer ein solchē trunckē man weichē  
kan/ wie man spricht/ Ein trunckenn man sol auch ein  
fudder haw aus dem wege gehen / Denn mit narren ist  
nicht zu handeln.

Widderumb/ wer fur schmerzen truncken ist / der  
stellet sich auch wie ein truncken mensch/ daumelt vñnd  
wird yrrē/ klagt/ schreyet vñnd berdet so vbel / das auch  
nichts denn schande an yhm zu sehen ist/ Etliche lestern  
beide Got vñd menschen/ faren eraus mit vngedult/ dec-  
ken auch alles auff/ was sie sind/ was sie wissen/ vñnd ist  
eitel herrisch vñuernunfftig wesen da/ wie ems trunckē  
mēschen. Auff die weyse redet hie Habacuc vom kōnige  
zu Babylō/ das er vil habe trunckē gemacht/ da er selbst  
voll vñd truncken war vor wollust/ das ist / Er war ein  
mutwilliger tirann/ vñd betrübte viel leute/ vñd sonder-  
lich das Jüdische volck on alle barmhertzigēyt drücket/  
wie Jesaia. xlvij. sagt/ zu Babylō/ da ich zornig war vber  
meyn volck/ macht ich meyn erbe vnstetig/ vñnd gab sie  
yñ deine hēde/ Aber du hattest keine barmhertzigēyt mit  
yhm/ Item Sacharia. i. Ich bin zornig vber die grossen  
völkē/ denn ich zornete eyn wenig/ Aber sie helffen zu  
vnglück/ das ist/ Ich wolt nur straffen/ so wöllē sie mein  
volck gar verderben / vñnd machen mirs zu viel.

Aber es gehet Gottes gericht also/ das wer auff die  
erste weyse trunckē ist/ der mus auch auff die ander weyse  
truncken werden/ wie dieser prophet sagt/ das der kōnig  
sey truncken worden von aller leute güter/ vñd habe viel  
mit betrübnis trunckē gemacht/ darumb werde man sein  
widderüb spottē vñ yn allen landē singen vñ sagen/ wie  
er auch trunckē sey wordē/ Gleich wie auch Jesaia. xliij.  
von yhm sagt/ Vñnd du bist auch erschlagen gleich wie  
myr (sprechen die heyden) das ist/ du hast vns zuschlagē/  
Ich meyne du seyst widder troffen vñd auch zuschlagē.

12 wer

Ja wer nur solchs erharren künde/ Es ist zumal hoch vñ  
vnglenblich/ wenn die tyrannen ym nest sitzen.

Das ist nu/ das Zabacuc hie sagt/ Du hast deynem ne-  
hsten wol eyngeschenckt vnd truncken gemacht. Vñ auf  
das niemandt zweyffele/ Er rede von der andern/ das ist  
von der schmerzen trunckenheyt/ deutet er sich selbs vñ  
spricht/ Vnd misshest deinē grym drunder/ das ist ia kler-  
lich gnug gered/ das er die leute habe mit dem kilch seins  
zorns getrenckt/ das ist/ mit mutwilliger tyrāney hochbes-  
trübt/ Vnd habe sie zu schanden gemacht / das man yhre  
schame hat gesehen/ das ist/ er hat sie aller ehren beraubt/  
das sie sind arm/ gefangen/ geplagte leute wordē/ vñ denē  
mā nichts herlichs hat wissen zu sagen. Der Prophet si-  
het hiemit auff die historia/ Gen. da Noe trunckē war vñ  
blos lag/ das mā seine scham sahe/ wilchs bedeut nicht an-  
ders/ den das schmezlich leyde vñ vnglück/ Den obligen/  
gut vñ ehre gewinnen ist herlich ding für der welt/ Aber  
vnterligen dem feinde/ arm vñ zu schandē werden ist eyn  
schendlich ding/ Darüb heist das die schame sehen/ wenn  
mā vberwundē wird/ verderbt vnd verarmet/ vñnd wie  
dieser kōnig die Judē vnd viel lande hatte zu schandē ge-  
macht/ vñnd er den sieg vñnd ehre behielt/ als eyn helt.

**Du wirst auch vol werden mit schan-  
den für ehre.**

Das ist/ mā wird dich wider trenckē vñ truncken ma-  
chen/ das man deine schame auch sehe/ Den du must auch  
vberwunden werden/ das deine gewalt zu nicht vñnd zu  
schanden werde/ als den wirstu mit schandē vol vnd satt  
werden/ für ehre/ das ist/ an stat der grossen ehre vñ herli-  
kēyt/ die du izt hast/ wirstu eytel schande haben/ vñ keine  
ehre / Vnd das alles wird man mit freuden von dir sin-  
gen/ dich dazu noch spotten vñ dein lachen/ Denn yeder  
man gonnet dir wol/ vnd hastis auch wol verdienet.

So sauffe du nu auch das du daumelst/ So thün die  
truncken

truncken/das sie daumeln vñ nyrgent stehen konnē/ Also die vol schmerzen vñ leides sind/wissen nicht wo sie bleiben sollē/vñ ist yhn die weite welt zu enge / wissen wider radt noch hülffe / Solchs wündschet vñd verkündigt er diesem kōnige auch / das die perser vñd Meder sollē komē/vñ yhm auch einschencckē hertzeleid vñ alles vnglück das er mus sauffen vñd daumeln / bis er nyrgent stehen noch bleibē könne. Auff die weise redet psalm. lx. Du lestest dein volck ein hartes sehē/vñ trencktest vns mit daumel wein/das ist/mit wein der vns daumeln macht / das wir nicht wissen/wo wir bleibē sollē. Vñd Isaa. li. Sihe ich habe von deiner hand genomē den daumel filch/vñd den filch meins zorns. Item daselbst/Mach dich auff Jerusalem/die du getruncken hast vom Herrn den filch seines zorns/bis auff den boden hastu den daumel filch aus getruncken vñ bis auff die hefen. Aus diesen vñ der gleichen sprächen kan man wol mercken/ was die propheten mit solchen wortē meinē/wen sie von filch trincken/daumeln/ sagen / vñd wie yhre weise gewest ist also zu reden.

Denn dich wird vmbgeben der filch ynn der rechten des Herrn/das ist/du kanst dem filch vñd vnfall nicht werden noch entlauffen / Denn der Herr ist dein schencckē worden/der wird dir yhn zu trinckē geben vñd du must yhn sauffen da hilfft nichts fur/Wer kan Got widderstehen? Wenns menschen wille vñd rad were/dich also zu trencken/möchtestu hülff vñd rad findē/ Aber nu der Herr selber solchs dir zuschickt/ mustu her halten / Denn rings vmb her wird dich der filch vmbgeben/das du dich seyn nyrgend werenn kanst / Das ist nu alles leichte zu verstehen aus dem vorgesagten.

Vñd must schendlich speyē fur deine herlickeit/Gleich wie du mit gewalt viel land vñd leute ausgesoffen hast vñ bist truncken vñ wuerend wordē/also mustu es schendlich wider ausspeyen vñ wider gebē. Auff die weise redet auch das buch Hiob/das die gottlosen wid müssen speyē  
/was



was sie geraubt haben/ vñnd gar süsse schmactte / da sie  
es truncken vñnd namen/ Denn das ist war/ Wein trinckē  
ist süsse vñnd thut wol/ / Aber widder speyen ist bitter vñnd  
thut wehe / Also sind raub vñnd alle sund süsse yñn der  
that/ aber gar bitter yñn der straffe. So wil nu Habacuc  
sagen / Das der kōnig nicht allein widder speyen mus/  
was er geraubt hat / sondern müsse auch schande dazu  
haben/ das ein schendlich speyen werde/ darynn alle welt  
sein spotten vñnd lachen wird/ das ers so gar mus widder  
verlieren/ Vñnd das fur seine herlickeit / das ist / so gros  
deine herlickeit itz ist weil du seuffest vñ raubest/ so gros  
wird deine schande sein/ wenn du es widder speyest vñnd  
verleurest.

**Denn der freuel am Libanon begangen  
wird dich vberfallen/ Vñnd die verstörē  
ten thiere werden dich schrecken.**

Das ist/ wie droben gesagt ist / er wird kein hertz noch  
mut haben/ sondern verzagt sein/ vñnd fulen / das es nicht  
menschen zorn / sondern des Herrn tilch sey / Denn sein  
gewissen wird yhm selbst wider stehen vñnd straffen/ vñnd  
des freuels willen am Libanon begangen. Da wird der  
berg Libanon gen Babylon komen/ wenn er noch so fern  
dauon were / Ja er wird yñ seine kamer vñnd yñ sein hertz  
komē vñ sein gewissen drucken vñ feyg machē/ sampt allē  
thierē/ die er daselbst verstört hat/ Wie geht das zu? Also  
gehers zu/ Das gewissen fulet solchs vñ dunct/ es sey Li  
banon mit allē seinen thierē da vñ wöllē yhm fressen/ die  
er zuuor beleidigt hat/ Denn die sunde/ wenn d̄ reuel kompt/  
bringt sie mit sich vñnd stellet/ is dunct yus hertz / mit ge  
walt alle die / so beleidigt sind. Etlich deutē hie Libanō  
den tēpel zu Jerusalem. etc. Aber ich halt / Er nenne das  
gantze land also vñ gebirge Libanon/ gleich wie der. xliij.  
psalm nēnet es vom gebirge Hermonim vñnd vom wasser  
ser Jordan/ da er spricht / Ich denckē dein ym lande des  
Jordans

Jordās vnd des gebirges Hermonim/ Den Libanō auch  
dasselbige gebirge Hermon ist/ Das dis sey der synn/ Du  
hast ym Libanischen lande / das ist/ ym Judische lande/  
grossen freuel geübt/ vnd die thiere drynnē verflöret/ das  
ist/ die leute vnd einwoner/ Drumb wird dich vnd deyn  
gewissen solcher freuel drücken vnd schrecken / vnd must  
widder des gleychen vnd viel mehr leyden.

Vmb der menschen blut willē / Vnd vmb  
des freuels willē ym lāde vñ yn d̄ stad/ vñ  
an allen die drynnen wonen/ begangen.

Der text ist droben schon außgelegt / Denn der Prop  
phet zeucht ym sonderheyt die sünde vnd den freuel an/  
den er nicht alleyn am Libanon vnd ganzem lande /  
sondern am meysten ym lande Juda vnd an der stadt  
Jerusalem begangen hat.

Was wird den helffen das bilde das seyn  
meister gebildet hat: vnd das falsche ge  
gossen bilde darauß sich sein meyster ver  
leßt/ das er stumme gözen anbet:

Das fünfft spotliedlin/ ist von seinem gottedienst/ Da  
spottet der prophet des königes seer heftig vñ mit stach  
lichen Worten/ Denn das sind eyttel stichlinge vnd ganz  
böse stichwort/ da er spricht/ Der könig habe bilde zu Got  
gemacht/ vnd er sey der meister solchs bildes vnd gotts  
Vnd bete doch seyn eigen werck an/ wie kund einer ein  
größer narr seyn: pfu des Gots vnd des gotsdiensts/ da  
der Gott ein bilde ist/ vnd der gotts diener ein meister ist  
des gotts den er anbetet. Item/ da er sagt/ Es sey ein  
falsch bilde/ das ist ein betrug vnd lügen/ damit die leute  
verführt werden/ meynen/ sie dienen Gott/ Vnd verlassen  
sich auff solche lügen vnd betrug/ als auff die rechte war  
heyt. Item das er stumme gözen anbetet/ die nicht reden  
könnē

Können/schweyge denn etwas thun od der machen/Drüß  
trozt er nu vnd spricht/Ach wie fein wird dich dein Gor  
lassen/wen des Herrn Kilch vmb dich kompt/Was solt er  
dir helffen? Ist doch ein götze vnd bilde/Aber doch lass  
yhn helffen/ruffe yhn an/las sehen/wie will er sich stelle  
dir zu helffen/Unser Gott/ob er vns eyn zeytlang strafft  
wird vns doch widder erlösen/ dein gott aber hilfft dir  
nymermehr. Ich halt Habacuc meine mit diesem Text  
vnter andern bilden vnd götzen/den furnemesten götzen  
zu Babylon der Bel heist/Denn Jesaia zeucht die zween  
am höchsten an/Bel vñ Nebod/ Dem selbigen Bel hat  
er das grosse gulden bilde auffgericht / da Daniel von  
schreibt Cap. iij. das es sechzig ellen hoch vñ sechzig ellen  
breit war/Trefflich viel vnd vnnütze gold haben die leu  
te gehabt/das macht / Es war das Keyserthum so gros  
vnd reich/vnd hatte aller lande güter zu sich gerissen.

**Wehe dem/der zum holtz spricht/wache  
auff/Vnd zu stummē stein/ Stehe auff**

Das ist der spot/den man den singen vnd sagen wird/  
ynn der zeyt der verstörung. Zui ruffe nu dein holtz vnd  
steyn an/die du für götter hast gemacht vnd gehalten/wie  
vbel vñnd schendlich lassen sie dich. Da sihestu ia/das es  
holtz vnd stein sind gewesen/Denn wen du sie schön an  
ruffest vñ sprichst/Hilff mein Got/wache auff mein Bel  
Stehe auff mein Nebo / errette mich / so höret er nicht/  
Denn er ist holtz vnd steyn mit gold vberzogen.

**Solte er lernen?**

Das ist/wie solte er mügen guten radt geben? Ist doch  
ein stummer stein/Eym rechten Gott gepürt ia/sein volck  
mit seym wort zu leren vñnd zu radten.

**Sihe / er ist mit gold vnd silber vberzo  
gen/vñnd ist keyn geyst ynn yhm.**

**Ein armer elender Gott/der sich ynn gold fassen vnd  
fangen**

fangen lest/ vnd hat keinen oddem noch leben ynn yhm/  
Solch spötrerey vñ specerey treibt der prophet/dem Ju-  
dischen volck zu trost/das sie gewis sein sollen/ yhrer erlö-  
sunge/wie gesagt ist/auff das sie ia nicht ynn vnglauben  
fielen vnd sich an gotts werck vnd Worten ergerten/ Da-  
zu sie gar grosse vrsachen vnd bewegunge hatten / Weil  
das Babylon so mechtig war/vnd so feste sass/vnd sie so  
gar verlassen vnd verstorret wurden.

Aber der **HERR** ist ynn seym heiligen  
tempel/ Es sey alle welt fur seim ange-  
sicht stille.

Er ist nicht ynn sylber odder gold geschmiedet odder  
gefasst/sondern ist ynn seinem tempel/das ist/ ynn seine  
pallast vnd königlichen saal / wilsch ist der hymel vñ wo  
er wonet durch sein wort/ Vnd dennoch so mechtig vnd  
herlich/das sich fur yhm furchten mus alle welt/vñ stille  
sein/das ers mit yhn mache nach seinem willen/das ist/er  
ist almechtig vñ regirt/so weit als die welt ist / das mag  
wol ein rechter Gott sein / Denn wenn gleich heiden vnd  
ketzer mit gewalt vñ lere wider yhn toben vnd wueteten/  
das lest er eine weile geschehē/ Aber bald kan er sie lassen  
ein stücklin sehen / das sie alzumal vergehen vñ zu nicht  
werden/ vñ müssen also stille fur yhm sein/wen er kompt  
Den dis wörtlin fur yhm oder fur seim angesicht / lautett  
ynn Ebreischen also viel/als wen er kompt oder das an-  
gesicht zu vns keret als der do kompt/wie Malach. iij. vñ  
Johanne stehet geschubē / Sihe ich sende meinen engel  
fur deinem angesicht/ das ist / fur deiner zukunfft / odder  
wenn du komest/das Habacuc also wil sagen/Wen aber  
vnsere Gott kompt vnd heim sucht/ so wirds yñ aller welt  
stille/den da verkreucht sich yederman/da höret auff/stol-  
zirn/rhümen vnd aller vbermut/den er strafft die gottlo-  
losen vnd hilfft den frumen / damit macht ers schlecht  
vñ still/wo er hin kompt/ das kan kein ander Gott thun  
Das sey.

Das sey genug vō des Habacuc weyffagūg/ Da sehen wir/ wie viel wort es gestehet/ das man den glauben ynn den leuten erhalte/ sonderlich wenn sie schwach sind/ vnd die anfechtung starck vnd mechtig / wie diese gewesen ist ym Judischen volck/ Wie hat er gestrafft/ geflehet/ gefochten geweyffagt/ vermanet vnd getröst/ Widderumb das Babylon/ zu scholten/ zuspottet vnd gedreuet mit gotts gericht vnd zorn/ Noch hats geholffen bey wenigen/ Dess glaube ist nicht yedermans ding. Zu thut er hinzu ein gebet/ auff sang lieds weise gemacht/ noch mehr zu trösten vnd zu stercken die schwachglaubigen/ vnd liest vnd tregt zusammen viel der alten wunderwerck Gottes/ die er vorzeyten dem volck beweiset/ vnd sie so oft wunderbarlich erlöset hat/ das sie an die selbigen sollen gedencken vnd nicht weyffeln / das yhr Gott der sie vorhin so offte vnd so mechtiglich erlöset hat/ werde sie auch izt widder erlösen von Babylon. Denn es sterckt fast wol das hertz vnd den glauben/ wenn man der vorigen wunderwerck gedenckt / wie der prophet offte ym psalter bekennet vnd spricht/ Herz ich gedacht an deine gerichte/ vnd ward getröstet. Item/ Ich gedencke deiner wunder von alters her vnd rede von deinem thun / So tröstet auch die frumme Judith yhre burger/ Vñ Mathathia seine sone die Macabeer vnd sprach/ Gedencckt daran/ wie vnser veter sind erlöset. etc. Das selbige lied wollen wir nu sehen/ wilchs titel heyst also.

## Das vierde Capittel

Dis ist das gebet des Propheten  
Habacuc für die vnschuldigen.

Dauid ym siebenden psalm furet auch solchen tittel/ daer seine vnschuld Gotte furtregt / Es laut aber ym Hebreischen so viel als ignorantia et ignorantie/ vnwissenheyt/ das ist/ wenn man künd zu latinsch reden Inconscientia

entia/wenn eynem von ein dinge nichts bewust ist/odder  
hat des feyn gewissen / wie Dauid thut yn genantem  
psalm/da yhm Simej schuld gab / Er hette Saul das kō  
nigreich mit gewalt abgedrungen/ zeygt er an/ das ynn  
sein gewissen nicht sey vñ nennets ignorantia/wilchs wir  
müssen deutschen vnschuld/weil wir kein besser wort ha  
ben/aber ist zu starck/denn das laut gar sein demütiger vñ  
Christlicher/das man sich fur Gott nicht rhūme der vns  
schuld/sondern des gewissens/Denn es mag yemand wol  
ynn gewissen nichts böses fülen/ das er dennoch darumb  
nicht vnschuldig ist/wie Paulus spricht.i. Cor. ij. Ich bin  
mir nichts bewust / Aber daryñ bin ich nicht gerecht/ der  
Hertz aber wird mich richtē/Wie Abimelech auch on ge  
wissen war/da er Sara nā/vñ war yhm dēnoch das werck  
fur Got vnrecht Gen/xx. Also wil hie Habacuc auch bittē  
fur die frumē/ die sampt den gotlosen gen Babylon ge  
für worden/ als on weyuel viel frumer leute darunder  
waren/wie Daniel mit seinen gesellen/Die selbigen warē  
vnschuldig/das ist/sie hatten kein gewissen vñ warē keins  
bösen stücks yhn bewust / Aber mussten gleichwol mit/  
Denn Gott richtet sie/wie S. Paulus spricht/Denn Gott  
auch selbst bekennet Jere.xxv. das sie solchen tilch zu trin  
cken nicht verdienet hetten/Wenne es nu Vnschuld odder  
vnwissenheit oder frey gewissen/oder wie yedermā wil/  
weñ der syñ da ist / mag man mit dē wort gedult haben/  
Ich acht/ wir deutschen reden also am besten / Ein ge  
bet fur die vnschuldigen.

¶ Der erst vers.

**HERR** ich hab dein gerücht gehört/  
vnd furchte mich.

Er hebt das gebet an mit lob vnd danck/wie denn ein  
gut gebet thun sol/denn er zelet daher viel grosser wun  
der/die Gott den veteren beweiset hat / vnd spricht / Ich  
habe viel von dir hören sagen/Denn vnser veter habens  
vns gesagt

Uns gesagt vnd ynn schrifften hinder sich gelassen / wie  
der. xliij. psalm auch thut vnd spricht / Gott wir habens  
mit vnsern oren gehört / vnser veter habens vns gesagt.  
etc. Solch dein gerücht vnd predigen von dir / macht / das  
ich mich fürchte / das ist / ich halte viel von dir / schewe vñ  
fürchte dich / vnd verachte dich nicht / wie die gottlosen  
thun / die nichts von dir hören noch wissen / oder mit vns  
glauben hören vnd lassens faren.

Den du machst dein werck lebendig mit  
een yñ den iaren / Vnd lest es kund wer  
den mitten yñ den iaren / weñ trübsal da  
ist / so denckestu der barmhertigkeit.

Das ist das gerücht / das do macht / das man dich für  
chte vnd viel von dir halte / Denn man sagt von dir / die  
historien zeigens auch / das du ein solcher wunderlicher  
Gott bist / der mitten ynn der not helffe / du ledest sinckē  
vnd hebest auff / Du ledest zubrechen / wenn du bawer  
wilt / vnd tödtest wenn du das leben gibst / Thust nicht  
wie die welt / die flux ym anfang dem vnfall weret / oder  
bleibt gar drynnen stucken / Du aber ledest vns mitten hin  
ein faren / vnd zerschst vns dennoch eraus. Christus kō  
nigreich wiltu vns geben / vnd ledest vns gen Babylon  
mitten ynn das dienstloch treiben / noch ledestu vns nicht  
drynnen / So thustu ynn allen deinen wercken / Es ist  
deine weise / so singt / horet vnd saget man von dir / das du  
furwar ein Gott bist / der zu fürchten vnd zu ehren ist  
mit hohem lobe ynn solchen wercken.

Der text ist hie finster / das ist / seer Ebreisch / darüb hat  
ben viel drynnē gestrauchelt / Das werck lebendig machē  
ist nicht anders / den helfen ynn der not / den wer yñ nōt  
ten stuckt / der ist schier gleich wie ym tod / Vñ weñ ym ge  
holffen wird / so ist yns als sey er lebendig vñ new geboren  
worden. Mitten yñ den iaren / ist eben so viel / als zu recha

G ij ter zeit

ter zeit/das Gott nit bald kompt/wenn die not anfehert/  
als sey ein igliche zeit anzufahen / Die hulffe bleibt auch  
nicht ewiglich aussen/ als alle zeit aus sey zu helffen / son-  
dern mitten ynn der zeit/das ist/ Er weis das mittel wol  
zu treffen/das er nicht zu bald noch zu lange hilfft / Den  
wo er zu balde hulffe / lernetē wir nicht an vns verzwei-  
feln vñ blicbē vermessen/ Hulffe er zu langsam/ so lernerē  
wir nicht glauben vñ würdē an yhm verzweifeln/ Aber  
nu er gleichs mittel trifft / behelt er vns auch ynn mittel/  
Vñ auff Ebreisch heist es nicht also mittē yñ den iaren/  
als sey etwas der anfang vñ etwas das ende/sondñ/ In-  
tra vel inter annos/idest suo tēpore/das ist/vnter den iarē  
od vnter zeit/trifft er die stunde/wen er helffen sol/gleich  
wie ich sage/Die sonne ist vnter den sternenn/nicht gleich  
ynn mittel der sterne/sondern vnter ander sterne auch ge-  
menget/also ist das helffenständlin auch mittē yñ den ia-  
ren/das ist/vnter den iarē od vnter der zeit / das er nicht  
alle iar lest ans ende komen vñ ewiglich verlasse / bis das  
keine iare mer sind. Er spricht aber vnter den iarē/nicht  
vnter den tagē/das macht/er redet aus dē hertzē der ient-  
gen so yñ der not sind/Den selbigē ist ein tag ein iar lāg/  
ia alle zeit ist yñ lang. Auch darūb/den das iar ist das leng-  
gste mas der zeit / weil yñ ein iar alle mal die welt wider-  
new vñ alt wird durch den somer vnd winter/vnd ymer-  
wider an ein ander iar/Das man durch die iare/die lenge  
der zeit verstehen sol/also/ Herz du hilffest vnter den iarē/  
das ist / ynn der lenge wens vns seer lange zeit dunckt/so  
komptu vnter der selbigē lenge. Vnd das er von vielen  
iarē redet/thut er darūb / den er von vielen wundern vñ  
wercken Gottes redet / der ein iglichs zu seiner zeit vñ yñ  
seinem iar geschehen ist / das der iare so viel sind als der  
werck/ Vnd er sich ymer also helt ynn seinem werck/ das  
er komet vnter iares not/das ist / ynn der lenge der not.

Lebendig machen vñ fund werden ist fast ein ding/  
on das lebēdig machē ist/das wunder vñ die hulffe thun/  
Fund





fund werden ist/das mans auch fulet vnd freude dauon  
hat/ Vnd wenn trübsal da ist / das laut also ym Ebrei-  
schen/ In turbatione / das ist / auch mitten ynn der not/  
wenn der strick am hertzen helt/das das zittern vnd zaa-  
gen am größten ist/als denn spricht er/denckestu an barm-  
hertzigkeit/das du helffest/Wer nu wil selig werden / der  
mus dich so lernen kennen / Den gleubigen ist's tröstlich/  
aber den gottlosen vntreglich.

¶ Der ander vers.

Got kam von mittage/

Vñ der heilige vñ gebirge Paran. Sela.

Zie fehret er an die alten wunderwerck nach einander  
her zu malen / wie auff eine taffel odder tuch / von stück  
zu stück/Das erst ist / Da er das volck aus Egyptē durch  
die wüste furet yns land Canaan. Paran ist das gebirge/  
das vom mittage werds stößt ans land Canaan. Da nu  
Gott mit dem volck Israel daherein brach/kam er gleich  
vom mittage zu den Cananitem vnd schlug sie/ Nu war  
das wol so gros wunder/das Israel solte aus Egyptē/  
durch so viel vöcker vnd wüsten zihen/vnd so viel vö-  
cker austreiben/als das sie aus Babylon erlöset wurden/  
Dennoch geschachs/da das stündlin kam. Das Gott ynn  
der schrift/der Heilige heisse / solt man schier gewonet  
sein / Denn wo er ist / da heiliget er / durch seinen geist.  
Was auch Sela heisse / ist anderswo gnugsam gesagt/  
sonderlich ynn dem. lxxij. psalm.

¶ Der dritte vers.

Seines lobes war der hymel vol/

Vnd seiner ehre war die erde vol.

Das ist/mit solchem werck macht er/das man vñ yhm  
sagte an allen orten yñ landen vnter dem hymel/Vnd ist  
hie aber mal eine Ebreische finsternis/die laut also/ Sein  
lob bedeckt den hymel/Nicht oben auff/ sondern vnden/

G ist Denn der

Denn der Psalter heist das auch den hymel bedeckt/wen  
wolcken dran sind / Wil nu Habacuc / Es erschol gotts  
lob so dicke vnter dem hymel an allen orten/wen es wol  
cken odder nebel gewesen weren/sie hetten den hymel zu  
gedeckt / wilchs heissen wir den hymel vol sein vnder  
werds/ Vnd ist eben das Mose zu Pharao sagt Exo. ix.  
Ich habe dich erweckt / das ich meine macht an dir bes  
weise auff. das mein name verkündigt werde ynn allen  
landen / So hat auch die Ebreische weise vom hymel  
also zu reden/das sie viel hymel macht/Denn ein igliche  
land/so weit es sein teil hymels sibet/heisst es desselbigen  
landes hymel/Da her wir ym Vater vnser sagen/der du  
bist yñ den hymeln/das ist/yñ allen hymeln/die vber den  
selbigen lenden waren / Vnd ynn wilchem hymel sein  
lob war/ynn des selbigen lande war auch seine ehre.

¶ Der vierde vers.

Sein glantz war wie licht / glentzen  
giengen von seinen henden / Da selbst  
war heymlich seine macht.

Daher kams / das seins lobs hymel vñ erden vol war/  
Denn seine macht/das ist sein reich/war wol heimlich yñ  
dem volck Israel / Denn niemand sahe yhn / Aber do er  
so wunderte/waren solche werck wie licht / die seine ge  
genwertikeit anzeigen / vnd giengen von yhm aus wie  
glentze von der sonnen ynn der wolcken/vnd wie strelen  
von seinen henden / das ist von seiner stercke / die er bes  
weisete/Denn ob wol die sonne verborgen ist vnter den  
wolcken/dennoch merckt man an dem licht/ wo sie ist/  
Also giengen diese glentze nicht vom angesicht des Her  
ren/Er war da verborgē/sondern von seinen hendē/das  
ist/an dē werckē fand man/das er da war/Da von ward  
den gesagt / das hymel vnd erden vol ward seines lobs/  
Solche glentze nennet die Ebreische zungē homer. Exo.  
xxxij. hatte

xxxiij. hatte Mose hōner / das ist / glentze yñ sein andlitze

¶ Der funfft vers.

Sur yhm her gieng pestilenz /

Vnd plage gieng aus zu seinen fussen.

Das ist der glentzen einer von seinen henden / da er  
Egyp ten land schlug / das ym einer nacht alle erste ge-  
burt tod waren / Das war Passa domini sein gang / sol-  
che fustappen macht er da / wo er hin trat / da fur pesti-  
lenz aus seinen fussen.

¶ Der. vij. vers.

Er stund vnd mas das land / Er schawet  
et vñ zutrennet die heiden / das der welt  
berge zu schmettert worden / vñnd sich  
bucken mussten die hügel ym der welt /  
daer gieng ym der welt.

Ein ander glantz / da er am roten mer yñ der welt gi-  
eng / da stund er zwisshen Israel vnd den Egyp tern / vñ  
mas das land also abe / das die Egyp ter nicht weiter  
kündten / denn er yhm abgemessen hatte / Dazu auff den  
morgen schawet er sie an / vnd zutrennet sie also / das yhr  
ordnung nicht allein zutrennet ward / sondern das auch  
die grossen fursten / die wie berge sind ym der welt / mit  
einem anblick ym meer ersoffen vnd zuschmettert wor-  
den / vnd mussten also sich bucken vnd gedemütigt fur  
yhm werden die stolzen hügel / die grossen hansen / die  
welt hügel / da er so einen wüsten spaciengang vnter yhr  
thet auff erden.

¶ Der. viij. vers.

Ich sahe der Mozen hütten ym mühe /  
Vnd der Midianiter gezeltc betrübt.

G iij

Das war

Das war ein stück seines lobs vnter dem hymel  
das sich fur solchenn glentzen so grosse lender vmbher/  
fürchten vnd entsetzen. Etlich wollen hie nicht der Mo-  
ren hütten haben/sondern/weyl Chusan hie stehet/so es  
der König zu Mesopotamien sein/ Chusan Rifeathaim  
Jud. ij. die las ich faren Es reymet sich ynn die ordnung  
nicht/so weys man wol/das ym Ebreyschen Chus vnn  
Chusan mag ein ding seyn/ Ist vmb eyn Azuthun/ So  
singet auch Mose yñ seym lobsang Exo. xv. das sich alle  
vmbliegende lender gefurcht haben/da sie solch werck hö-  
reten/das ist/das er sagt/ Ich sahe (das ist eyner hette da  
gesehen) wie die Moren am rotē meer/der Egippter nach-  
bar/sich fürchten/ynn mühe/schmerzen vnd angst wa-  
ren/Desselbigē gleychen yhr ander nachbarn auff der and-  
er seyten des meers / die Midianiter auch/alle erschrock-  
ten sie fur dē Got Israel/d also mit Pharao vmbgieng.

¶ Der acht vnd neunde vers.

Warestu nicht zornig **g** **h** **e** **r** **e** **r** ynn der  
flut vnd dein grim yn den wassern/vñ  
dein zorn ym meer. Da du auff deinē ros-  
sen rittest/vñ deine wagē dz heil warē

Dieser vers mag auff ia weise vnd auff nein weise ver-  
standen werdē/ Aber mir gefelt die nein weise am besten  
nach der Ebreyschen zungen zu reden/dz die meynung sey  
diese/ Der prophet nach dem er etliche wüder erzelet hat/  
macht er eyne frolockung zu Got vñ lieberedet mit yhm  
vñ spricht/ Ich meyne ia/das heysse barmhertzig vñ nicht  
zornig gewest/da du yñ der flut des meers vñ seines was-  
sers/auff deynen rossen rittest vñ auff deinen wagē furest/  
das ist/auff den rossen vñ wagē Israel/ Den du warst da  
vñ furtest sie hindurch/das eytel heyl vñ sieg da war/ Da-  
künd man ia keinen grim noch zorn spürē/den du hettest  
gehabt

gehabt. Wenn aber die sa weise gefelt/wie sie da steht ver,  
dolmetchscht/der mus den zorn vñ grym auff die Egip  
ter deuten/ die er schlug/ auff das er seyn volck errettet/  
Es sol aber niemand zweyfeldn/das die kinder Israel ha  
ben ros vñ wagen gehabt/ den sie zogen geharnscht aus/  
spucht Mose Exo. xv. wie ein heer das ym krieg sol.

¶ Der zehende vers.

Du erweckest deinen bogen/wie du ges  
chworen hattest den stemmen/ Sela.

Durch den bogen meinet er den gantzen streitgerig/  
wie Psal. lxxvii. die kinder Ephraim/die den bogē solt en  
fären/Nu hatte Gott Gen. xlix. durch den erzvater Ja  
cob geredt / das der boge Ephraim solte feste seyn/ 2c.  
Das heist hie Habacuc den stemmen Israel geschworn.  
Vñ dieser vers zeygt aber der glentzen eynen an/da Got  
sich bey lies mercken/ Vnd mag seyn die schlacht die Jo  
sua thet an den Amalekitē Exo. xvii. odd an dem kōnige  
Harad Nu. xxi. oder an den Midianiten vnd Moabiten  
Nu. xxxi. oder an dem kōnige Sihon vnd Og/ odd an al  
len sampt/ Denn er wil sagen/wie Got yhren bogē erweckt  
vñ gesterckt habe/d; sie ym streyt glückselick sind gewest.

Vnd teyletest die strome yns land..

Das ist auch ein glantz/da er wasser aus den felsen  
gab/das sie yñ der wüsten flossen zuteylet/ das bey de leu  
te vnd vihe trincken kunden.

¶ Der eylffte vers.

Die berge sahen dich vñ yhn ward bāge/  
Der wasser strom fur dahin/ Die tieffē lies  
sich hören/ Die höhe hub die hende auff.

Da fasset er auff einen hauffen die werck / zentzel  
da die kinder Israel durch den Jordan giengē/ Wenn da

G v ward

Ward den bergen bange/das ist/ denn grossen herren ym  
land Canaan/oder dem lande das ganz bergicht ist/ mit  
den leuten drynnen/wie Moses auch spricht/Exo. xv. Da  
erschracken die fürsten Edom/ den mechtigen yn Moab  
ward bange vnd erstarreten alle einwoner Canaan/ zu  
der zeit fur auch der Jordan dahyn vnd ward trocken  
Josua. iij. Item die tieffe lies sich hören/ vnd die höhe  
hab die hende auff/das ist/ Es reget vnd weget sich alles  
was tieff vnd hoch war fur angst/ Es kunden widder  
dit tieffen wasser/ noch die hohen berge yemand helfen/  
Es musste alles weichen vnd raum geben.

¶ Der zwölffte vers:

Son vñ mon stunden yn yhrer wouunge.

Das ist/ sie stunden still/ widder yhr natur vnd gewon  
heyt vnd dieneten Josua ym streyt/ Josua. x.

Deine pfeile furen mit glintzen dahin/  
vñ deyne sperd mit blick en des blitzes.

Das ist die geschicht/ da Got mit eym grossen wetter  
vnd hagel bey Asca die heyden erschlug Josua. x. Denn  
die schrifft nennet die hagel vnd blitzen/ Gottes pfeyl vñ  
speer/ wie psal. xvij. Er schos seyne pfeyle vnd erschreckt  
sie an berge Sinai Auch möcht man wol pfeyle vnd  
spere hie nennen/ wie es laut/ vnd verstehen den streyt  
den Josua füret gegen die stede maceda/ Libna/ Lachis/  
Eglon/ Hebron/ Dabit/ Josua. x. Den die wordē so leicht  
eine nach der andern gewonnen/ das man musste woll sa  
gen/ der Israelischen pfeyle spieße vñ weren Gottes/ vñ  
erschöffe vnd steche so mechtig damit/ Er spricht aber sie  
blicken vnd glintzen/ Den so thun die waffen ym streyt/  
das sie blick en vnd glintzen/ wilchs sie ynn der scheyden  
nicht thun/ vnd diese auslegunge gefelt mir am besten.

¶ Der .xij. vers.

Da

Du zutrattest das land ym zorn/  
Vnd zu droschest die heyden ym grym.  
Das geschach/do Josua die vbrigen könig schlug  
bey dem wasser Merom/ Josua. xi.

¶ Der. xiiij. vers.

Du zöggest aus dem volck zu helffen/  
zu helffen deinen gesalbten.

Das geschach zur zeyt Samuel/ Saul/ David/ wenn  
sie ynn streyt zogen/da halff yhn Gott allewege/wie das  
erst vnd ander buch der könige zeygen.

Du zu schmissst das heubt ym hauffe  
der gotlosen/ vñ entblößtest die grund-  
fest bis an den hals. Sela.

Diese heubter vnd grundfeste/ sind die könige yñ  
denn umbligenden lenden/ als Edom/ Ammon/ Syria  
Philistin welche David vberwand vñnd warff sie vnter  
sich/ Denn das heyst das heubt zu schmissen / das ist/ das  
königreich eyngenommen/ das sie keyn heubt noch eygen  
könige mehr hatten/ sondern David vnterthan waren/  
Eben dasselbige ist/ das er die grundfest/ das ist/ die sel-  
bigen könige vñnd fürsten blos macht/ das ist/ abthet bis  
an den hals/ das der strump vnd der leyb bleyb gleychwol  
vñnd ward David vnterthenig / Denn ein könig ist das  
heubt vñnd grund ynn eyñ reich/ Das volck vñnd land  
sind die strumpff vñ leyb. So ferne her hat er mit dāck-  
sagunge gemalet vñnd erzelet die glentze götlicher heu-  
de/ dauon seins lobs hymel vñnd erdenn vol ward das  
volck zu trösten / Tu fehet er an zu bitten widder denn  
könig zu Babylon.

¶ Der. xv. vers.

Du

Du woltest fluchē seinem zepter mit dem  
heubt seiner flecken / die wie ein wetter  
komen mich zu strawen / Vnd frewē sich  
als fressen sie den elenden vnuerborgten.

Das ist / dem Königreich zu Babylon woltest du nicht  
günstig / sondern vngnedig sein / sampt dem heubt seiner  
flecken / das ist / der Stadt Babylon / die das heubt ist vnter  
allen seinen stedten. Vnd war ander Könige vnd heyden  
haben vnns auch wol geplagt / doch ym lande gelassen /  
Aber die Babylonier komen wie ein wetter vnd zu  
strawen vns aus dem lande / Vnd haben daran nicht  
gnug / sondern spotten vnser vnd sind frölich vber vn  
sern vnglück / als fressen sie den elenden heimlich / das  
ist / als sey kein richter da / vnd solle vngerochen bleiben /  
Denn das heist er heimlich fressen / wen sie meinen / Gott  
sehe es nicht odder achte es nicht fur vnrecht / das keyn  
geschrey noch recht drüber gehen werde.

¶ Der .xviij. vers.

Deyne pferde gehen ym meer /  
ym schlam grosser wasser.

Das ist vnser reissig zeug vnd heer / das zuor eytel  
heyl vnd sieg hatte / doch allenthalbē einher mit gewalt  
als stöge es ynn der lufft / da du vns halffest / nu aber du  
vns verlessst / gehets ym schlam vnd tieffen wasser / das  
ist / ynn tamer vnd not / vnd kan nichts mehr.

¶ Der .xviij. vers.

Weil ich solchs höre / ist mein bauch be  
trübt / meine lippē zittern vō dē geschrey

Das ist / Ich esse vnd trincke izt nicht das mein bauch  
frölich werde / sondern faste vnd trage leyde / so singe ich  
auch nicht / wie sichs gibt zur frölichen zeit / da man / isset  
trincket



trincet / vnd singet / sondern meine lippen zittern fur  
lachen vnd singen/das ich solchen iamer hore.

**E**pter gehet ynn meine gebeine.

Das ist / mein marck vnd gebeine verschmachten/  
Denn dis sind alles Ebreische weise zu reden / Das ein  
frölich hertz macht die beine fett / Ein betrübt oder neid  
disch hertz/macht die beine eytern/Vnd ist so viel gesage  
Frölicher mut ist halber leib/Betrübter mut macht auch  
die beine schwach / wie das alles die erfahrung gibt / wie  
folget.

**D**enn ich bin betrübt bey mir.

Das ist/wie ich sagt/mein betrübnis macht mir solchs  
ym bauch/lippen vnd beinen.

**O** dz ich möchte rugē zur zeyt des trüb  
sals/

**D**a wyr hynauß zihen zum volck das  
vns bestreyttet.

Das ist/ Ich wolt/ich were tod vnd rugete ym gra  
be/ denn das ich hören sol das elende/das wir aus dem  
lāde müssen yn vnser feinde land/die vns mit streit weg  
furen/Denn es wird vbel stehen ym lande / wie folget.

**¶ Der. xvij. vers**

Denn der feigenbaum wird nicht grun  
nen / Vnd wird keyn gewechs seyn an  
dem weinstock/ Die erbeit am olebaum  
feylet/ Vnd die ecker bringen keyne na  
runge/ Vnd schaffe werde aus den hür  
den gerissen/ Vnd werden keyne rinder  
ynn den stellen seyn.

Das ist

Das ist/weil das volck weg gefurtist / so ist das land  
wüste vnd ist kein rechter ackerbaw noch viehzucht / vnd  
stehet alles erbermlich / Wie Esai. v. auch sagt das land  
solte wol feyl werden / weil so wenig leute solten drynnē  
bleiben / wie auch Mose schreibt ym dritten buche / das  
das land solle seine sabbath haben / wenn sie draus ver-  
trieben sein wurden.

¶ Der. xix. vers.

Aber ich wil mich frewē des **HERREN**  
Vnd frölich sein yñ Gott meinem heil.

Das ist / ym aller solcher not vnd angst / ist das mein  
trost / das Gott vns noch widder helfen wird / Denn die  
gesicht der propheten sind noch nicht aus / Christus  
wird noch komen / da wollen wir denn widerumb frö-  
lich sein.

¶ Der. xx. vers.

Denn der **HERRE** ist meine krafft / vñ  
wird meine fusse machen wie hirsfusse  
vnd wird mich yñ der höhe furen / hoch  
singend auff meinem seyten spiel.

Der vers ist aus dem psalter genomen / Denn so sprich  
cht Dauid auch psal. xvij. Der Herr macht meine fusse  
wie hirsfusse vnd furet mich ym der höhe / Das ist alles  
so viel gesagt / Der Herr ist noch mein Gott vñnd alle  
meine krafft / des werden wir vns so frewen / das wir le-  
cken vnd springen werden wie die hirsffen / so leicht sollen  
vnsere fusse werden / vñnd werden nicht mehr ym schlamm  
waten vnd kriechen / sondern gantz fur freuden ym der  
höhe her schweben vnd fliegen / vnd nichts thun / denn  
frölich singen / spielen vnd allerley freudenwerck treiben /  
Das sol

Das sol geschehen / wenn das Babylonische zepter ver-  
flucht vnd verstorret / wir aber erlöset sind / vnd Christus  
mit seim reich komen wird. Amen.

Das ist Zabacucs gebet vnd gesang / zu trost den Jü-  
den gemacht / aber mit seer verbrochenen worten / die vns  
deutschen vngewonlich sind / Aber wir müssen vns der  
Ebreischen gericht gewenen / Denn solten sie vnser lica  
der hören / es solte sie wol so selzam flingen duncken als  
vns yhre lieder duncken / Ich hoffe aber / des Propheten  
meinunge sey getroffen / Des sey Gott gelobt vnd ges-  
danckt ewiglich.      A   M   E   N

Bedruckt zu Erffurt durch  
Johannem Loersfelt zu  
dem halben Radt / yn der Mey-  
mer gassen. M.D. XXXvj.

Faint, illegible text at the top of the page, possibly bleed-through from the reverse side.

Second block of faint, illegible text, appearing as bleed-through from the reverse side of the page.

Third block of faint, illegible text, also appearing as bleed-through from the reverse side.






2  
16445

(A2270545)



138.





**Der Dio**  
**phet Habacuc**  
 außgelegt durch  
**Adarti. Luther.**

1 5 2 6  
 BIBLIOTHECA  
 1576